

मत्तीकी टिवु लेन ल्यामु

दी थेपकी कोर्ला

दी थेप ति मत्तीकी टिवु कोन्छ्योककी लेन ल्यामु यिन। दी लेन ल्यामुला कोन्छ्योककी गोमा नेज्युनी थाक्छ्येन नङ्गुप दिक्पा ने थर ज्यितुप ति येशू राङ यिन सिक्पा वे। तोङ्ला कोन्छ्योककी खोरे ज्यिक्तेम्बा यहूदीतिवाला दिक्पा ने थरुप मिरा च्यिक तोङ्गुप थाक्छ्येन नाङ्गुनोक। ती थाक्छ्येतुप ति खोकी येशू ख्रीष्ट जम्बुलिङला तङ्नी तेरी क्या नाङ्सुङ। दी लेन ल्यामु ति येशू ख्रीष्ट यहूदी गिपा नेमा क्येवु यिन, तमा तीकी तेन्दोक ति यहूदी गिपाकी थोक्ला तिराङ मिन, तेरी जम्बुलिङकी थोक्ला यिन।

दी मत्तीकी टिवु लेन ल्यामु ति रिम्बा क्यानी डिङ ज्याक्नी वे। दी लेन ल्यामुला येशू क्येवु पे नेज्युनी खो टुङ्गुप ताङ खो येलुङ डोसु लावु कोर्ला सिक्पा वे। दीला खो क्येवु, खोकी बन्तिस्मा लावु, खो शैतानकी खोक्पा ल्हापला ख्येलुप, गालील नेवा ख्याप्टाक क्या नङ्गुप, येन्देन नङ्गुप ताङ नेर्पुतिवाला टेक च्यितुप कोर्ला सिक्पा वे। तमा खो यरूशलेम फेपुप, खो ते तिङ्मी दिन्जा सेक ज्युवु, ग्यङ्शिङला टुङ्गुप ताङ येलुङ डोसु लावु कोर्ला सिक्पा वे।

दी लेन ल्यामुकी येशू कोन्छ्योककी ठिम ताङ खोकी ग्येल्खापकी छ्याकला वोतुप ताम्डे हाक्कोवु ताङ ओङ्ज्येन थोपुप ग्येकेन छ्ये यिन सिक्पा वे। खोकी माङ्शोक येन्देनतिवा दीकी कोर्ला राङ वे।

१) पम्दोककी टोङ्गु- दी टोङ्गुकी नाङ्ला मीतिवाला गोवु च्योलामतिवा ताङ खक्छ्येवु ओङ्ज्येनकी कोर्ला टिनी वे। (लोप्च्येन ५-७)

२) लोमा च्यिङ्डीतिवाला सुङ ख्याप्टाक कितुप क नङ्गुप (लोप्च्येन १०)

३) कोन्छ्योककी ग्येल्खापकी पतिवा (लोप्च्येन १३)

४) लोमाकी तेन्दोक (लोप्च्येन १८)

५) तसामकी कल्वा ताङ ख्रीष्ट थेङ्मा ड्यिवाला फेपुप कोर्ला (लोप्च्येन २४-२५)

मुला राड वोतुप लोप्चयेनतिवा

- येशू ख्रीष्टकी हङ्गावा ताड खो क्येवु १:१-२:२३
- बप्तिस्मा तेरुप यूहन्नाकी ख्याप्टाक क्यावु ३:१-१२
- येशूकी बप्तिस्मा लावु ताड शैतानकी खोला खोकपा ल्हावु ३:१३-४:११
- येशूकी गालीलला ख्याप्टाक क्या नङ्गुप ४:१२-१८:३५
- येशू गालील नेज्यु यरूशलेम सेक फेपुप १९:१-२०:३४
- यरूशलेमला खोकी तिङ्मी दिन्जा २१:१-२७:६६
- येशू टुङ्गुप ने डोसु लावु ताड लोमातिवी पर्ला छयरुप २८:१-२०

येशू ख्रीष्टकी पगावा हङ्गावातिवा

(लूका ३:२३-३८)

१ येशू ख्रीष्ट ति अब्राहाम ताड ग्येल्बु दाऊदकी गिपा यिन। दिवा ति अब्राहाम ताड ग्येल्बु दाऊदकी गिपा येशू ख्रीष्टकी पगावा हङ्गावातिवा यिन।

२ अब्राहामकी पुज्युड ति इसहाक, इसहाककी पुज्युड ति याकूब, याकूबकी पुज्युडतिवा ति यहूदा ताड तीकी उज्यनुपतिवा नोक।

३ यहूदाकी पुज्युडतिवा ति फारेस ताड जाहेर नोक, तिबी आमा ति तामार नोक। फारेसकी पुज्युड ति हेस्रोन, हेस्रोनकी पुज्युड ति आराम नोक।

४ आरामकी पुज्युड ति अम्मीनादाब, अम्मीनादाबकी पुज्युड ति नहशोन, नहशोनकी पुज्युड ति सल्मोन, सल्मोन ताड राहाबकी पुज्युड ति बोअज नोक।

बोअज ताड रुथकी पुज्युड ति ओबेद नोक। ओबेदकी पुज्युड ति यिशै, यिशैकी पुज्युड ति ग्येल्बु दाऊद नोक।

दाऊदकी पुज्युड ति सोलोमन नोक। सोलोमनकी आमा ति गोमाला उरियाहकी पेर्मी यिनोक।

५ सोलोमनकी पुज्युड ति रहबाम, रहबामकी पुज्युड ति अबिया, अबियाकी पुज्युड ति आसा, आसाकी पुज्युड ति यहोशापात, यहोशापातकी पुज्युड ति यहोराम,

यहोरामकी पुज्युड ति उज्जियाह, उज्जियाहकी पुज्युड ति योताम, योतामकी पुज्युड ति आहाज, आहाजकी पुज्युड ति हिजकिया, हिजकियाकी पुज्युड ति मनश्शे, मनश्शेकी पुज्युड ति अमोन, अमोनकी पुज्युड ति योशियाह नोक।

११ योशियाहकी पुज्युडतिवा ति यकोनियास ताड तीकी नुपतिवा नोक। तिवा ति यहूदीतिवाला जिम्नी बेबिलोनला टि गल्सिमा क्येवु यिन।

१२ बेबिलोनला जिम्नी टि गलुप ज्युक्ला यकोनियासकी पुज्युड ति शालतिएल,

शालतिएलकी पुज्युड ति यरुबाबेल,

१३ यरुबाबेलकी पुज्युड ति अबिउद, अबिउदकी पुज्युड ति एल्याकीम,

एल्याकीमकी पुज्युड ति आजोर,

१४ आजोरकी पुज्युड ति सादोक, सादोककी पुज्युड ति आखिम, आखिमकी पुज्युड ति एलिउद,

१५ एलिउदकी पुज्युड ति एलाजार,

एलाजारकी पुज्युड ति मत्तान,
मत्तानकी पुज्युड ति याकूब,
१६ याकूबकी पुज्युड ति योसेफ
नोक।

योसेफकी पेर्मी ति मरियम नोक।
तमा ती मरियम नेमा येशू क्येवु
यिन।

ती येशूला ख्रीष्ट सिनी सिवी।

१७ तुक कयानी अब्राहामकी
पुस्तातिवा ति अब्राहामकी डो नेज्युन
दाऊद सेक पुस्ता च्युज्यी, दाऊदकी
डो नेज्युन बेबिलोनला जिम्नी टि
गलुप पेला सेक पुस्ता च्युज्यी ताड
बेबिलोनला जिम्नी टि गलुप पे नेज्युन
ख्रीष्ट[†] सेक पुस्ता च्युज्यी च्युङ्गुप
नोक।

येशू ख्रीष्टकी क्येताड

(लूका २:१-७)

१८ येशू ख्रीष्ट ति दुक कयानी
क्येवु यिन। खोकी आमा मरियमला
योसेफकी लाङ्नी जेन्दी कितुपला
थाक्छ्येनोक। यिने तिवी जेन्दी
कितुप सिनाड गोमाला के मरियम
ति कोन्छ्योककी थु चाङ्मा नेमा
राड जु च्येन्दी गलुप हाक्कोनोक।
१९ यिने मरियमला लोङ्गुप योसेफ ति
सेम टेङ्बु वोतुप मी यिन्दुप तप्की
तीकी मरियमला मी मिङ्गाला डोछा
लोङ्गुप नो माक्यानी छ्याकला तीला

क्युर्नी ज्योकुप नो कयानोक। २० तुका
नासाम तोङ्गियन वोतुप पेला योसेफकी
मिलामला देवाच्येनकी लेन क्योलुप
थु यी थोङ्सुड। तमा तीकी योसेफला
दुक सिक्यासुड, “ओ, दाऊदकी
गिपा योसेफ, ख्युरुड मरियम ताड
मुला जेन्दी कितुपला ज्यिवा माकी।
च्यिलासिसिन तीकी खोकला वोतुप
आडा ति कोन्छ्योककी थु चाङ्मा
नेमा च्युङ्गुप यिन। २१ मरियमला
पुज्युड यी क्येकितो, ख्योरो तीकी मिङ
ति येशू सिनी तोसा। च्यिलासिसिन
खोकी खोरो मीतिवाला दिक्पा ने
थर ज्यिकितो।” २२ दी तेरी ताम्डे
च्युङ्गुप ति चोवो कोन्छ्योककी खोरे
लुङ्गुप ति नेसुर दुक सुङ्गुप सुड
ति छेवुला यिन,

२३ “ल्होसा, जेन्दी माक्यावु पुम्पेजा
यीला पुज्युड यी क्येकितो,
तमा मीतिवी खोला इम्मानुएल
सिनी सिवितो।”

दी इम्मानुएलकी तेन्दोक ति
‘कोन्छ्योक दाक्पी मुला ज्यु वे।’
सिक्यावु यिन। *

२४ योसेफ ड्यी छेसिमा देवाच्येनकी
लेन क्योलुप थुकी तीला सिक्यावु
दोके मरियम ति खोरो पेर्मीला टि
वासुड। २५ यिने मरियमला पुज्युड
माक्येवा सेक योसेफ तीकी मुला
ड्यिमालोक, तमा पुज्युड क्येसिमा

१:१७ ख्रीष्ट ति हिब्रू ताम्डेला मसीह यिन।

१:२३ यशैया ७:१४



योसेफकी ती पुज्युडकी मिड ति येशू
सिनी तासुड।

**कर्मा ल्हानी ची कोरुपतिवा येशूला
ठेतुपला वावु**

२ ग्येल्वु हेरोदकी ग्येला कितुप
पेला येशू यहूदिया लुङ्बाकी
बेथलेहेम युलला क्येनोक। ती पेला
शरकी थाका नेमा कर्मा ल्हानी ची
कोरुपतिवा यरूशलेमला वानी
मीतिवाला दुक सिनी टिसुड,
२“यहूदीतिवी ग्येल्वु क्येवु ति कनी

वे? डियरा खो क्येकिवी सिनी छ्या
देन्दुप कर्मा ति शरकी थाकाला
थोङ्नी खोला शावा कितुपला
वायिन।” ३ती ताम्डे थोसिमा ग्येल्वु
हेरोदकी सेम ति छासे सरड सिरिड
गाल, तमा यरूशलेमकी तेरी मीतिवा
साड दुकै राड गाल्नोक। ४तमा ग्येल्वु
हेरोदकी कोङ्यार छ्येतिवा ताड
यहूदी छ्योकी गेकेनतिवा तेरीला मुला
राड जोम च्यिनी, “कोन्छ्योककी
तोङ्गिगवी सिनी थाक्छ्येन नङ्गुप
खीष्ट ति कनी क्येकिवी?” सिनी

टिसुड। ५तमा तिवी हेरोदला दुक सिक्यासुड, “ख्रीष्ट ति यहूदिया लुड्बाकी बेथलेहेम यलला क्येकिवी, च्यिलासिसिन तोड्ला के दीकी कोर्ला कोन्छ्योककी लुड्तेम्बाकी दुक सिनी टि वे,

६‘ओ, यहूदिया लुड्बाकी बेथलेहेम!

ख्युरुड यहूदिया लुड्बी पर ने काड छ्युडा मे,

च्यिलासिसिन ख्योरो नाड ने ग्येल्बु यी क्येकितो,

तीकी डे इस्राएलकी मीतिवाला ग्येला कितो।’”*

७ती थोसिमा हेरोदकी ती कर्मा ल्हानी ची कोरुपतिवाला छ्याकला कताड्नी ती कर्मा ति चो पेला थोड्सुड सिनी टिसुड। ८तमा हेरोदकी तिवाला दुक सिनी बेथलेहेमला ताड्सुड, “ख्यिराड गल्नी ती आडा ति ल्यामो कयानी छोल। तीला ड्येसिमा डला लेन खुर शोक। ड साड गल्नी तीला शावा कितिन।”

९तमा तिवा ग्येल्बी ताम्डे थोनी गाल। तिवा डोयी कितुप पेला शरकी थाकाला थोड्गुप ती कर्मा ति तिवी येलुड थोड्सुड। ती कर्मा ति तिवी गोमा गोमाला गल्नी आडा क्येवु दासाला लेप्सिमा ते राड देसुड। १०ती थोड्सिमा तिवी सेमला छासे गा लानोक। ११तिवा ती

खाड्बी नाड्ला शुनी आडा ति आमा मरियम ताड मुला वोतुप थोड्सुड, तमा ती आडाला शावा क्यासुड। तमा खोप्पे लोला खुरूप तेर्गाम ख पेनी सेर ताड टि जड्बु खाप पो ताड मुरं ति आडाला पुल्सुड। १२तमा तिवी मिलामला ग्येल्बु हेरोदकी चाला लोकनी माडोवा सिरुप कोन्छ्योककी क ड्येसिमा तिवा लाम यम्बा नेसुर राड रडगी लुड्बाला लोकसुड।

योसेफकी मिछाडतिवा मिश्र लुड्बाला टोनी गलुप

१३कर्मा ल्हानी ची कोरुपतिवा लोकनी गल्सिमा चोवोकी लेन क्योलुप थु यीकी योसेफकी मिलामला छ्यर्नी दुक सिक्यासुड, “खोक लो, आडा ताड आडी आमाला टिनी ख्युरुड मिश्र लुड्बाला टोन ग्युक। डे सिमाक्यावा सेक्ला ख्यिराड ते राड दे, च्यिलासिसिन हेरोदकी ती आडाला सेतुपला छोलिन वे।”

१४तमा योसेफ लानी ती नुपला राड आडा ताड आडी आमाला टिनी मिश्र लुड्बाला टोनी गाल। १५गल्सिमा हेरोद माशिवा सेक तिवा ते राड देसुड। दी ति “डे पुज्युडला मिश्र लुड्बा नेसुर कताड्यिन।” सिनी कोन्छ्योककी खोरे लुड्तेम्बा नेसुर सुड्गुप ति छेवुला यिन।*

आडा टिक्पेतिवाला हेरोदकी से च्यितुप

१६ कर्मा लहानी ची कोरुपतिवी खोरुडला गो कोरुप हाक्कोनी ग्येल्वु हेरोद छासे ड्रियर्मु क्यासुड। तमा तीकी कर्मा लहानी ची कोरुपतिवी नेमा हाक्कोवु तुजे नेसुर बेथलेहेम ताड ती गारी गुरी युलला वोतुप लो ड्यी ताड ती सिनाड टिक्पे वोतुप पुज्युडतिवा तेरी से च्यिसुड। १७ तुक क्यानी कोन्छ्योककी लुङ्तेम्बा यर्मिया नेसुर दुक सिनी सुङ्गुप सुड ति छेसुड,

१८ “रामाला डुप्राड ताड सेम्दुक लावु वोरु थोसुड।
ते राहेल खोरो आडातिवी थोकला डुसुड,
तमा तीकी टोङ्गु साड माङ्येन,
च्यिलासिसिन तिवा आडातिवा ति मालुनोक।”*

मिश्र ने नासरतला लोकुप

१९ तमा हेरोद शिसिमा योसेफकी मिलामला चोवोकी लेन क्योलुप थु यी छ्यर्नी दुक सिक्कासुड, २० “खोक लो। तमा आडा ताड आडी आमाला टिनी इस्राएल लुङ्बाला लोड ग्युक, च्यिलासिसिन आडाला सेतुप छोलुपतिवा शिन सिन्सुड।” २१ ती थोसिमा योसेफ लानी आडा

ताड आडी आमाला टिनी इस्राएल लुङ्बा लोकसुड। २२ यिने हेरोदकी दासाला तीकी पुज्युड अखिलाउसकी यहूदिया लुङ्बाला ग्येला किनोक सिरुप ताम्डे थोनी योसेफ ते डोपला ज्यिवा क्यासुड। तमा यम्बा मिलामला कोन्छ्योककी सुङ्गुप ति ड्येन्नी गालील लुङ्बाला गाल्सुड। २३ तेसुर तिवा नासरत सिरुप ग्येसाला गल्नी ते देसुड। तुक क्यानी कोन्छ्योककी लुङ्तेम्बा नेसुर “खोला नासरतकी मी सिवी।” सिनी सुङ्गुप सुड ति छेसुड।

बप्तिस्मा तेरुप यूहन्नाकी ख्याप्ताक क्यावु

(मर्कस १:१-८; लूका ३:१-१८;
यूहन्ना १:१९-२८)

३ ती पेला बप्तिस्मा तेरुप यूहन्ना ति यहूदियाकी दासा पाङ्थेरीला वानी दुक सियी मीतिवाला ख्याप्ताक क्यासुड, २ “ख्यिराड दिक्पा ने सेम ग्युर, च्यिलासिसिन कोन्छ्योककी ग्येल्खाप चिप्ला राड वा वे।” ३ दी मी तीकी कोर्ला गोमाला के कोन्छ्योककी लुङ्तेम्बा यशैयाकी दुक सिक्का वे,
“दासा पाङ्थेरीला मी मिरा च्यिककी दुक सिनी वोरु देनिगी।
‘चोवो कोन्छ्योककी लाम टडिक की।
खो फेपुप लाम थेकाड जो।’ ”*

४यूहन्नाकी सेम्ज्येन वोङ्मी पु नेसुर जोवु मज्या कोन्गिनोक, केल्लाडला ति क्वाकी करा च्यिङ्गिनोक। तीकी च्युच्यु पे ताड टाराड सेनोक। ५तमा मीतिवा यरूशलेम ताड यहूदियाकी तेरी दासा ताड यर्दन चङ्बी गारी गुरी नेमा यूहन्नाकी चिप्ला वानोक। ६ते तिबी खोप्राड दिक्छेन यिन सिनी सेम ग्युर्सालेन्सिन यूहन्नाकी तिवाला यर्दन चङ्बी नाङ्ला बप्तिस्मा बिन्सुड।

७ते फरिसी छोकपा ताड सदुकी छोकपाकी मीतिवा बडी बप्तिस्मा लङ्गुपला वुङ्गियन कितुप थोङ्नी यूहन्नाकी तिवाला दुक सिनी वोरु तेन्सुड, “ओ, रुल कुपेडकी च्यप्फुक दोके दुक्टा वोतुपतिवा! वुङ्गुप छलुप कोन्छ्योककी पर्च्या ने टो सिनी ख्यिराडला सी सिक्यासुड? ८ख्यिराड ‘दाक दाकपु दिक्छेन यिन।’ सिनी सेम ग्युर्नी कोन्छ्योकला वावु यिन्सिन तीकी पङ्बु ति छ्या तेन। ९तमा ख्यिरा सेमला ‘अब्राहाम ति दाकपी पगावा हङ्गावा यिन।’ सिनी नासाम मातोड, च्यिलासिसिन कोन्छ्योककी दी दोतिवाला साड अब्राहामकी गिपा जो थुक्किवी। १०तन्दा राड दोङ्बी शापला तरी ख्येलनी सिन वे, तमा डेलु ल्यामु मोगोरुप दोङ्बुतिवा रे रे च्येनी मे नाङ्ला क्युर्कितो। ११ड याड ख्यिराडला दिक्पा ने सेम ग्युरुपकी थोक्ला छ्यु थ्वोनी बप्तिस्मा तेरिन, यिने डे तिङ्ला फेपुप ति ड सिनाड ओड छ्येवु वे। तुक क्यानी ड याड

खोकी शप्चे साड खुर छ्योवु मे। खोकी ख्यिराडला चाङ्मा जोपला कोन्छ्योककी थु चाङ्मा ताड मे थ्वोनी बप्तिस्मा नङ्गिगी। १२खोकी छ्याकला ग्यालुक वे, तमा खोकी लेडाड चेङ्गा जोनी टतिवा टाप्नी डुमातिवा ति पडाड नाङ्ला लुकिवी, फुङ्मातिवा ति नाम्साड मिशिवु मे नाङ्ला ज्हेकिवी।”

येशूकी बप्तिस्मा लावु

(मर्कस १:९-११; लूका ३:२१-२२;

यूहन्ना १:३२-३४)

१३ती पेला येशू यूहन्ना नेमा बप्तिस्मा लङ्गुपला गालील नेसुर यर्दन चङ्बुला फेप्सुड। १४यिने यूहन्नाकी येशूला क्येक्नी, “गेकेनकी डला बप्तिस्मा तेर गोकिवी, च्यिला गेकेनकी डे नेसुर बप्तिस्मा लङ्गुपला फेवु यिन?” सिनी सिक्यासुड। १५यिने येशूकी “तन्दा ति दुकै राड कि च्यी। दाकपी दुक राड क्यानी कोन्छ्योककी नोवा तेरी कितुप ति ल्यामु यिन।” सिनी सुङ्सुड। तुक क्यानी यूहन्नाकी येशूला बप्तिस्मा तेरुप ड्येन्सुड। १६येशू बप्तिस्मा लानी चङ्बी नाड ने थेन्सिमा देवाच्येन पेसुड, तमा कोन्छ्योककी थु चाङ्मा ति गन्देर दोके क्यानी खोरे खला पापुप ति खोकी थोङ्सुड। १७ती पेला देवाच्येन नेमा “दी ति डे ड्यिङ्ज्येवु पुज्युड यिनो। ड दीकी मुला छासे गा लानी वे।” सिरुप वोरु यी ग्यप्सुड।

शैतानकी येशूला खोक्पा ल्हावु

(मर्कस १:१२-१३; लूका ४:१-१३)

४ तमा ती ज्युक्ला कोन्छ्योककी थु चाङ्माकी येशूला शैतान नेमा खोक्पा ल्हापला ख्येल ज्यितुपला दासा पाङ्थेरीला टिनी गाल। २ ते येशू ड्यिमा खल ड्यी सेक ड्यी ताड नुज्या ड्युङ्ने ज्युसिमा खोला ल्होवा लानोक। ३ ती पेला खोक्पा ल्हाप शैतान ति खोकी चाला वानी, “दोजो ख्युरुड कोन्छ्योककी सेवु यिन्सिन दी दोतिवाला शुब्ज्याङला डोशी सिनी सी।” सिनी सिक्यासुड। ४ यिने येशूकी तीला

“मीतिवा शुब्ज्याङकी तिराड सेन्बु मुलुवी,
यिने कोन्छ्योककी सुङ्गुप तेरी सुङला ड्येन्नी सेन्बु लुकिवी।’ सिनी कोन्छ्योककी सुङला टि वे।”

सिनी सुङ्सुड।*

५ येलुड शैतानकी खोला यरूशलेमला टि गल्नी तेकी ल्हडाङकी चेला लानी दे च्यिनी दुक सिक्यासुड, ६ “दोजो ख्युरुड कोन्छ्योककी सेवु यिन्सिन देमा थुला छ्योङ्बाल ग्योप। कोन्छ्योककी सुङला दुक सिनी टि वे,

‘कोन्छ्योककी ख्योरो थोक्ला देवाच्येनकी लेन क्योलुप थुतिवाला क नङ्गिगी,
तमा तिनी ख्युरुङला खोप्पे लाक्पाला जेनी ख्योरो काङ्बा दे खला दप मिज्यिगी।’ ”*

७ तमा येशूकी तीला सुङ्सुड,
“कोन्छ्योककी सुङला दुके साड टि वे,
‘ख्योरो चोवो कोन्छ्योकला खोक्पा माल्हा।’ ”*

८ येलुड शैतानकी खोला री थेन्बो यीला टि गल्नी जम्बुलिङकी तेरी ग्येल्खापतिवा ताड ती ग्येल्खापतिवाला वोतुप डछ्यावुतिवा छ्या तेन्नी, ९ “ख्योरो डला शावा क्यासिन ड दी तेरी ख्युरुङला तेरिन।” सिनी सिक्यासुड। १० तमा येशूकी तीला “शैतान, ख्युरुड ग्युक!

च्यिलासिसिन कोन्छ्योककी सुङला दुक सिनी टि वे,
‘ख्योरो चोवो कोन्छ्योकला तिराड सोवा तेक, खोला तिराड शब्ज्यी पुल।’ ”

सिनी सुङ्सुड।*

११ तमा शैतानकी येशूला क्युर ज्याक्नी गाल्सुड। गल्सिमा देवाच्येनकी लेन क्योलुप थुतिवा वानी येशूला शब्ज्यी पुल्सुड।

येशूकी सुड ख्याप्टाक कितुप गो चुवु

(मर्कस १:१४-१५; लूका ४:१४-१५)

१२ यूहन्ना चोन्खाडला शोर्नोक सिरुप थोनी येशू गालील लुड्बाला लोकनी फेप्सुड। १३ तमा खो नासरतला क्युर ज्याक्नी कफर्नहुमला फेप्नी ते राड ज्युसुड। ती कफर्नहुम ति जब्लुन ताड नप्ताली लुड्बाला वोतुप गालील ग्येम्छो चाला ख्येल्गिनोक। १४ दी ति गोमाला कोन्छ्योककी लुड्तेम्बा यशैयाकी तुक सिक्वावु ताम्डे छेवुला यिन,

१५ “जब्लुन लुड्बा ताड नप्ताली लुड्बा ताड ग्येम्छोला डोप लाम ताड यर्दन चड्बी फर्केन ताड मिरिक यम्बातिवा देतुप गालील,

१६ कोन्छ्योकला डो माशेनी दिक्पी ओडला देतुपतिवी वोसिर ग्येर्पु यी थोड्सुड।

तमा कोन्छ्योकला डो माशेनी शेषकी ज्हिपला देतुपतिवी खला दिक्पा ने थर ज्यितुप वोसिर यी ग्यप्सुड।”*

१७ ती पेला नेज्युनी येशूकी “ख्यिराड दिक्पा ने सेम ग्युर! च्यिलासिसिन देवाच्येनकी ग्येल्खाप चिप्ला राड वा वे।” सिनी मीतिवाला सुड ख्याप्टाक कितुप गो चुसुड।

येशूकी इया जिम्बुप मिरा ज्यीला पेतुप

(मर्कस १:१६-२०; लूका ५:१-११)

१८ डियज्यिक येशू गालीलकी ग्येम्छो गारी नेमा फेपिन वोतुप पेला पत्रुस सिरुप सिमोन ताड तीकी नुप अन्द्रियास ति ग्येम्छो नाड्ला जाल क्युरिन वोतुप थोड्सुड। तिवा ति इया जिम्बुप मीतिवा यिनोक। १९ तमा खोकी तिवाला “ख्यिराड डे तिड्ला तिड्यो। तमा ड ख्यिराडला इया जिम्बुप मिन, मीतिवा जिम्बुप मी जोयिनो।” सिनी सुड्सुड। २० खोकी तुक सुडिसमा तिवा पिन डियकर इया जिम्बुप जालतिवा क्युर ज्याक्नी खोकी तिड्ला तिड्यासुड।

२१ खो तेसुर फेपिन वोतुप पेला येलुड जब्दियाकी पुज्युड याकूब ताड तीकी नुप यूहन्ना पिन इयी खोपे पपा जब्दियाकी मुला टी नाड्ला देनी जाल लहेन्दा ग्यकिन वोतुप थोड्सुड। तमा खोकी तिवाला साड कताड्सुड। २२ तमा तिवा खोपे पपा ताड टु ति ग्यड क्युर ज्याक्नी येशूकी तिड्ला तिड्यासुड।

येशूकी येन्देन नङ्गुप ताड नेर्पुला टेक च्यितुप

(लूका ६:१७-१८)

२३ येशू गालील लुड्बा तेरी कोरा ग्यकिन सिरा यहूदी छ्योखाडला

सुङ लाप नङ्गुप ताङ कोन्छ्योककी
 ग्येल्खापकी कोर्ला लेन ल्यामु
 ख्याप्टाक कियी नम्बा बडीकी
 नेर्पुतिवा ताङ अमोछ्योवुतिवा
 तेरीला टेक च्यिसुङ। २४ तुक क्यानी
 सिरियाकी लुङ्बा तेरीला येशूकी
 कोर्ला ताम्डे टाम्सुङ। तमा मीतिवी
 नेर्पु नम्बा बडीतिवा ताङ छासे सुक
 कितुपतिवा ताङ डे ग्यपुपतिवा ताङ
 जा लावुतिवा ताङ काङ्बा लाक्पा
 शोरुपतिवा तेरीला खोकी चाला टि
 वासुङ। तमा खोकी तिवा तेरीला
 टेक च्यिसुङ। २५ तुक क्यानी गालील
 लुङ्बा ताङ डेकोपोलिस ग्येसा ताङ
 यरूशलेम ग्येसा ताङ यहूदिया लुङ्बा
 ताङ यर्दन चङ्बु फर्केन नेज्युन मी
 मङ्मु खोकी तिङ्ला तिङ्यासुङ।

येशूकी पम्दोकला सुङ नङ्गुप

(लूका ६:२०-२६)

५ येशू मी माङ्छ्योकला थोङ्नी
 येचेक पम्दोकला फेप्नी
 ज्युसुङ। तमा खोकी लोमातिवा खोकी
 चाला लेसुङ। २ तमा खोकी तिवाला
 दुक सिनी सुङ्सुङ,

३ “मोलाम थोपुप यिनो,
 सेमला नरी कोन्छ्योकला
 छोलुपतिवा,
 च्यिलासिसिन देवाच्येनकी
 ग्येल्खाप ति तिवी ति यिनो।

४ मोलाम थोपुप यिनो,
 दुङल क्यानी डुप्पाङ
 कितुपतिवा,

च्यिलासिसिन कोन्छ्योककी
 तिवाला टोङ्गु नङ्गितो।

५ मोलाम थोपुप यिनो,
 सेम बोल्मु वोतुपतिवा,
 च्यिलासिसिन कोन्छ्योककी
 तिवाला जम्बुलिङ ति तिवी
 ति यिन सिनी नङ्गितो।

६ मोलाम थोपुप यिनो,
 टेङ्बु छोलुपला सेमगी दिङ
 नेज्युन छासे नो कितुपतिवा,
 च्यिलासिसिन तिवी सेमला
 गोवुतिवा तेरी ड्येकितो।

७ मोलाम थोपुप यिनो,
 मी यम्बाला च्यम्बा कितुपतिवा,
 च्यिलासिसिन कोन्छ्योककी
 तिवाला च्यम्बा क्या
 नङ्गितो।

८ मोलाम थोपुप यिनो,
 सेम टेङ्बु वोतुपतिवा,
 च्यिलासिसिन तिवी
 कोन्छ्योकला थोङ्गितो।

९ मोलाम थोपुप यिनो,
 क्येङ्सु गलुपतिवी पर्ला थिन
 ज्यितुपतिवा,
 च्यिलासिसिन कोन्छ्योककी
 तिवाला खोकी पेजा सिनी
 सुङ्गितो।

१० मोलाम थोपुप यिनो,
 कोन्छ्योककी कला ड्येन्दुप
 तप्की छेटाङ दुङल
 ख्येलुपतिवा,
 च्यिलासिसिन देवाच्येनकी
 ग्येल्खाप ति तिवी ति यिनो।

११ खिराडला मोलाम थोपुप यिनो।
चो पेला मीतिवी डे थोक्ला खिराडला
मर्च्या कितुप ताड छेटाड तेरुप ताड
टेड्बु मेतुप ताम्डे बडी लाप्नी मेलोवा
किवी, १२ ती पेला खिराड गा किसा,
च्यिलासिसिन देवाच्येनला खिराडला
छ्यक्तक ग्येर्पु थोप्कितो। खिराड
सिनाड गोमाला वावु कोन्छ्योककी
लुङ्तेम्बातिवाला साड मीतिवी तुक
राड क्यानी छेटाड बिन्सुड।”

छ ताड वोसिर

(मर्कस ६:५०; लूका १४:३४-३५; ११:३३)

१३ “खिराड ति जम्बुलिङकी छ
यिन। दोजो छकी छेटोक तोर्सुड
सिसिन चुक क्यानी येलुड छेटोक
जो थुप्किवी रो? ती याड काड
साड फेन मोथोवु गल्नी पाङ्ला
क्युर्नी मी काङ्बी वोक्ला लेपुप
तिराड यिन।

१४ खिराड ति जम्बुलिङकी वोसिर
यिन। पम्दोकला वोतुप ग्येसा ति बानी
ज्योक मुथुपी। १५ सी साड दिप्ली च्येनी
शोमकी वोक्ला मोज्योकिवी, यिने
खाङ्बी नाङ्ला वोतुप मीतिवा तेरीकी
थोङ्गुप दासाला ज्योकिवी। तुक
क्यासिन खाङ्बी नाङ्ला वोतुपतिवा
तेरीकी ठछ्येली थोङ्गिगी। १६ ती
दोके खिरा वोसिर ति मीतिवी चिप्ला
ग्यक च्यिनी तिवी खिरा क्यावु लाका
ल्यामु थोङ्नी देवाच्येनला ज्यु वोतुप
खिरा पपा कोन्छ्योकला सोवा देक
च्यी।”

मोशाकी ठिमकी कोर्ला सुङ्गुप

(लूका १६:१७)

१७ “खिरा डला मोशाकी ठिमतिवा
ताड कोन्छ्योककी लुङ्तेम्बातिवी
लापुप ताम्डेतिवा ना तोङ्गुपला वावु
यिन सिनी नासाम मातोड। ड याड
ना तोङ्गुपला वावु मिन, यिने तिवा
तेरी छे ज्यितुपला वावु यिन। १८ वुतुड
के ड खिराडला सिरिन, देवाच्येन
ताड जम्बुलिङ तोर्नी मागल्वा सेक्ला
ती ठिमला वोतुप छिक च्यिक
साड मातोर्नी तेरी छेकिवी। १९ ती
तप्की सी खोरुड साड दी ठिमला
वोतुप क टिक्पे यीला माङ्येन्नी
मी यम्बातिवाला साड तुकै राड
कितुप लोप्किवे, तीला देवाच्येनकी
ग्येल्खापला तेरी सिनाड छ्युडा सिनी
सिवी। सी खोरुड साड दी कतिवाला
ङ्येन्नी मी यम्बातिवाला साड तुकै राड
कितुप लोप्किवे, तीला देवाच्येनकी
ग्येल्खापला छ्ये सिनी सिवी। २० तुक
क्यानी ड खिराडला सिरिन, खिराड
ति फरिसी छोकपाकी मीतिवा ताड
यहूदी छ्योकी गेकेनतिवी सिनाड
मड टेड्बु मेसुड सिसिन देवाच्येनकी
ग्येल्खापला शुकुप मेङ्येवी।”

ड्यिर्मु मिकिवु कोर्ला सुङ्गुप

२१ “तोङ्ला कोन्छ्योककी खिरा
हङ्गावातिवाला ‘मी मासे। सी मी
सेकिवे, तीला ठिम फोकिवी।’ सिनी
सुङ्गुप ति खिरा थोनी वोच्यु। २२ यिने

ड ख्यिराडला सिरिन, चुका मी तीकी अच्युनुपतिवाला ड्यिर्मु किवे, तीला कोन्छ्योककी पच्या फोकिवी। तमा चुका मी तीकी अच्युनुपतिवाला ताम्डे मेलोकपा सिवे, तीला ठिम्खाडला क्योल्लिगी। तुक राड कयानी चुका मी तीकी अच्युनुपतिवाला अम्बारडिशड सिवे, ती ति ड्येलाकी मे नाड्ला ख्येल्लिगी। ^{२३}ती तप्की दोजो ख्युरुड कोन्छ्योकला बुल्वा बुलुप पेला ख्योरो तेन्दोकला अच्युनुपतिवाला ड्यिर्मु लङ्गुप ताम्डे नासाम शार्सुड सिसिन ^{२४}ख्योरो बुल्वा ति बुल्वा बुलुप दासाला राड ज्याक्नी गोमाला ती अच्युनुपतिवाला गल्नी तिवी मुला थिन। ती ज्युकला लोड वानी कोन्छ्योकला बुल्वा पुल।

^{२५}ख्युरुडला क्येन तेरुप मी ताड मुला ठिम्खाडला डोप पेला लामला राड तीकी मुला थिन। मिसियाड तीकी ख्युरुडला ठिम तोङ्गुप तीला चेक तेकिवी। तमा ती ठिम तोङ्गुप तीकी ख्युरुडला मक्मीकी लकला चेक तेनी चोन्खाडला उप ज्यिकिवी। ^{२६}वुतुड के ड ख्युरुडला सिरिन, ख्योरो डेवा च्यिक साड मालुवा कयानी तेरी मातेवा सेकला ख्युरुड ती चोन्खाड नेसुर थेन मुथुप्तो।”

शम्डेनकी कोर्ला सुङ्गुप

^{२७}“कोन्छ्योककी मोशाला नङ्गुप ठिमला ‘शम्डेन माकी।’ सिक्यावु ति ख्यिरा थो वोच्यु। ^{२८}यिने ड

ख्यिराडला सिरिन। सी पुम्पेजाला शम्डेन कितुप नोनी ल्हेवे, तीकी गोमाला के खोरो सेमला शम्डेन क्यावु यिन। ^{२९}दोजो ख्योरो यावी थाकाकी मिककी ख्युरुडला दिक्पा कि ज्यिकिवी सिसिन ती मिक ति थेन्नी क्युर। ख्योरो तेरी जु ड्येलाला लुम्बुप सिनाड जुकी येन्लक च्यिक मेतुप ति ल्यामु यिन। ^{३०}येलुड ख्योरो लाक्पा यावी ख्युरुडला दिक्पा कि ज्यिकिवी सिसिन तीला च्येनी क्युर। ख्योरो जु तेरी ड्येलाला लुम्बुप सिनाड जुकी येन्लक च्यिक मेतुप ति ल्यामु यिन।”

जप्पाड टलुप कोर्ला सुङ्गुप

(मत्ती १६:६; मर्कस १०:११-१२;

लूका १६:१८)

^{३१}“येलुड मोशाकी ठिमला ‘सी खोरो पेर्मीला क्युर्नी ज्योकिवे, तीकी ती पेर्मीला टलुप यिकी टिनी तेर गोकिवी।’ सिनी टि वे। ^{३२}यिने ड ख्यिराडला सिरिन, सी शम्डेन क्यावु तप्की मिसिन खोरो पेर्मीला क्युर्नी ज्योकिवे, तीकी ती पेर्मीला शम्डेन कि च्यितुप यिन। तमा सी क्युर्नी ज्युकुप पुम्पेजाला जेन्दी किवे, तीकी साड शम्डेन क्यावु राड यिन।”

न क्योलुपकी कोर्ला

^{३३}“तोडुला मोशाकी ठिमला ख्यिरा हङ्गावातिवाला ‘ख्योरो जिनोक जोनी न माक्योल, तमा कोन्छ्योकला न क्यलुप ति तेरी की।’ सिनी सिक्यावु

ति ख्यिरा थोनी वोच्यु। ३४ यिने ड ख्यिराडला सिरिन, न क्योलुप तिरुड माक्योल। देवाच्येनकी मिडला साड न माक्योल, च्यिलासिसिन ती ति कोन्छ्योककी ग्येल्लिक यिन। ३५ तमा जम्बुलिडकी मिडला साड न माक्योल, च्यिलासिसिन ती ति कोन्छ्योककी खोरे शाप ज्योकुप दासा यिन। यरूशलेमकी मिडला साड न माक्योल, च्यिलासिसिन ती ति चोछ्येवु ग्येल्वु कोन्छ्योककी ग्येसा यिन। ३६ ख्योरो गोला साड न माक्योल, च्यिलासिसिन ख्यिराड रडगी ज्हे ड्येड्मा यी साड कर्मु याडना नक्पु जो मुथुपी। ३७ ख्यिरा ताम्डे ति यिन्सिन यिन, मिन्सिन मिन, तोजोयी तिराड सी। ती सिनाड ल्हक्पा लापुप ति दुक्टा नेमा वावु यिन।”

इयेन लङ्गुप कोर्ला सुङ्गुप

(लूका ६:२६-३०)

३८ “येलुड मोशाकी ठिमला ‘मिककी थोकला मिक इयेन लङ्गुप, से थोकला स इयेन लङ्गुप।’ सिक्यावु ति ख्यिरा थोनी वोच्यु। ३९ यिने ड ख्यिराडला सिरिन, ख्यिराडला मेलोकपा कितुपतिवाला काड साड इयेन मालाड। सी ख्योरो डम्बा यावाला बेक्किवे, तीला यम्बा थाकाकी डम्बा साड जेनी बिन। ४० दोजो मी ललाइकी ख्योरो तेन्दोकला लानी ठिम्खाडला शुवा ग्यप्नी ख्योरो तेतुड ठोकुप छोल्लिसन तीला ख्योरो छ्योवा साड बिन। ४१ येलुड मी ललाइकी ख्युरुडला

तीकी मुला किलोमिटर च्यिक डोप सिनी वुच्युम ग्यप्सिन तीकी मुला किलोमिटर ड्यी सेक ग्युक। ४२ ख्योरो मुला लोङ्गुपतिवाला बिन, तमा ख्योरो मुला छ्यावा किन्दुपतिवाला छ्यावा मेतेर सिनी मासिर।”

डतिवाला च्यम्बा कितुप कोर्ला सुङ्गुप

(लूका ६:२७-२८, ३२-३६)

४३ “तमायेलुड ‘ख्योरो युल्वातिवाला ड्यिङ्ज्ये की, डतिवाला ति ड्यिङ्मर की।’ सिक्यावु ति ख्यिरा थोनी वोच्यु। ४४ यिने ड ख्यिराडला सिरिन, ख्यिरा डतिवाला ड्यिङ्ज्ये की, ख्यिराडला छेटाड तेरुपतिवी थोकला मोपोर की। ४५ तुक क्यासिन ख्यिराड ति देवाच्येनला ज्यु वोतुप पपा कोन्छ्योककी पेजातिवा च्युङ्गिगी, च्यिलासिसिन कोन्छ्योककी मी ल्यामु ताड मेलोवा ड्यिकरला ड्यिमी वोसिर ग्यक ज्यिकिवी, तमा मी टेड्बु ताड मेटेड्बु ड्यिकरला छ्यर्वा ग्यक ज्यिकिवी। ४६ दोजो ख्यिराडला ड्यिङ्ज्ये कितुपतिवाला तिराड ख्यिरा ड्यिङ्ज्ये किवी सिसिन ख्यिराडला काड छ्यक्तक थोप्किवी रो? काड से दुतुपतिवी साड तुकै राड मिकिवी रो? ४७ ख्यिरा रडगी अच्युनुपतिवाला तिराड ताड्देन किवी सिसिन ख्यिराड मी यम्बा सिनाड मड काड ल्यामु वे रो? काड यहूदी मिन्दुप मिरिक यम्बातिवी साड

तुकै राड मिकिवी रो? ४८ तुक क्यानी देवाच्येनला ज्यु वोतुप ख्यिरा पपा कोन्छ्योक तेरी तामडेला टेके वोतुप दोके ख्यिराड साड तेरी तामडेला टेके वुड गोकिवी।”

कतुकारला ख्येलुपतिवाला तेरुपकी कोर्ला

६ “च्याड्से देता। कोन्छ्योककी ख्यिराडला किशी सिनी नो क्यावु लाका ल्यामुतिवा कितुप पेला ख्यिराड मीतिवी मिङ्गाला छ्या देन्दुपला माकी। मिसियाड देवाच्येनला ज्यु वोतुप ख्योरो पपा कोन्छ्योक नेमा ख्युरुडला काड साड छ्यक्तक मोथोपिवी।

२ ती तप्की ख्यिराड कतुकारला ख्येलुपतिवाला काड रे च्यिक रे तेरुप पेला खोनक्पुतिवी मी नेमा ताड्देन ड्येतुपला यहूदी छ्योखाड ताड लामला कितुप दोके मी मिङ्गाला छ्या मादेन। वुतुड के ड ख्यिराडला सिरिन, तिवाला थोप गोवु छ्यक्तक ति गोमाला राड तेरी थोम सिन्नी वे। ३ तुक क्यानी ख्युरुड कतुकारला ख्येलुपतिवाला काड रे च्यिक रे तेरुप पेला ख्योरो लाक्पा यावी क्यावु ति लाक्पा येन्बी हाक्को माच्यिनी ४ ख्योरो कतुकारला तेरुप ति छ्याकला ज्योक। तमा छ्याकला ख्योरे क्यावु लाका थोङ्गुप ख्योरो पपा कोन्छ्योककी ख्युरुडला छ्यक्तक नङ्गिवी।”

मोपोरकी कोर्ला

(लूका ११:२-४)

५ “ख्यिराड मोपोर कितुप पेला खोनक्पुतिवी दोके माकी, तिवा मीतिवी थोङ्शी नोनी यहूदी छ्योखाडला ताड मीतिवा बडी युक्पु लामकी गारीला लानी मोपोर कितुप गा किवी। तुक क्यानी तिवाला थोप गोवु छ्यक्तक ति गोमाला राड थोम सिन्नी वे। ६ ख्युरुड मोपोर कितुप पेला खाड्बी नाडला गल्ली गो च्येनी छ्याकला ज्यु वोतुप ख्योरे पपा कोन्छ्योकला मोपोर की। तुक क्यासिन छ्याकला ख्योरो क्यावु लाका थोङ्गुप ख्योरो पपा कोन्छ्योककी ख्युरुडला छ्यक्तक नङ्गिवी। ७ तमा मोपोर कितुप पेला यहूदी मिन्दुप मिरिक यम्बातिवी दोके पेतक पेतक सिनी मोपोर माकी, च्यिलासिसिन तिवी मोपोर बडी ताड रिङ्बु क्यासिन खोप्पे क्यावु मोपोर ति कोन्छ्योककी सेन्गिवी सिनी नासाम तोङ्गिनोक। ८ ती तप्की ख्यिराड तिवी दोके माकी, च्यिलासिसिन ख्यिरा कोन्छ्योकला लोङ्गुप सिनाड गोमाला के ख्यिराडला काड गोकिवी सिनी ख्यिरा पपा कोन्छ्योकला छ्या वे। ९ तुक क्यानी ख्यिराड दुक सिनी मोपोर की,

‘ओ, देवाच्येनला ज्यु वोतुप
ड्यिरा पपा कोन्छ्योक,
कोन्छ्योककी मिड ति चाड्मा
वुड च्यी।

१० कोन्छ्योककी ग्येल्खाप वुडुशी।
कोन्छ्योककी नोवा देवाच्येनला
छेवु दोके दी जम्बुलिङला
साङ छेशी।

११ हारिङ डियराङला डियमी टेङ
साप समा नङ्डे की।

१२ डियराङला मेलोकपा
कितुपतिवाला डियरा माफ
बिन्दुप दोके
डियरा क्यावु लाका
मेलोकपातिवाला माफ नङ्डे
की।

१३ डियराङला शैतानकी खोकपा
ल्हापला ख्येल माज्जी,
यिने दुक्टा नेसुर ज्होक्टे की।
ग्येल्खाप ताङ डार ताङ मोवा ति
नरी पपा कोन्छ्योककी ति
यिन। आमिन।'

१४ दोजो ख्यिराङला मेलोवा
कितुपतिवाला ख्यिरा माफ बिन्सुङ
सिसिन देवाच्येनला ज्यु वोटुप ख्यिरा
पपा कोन्छ्योककी साङ ख्यिराङला
माफ नङ्गिगी। १५ यिने ख्यिराङला
मेलोवा कितुपतिवाला ख्यिरा माफ
माबिन्सुङ सिसिन ख्यिरा पपा
कोन्छ्योककी साङ ख्यिरा क्यावु
मेलोवाला माफ मनङ्गिगी।"

ड्युङ्गेकी कोर्ला

१६ "ख्यिराङ ड्युङ्गे ज्हुङ्गुप
पेला खोनक्पुतिवा दोके डो नक्पु
जोनी मादे। तिवा मीतिवाला ड्युङ्गे
ज्हुङ्गुप छ्या देन्दुपला डो नक्पु जोनी

देकिवी। ड ख्यिराङला सिरिन, तिवी
थोप गोवु छ्यक्तक ति गोमाला के
थोम सिन्नी वे। १७ यिने ख्यिराङ ति
ड्युङ्गे ज्हुङ्गुप पेला खलक शल्नी
गोला नुम कुनी दे। १८ तुक क्यानी
ख्योरो ड्युङ्गे ज्हुङ्गुप ति मीतिवाला
थोङ माच्यिनी छ्याकला ज्यु वोटुप
ख्यिरा पपा कोन्छ्योकला थोङ च्यी।
तमा ती छ्याकला ज्यु वोटुप ख्यिरा
पपा कोन्छ्योककी ख्यिराङला
छ्यक्तक नङ्गिगी।"

देवाच्येनकी टोङ्बाकी कोर्ला

(लूका १२:३३-३४)

१६ "ख्यिरा थोक्ला जम्बुलिङला
टोङ्बा माशोम। जम्बुलिङला याङ
मुक्पा ग्यकिवी, च छ्यानी ना डिवी,
कुर्मेनकी कुनी डिवी। २० बोरु ख्यिरा
टोङ्बा ति ख्यिरा थोक्ला देवाच्येनला
शोम। ते मुक्पा साङ मग्यकिवी, च
छ्यानी ना साङ मोडोवी, कुर्मेनकी
साङ कुनी मोडोवी। २१ कनी ख्योरो
टोङ्बा नोके, ते ख्योरो सेम साङ
गिवी।"

जुकी दिप्लीकी कोर्ला

(लूका १२:३४-३६)

२२ "मिक ति जुकी दिप्ली यिन।
दोजो ख्योरो मिक ल्यामु थोङ्सुङ
सिसिन ख्योरो तेरी जु ठछ्येली
डिवी। २३ यिने ख्योरो मिक ल्यामु
माथोङ्सुङ सिसिन ख्योरो तेरी जु
नक्तोमी डिवी। तुक क्यानी ख्योरो

सेमला वोतुप ठछ्येली ति नक्तोमी
गाल्सुड सिसिन ती नक्तोमी ति चो
नक्तोमी डि ताड?”

कोन्छ्योक ताड टोड्बा

(लूका १६:१३)

२४ “सी साड ज्यिन्दाक ड्यीला
शब्ज्यी कि मुथुपी। च्यिलासिसिन
तीकी ज्यिन्दाक च्यिकला ति ड्यिङ्मर
किवी, च्यिकला ति ड्यिङ्ज्ये किवी।
याङ्ना च्यिकला ति ताङ्देन किवी,
च्यिकला ति मो बेष्किवी। ती दोके
ख्यिराड कोन्छ्योक ताड टोड्बा
ड्यिकरला शब्ज्यी कि मुथुपी।”

पप मिकिवुकी कोल

(लूका १२:२२-३४)

२५ “ती तप्की ड ख्यिराडला सिरिन,
ख्यिरा मिजीकी थोकला काड साप
ताड काड थुङ्गुप ताड जुकी थोकला
काड कोन्दुप सिनी पप माकी। मिजी
ति साप समा सिनाड खक्छ्येवु
मिन रो? तमा जु ति कोन्दुप मज्या
सिनाड खक्छ्येवु मिन रो? २६ नामगी
च्यच्युमतिवाला ल्हो। तिवी सेन साड
मेदेपी, सप्ले साड मुदुवी, तमा पडाड
नाङ्ला दुम्बुप साड मुदुम्बिबी। यिने
देवाच्येनला ज्यु वोतुप ख्यिरा पपा
कोन्छ्योककी राड तिवाला लहेवी।
काड ख्यिराड याड ती च्यच्युमतिवा
सिनाड मड खक्छ्येवु मिन रो?
२७ ख्यिरा पर ने सी पप क्यानी रङ्गी
छे चेयी साड रिङ्बु जो थुष्किवी रो?

२८ ख्यिराड च्यिला कोन्दुप मज्या
थोकला पप किवी? सकी पाके
मेन्दोकतिवा चुक क्यानी ग्याकिवे
ल्हो। तीकी हुर्ताक साड मिकिवी,
क्येलुप साड मेक्येल्वी। २९ यिने ड
ख्यिराडला सिरिन, छासे ल्यामु ल्यामु
मज्या कोन्दुप ग्येल्वु सोलोमनकी साड
ती मेन्दोकतिवी नाड ने च्यिक दोके
साड ल्यामु कोन मुथुप्नोक। ३० हारिड
वोतुप ताड सला मेला ज्हेकुप सकी
चला साड कोन्छ्योककी तुक क्यानी
छ्या नाङ्सुड सिसिन, ओ तेपा अला
मेतुपतिवा, ख्यिराडला याड खोकी
मड छ्यानी मनङ्गिगी रो? ३१ तुक
क्यानी ख्यिराड काड साप ताड काड
थुङ्गुप ताड काड कोन्दुप सिनी पप
माकी। ३२ दिवा तेरी ति कोन्छ्योकला
डो माशेवु मिरिक यम्बातिवी
छोलिगी। यिने देवाच्येनला ज्यु वोतुप
पपा कोन्छ्योककी ख्यिराडला ती तेरी
गोकिवी सिनी छ्या वे। ३३ गोमाला
ख्यिराड कोन्छ्योककी ग्येल्खाप ताड
खोकी टेङ्बुला छोल, तुक क्यासिन
खोकी ती तेरी ख्यिराडला ग्यप्नी
नङ्गिगी। ३४ तुक क्यानी सली थोकला
पप माकी। सली पप ति सला राड
कयोङ्गिगी। हारिड खुर गोवु दुक्पा
हारिड राड लङ्गिगी।”

मी यम्बाला क्येन मातेर

(लूका ६:३७-३८, ४१-४२)

७

“मी यम्बाला ठिम माकी, तमा
कोन्छ्योककी साड ख्यिराडला

ठिम मिकितो। ३ख्यिरा चुक क्यानी यम्बाला ठिम किवे, तुक राड क्यानी कोन्छ्योककी साड ख्यिराडला ठिम किवितो। ख्यिरा मी यम्बाला चो बिन वे, कोन्छ्योककी साड ख्यिराडला दोजोयी राड नडिगतो। ४ख्योरो मी यम्बी मिकला वोतुप बोप ति थोडिगवी, यिने च्यिला ख्योरो मिकला वोतुप दुड्मा ति मोथोड्नोक? ५ख्योरो मिकला दुड्मा वोसिन चुक क्यानी मी यम्बाला 'ख्योरो मिकला वोतुप बोप ति डे थेन तेरुप।' सिनी सि थुप्किवी? ५ओ, खोनक्पु! गोमाला ख्योरो मिकला वोतुप दुड्मा ति थेन, तमा ख्योरे मिक ति ल्यामु थोड्नी मी यम्बी मिकला वोतुप बोप ति थेन थुप्कितो।

६चाड्मा वोतुप ति कीला मातेर, तमा ख्यिरा मुतीतिवा फक्पी दोड्ला माक्युर। तुक क्यासिन तिवा तिवाला काड्बी वोक्ला लेप्किवी, तमा ग्युर्नी ख्यिराडला फेकिवी।”

लोड, छोल, डक डक ग्योप

(लूका ११:६-१३)

७“लोड, तमा कोन्छ्योककी ख्यिराडला नडिगतो। छोल, तमा ख्यिराडला ड्येकितो। गोला डक डक ग्योप, तमा कोन्छ्योककी ख्यिरा थोक्ला गो बेकितो। ८च्यिलासिसिन लोड्गुपतिवाला नडिगतो, छोलुपतिवाला ड्येकितो, गोला डक डक ग्यकुपतिवाला गो बेकितो।

९ख्यिरा पर्ला सी खोरो पुज्युडकी शुब्ज्याड लाडिसन तीला दो तेर्किवी रो? १०याडुना ड्या लाडिसन तीला रुल तेर्किवी रो? ११ख्यिराड दुक्टा वोनी साड रडगी पेजातिवाला च्यालक ल्यामु तेर शेकिवी सिसिन देवाच्येनला ज्यु वोतुप ख्यिरा पपा कोन्छ्योककी याड खोला लोड्गुपतिवाला मड च्यालक ल्यामु मनडिगवी रो? १२मी यम्बी ख्यिराडला चुकै किशी सिरुप नो किवे, तुकै राड ख्यिरा तिवाला की। दी ति मोशाकी ठिम ताड कोन्छ्योककी लुड्तेम्बातिवी बिन्दुप खक्छ्येवु येन्देन यिन।”

देवाच्येनला क्योलुप गो गच्चा

(लूका १३:२४)

१३“गो गच्चा नाड्ला शु। ड्येलाला क्योलुप गो ति ठोल्मु वे, तमा ते डोप लाम ति जोल्हमु वे। ती तप्की ती नाड्ला शुकुप मीतिवा बडी वे। १४यिने नाम्साड मिशिवु मिजीला क्योलुप गो ति गच्चा ताड ते डोप लाम ति कले वे। ती तप्की ती नाड्ला शुकुप मीतिवा ड्युड्मु वे।”

दोड्बु ताड तीकी डेलुकी कोर्ला

(लूका ६:४३-४६)

१५“लुड्तेम्बा मेटेड्बुतिवा नेसुर च्याड्से देता। तिवा फिला ल्हासिन लुक दोके ल्यामु थोडिगवी, यिने सेम ति ज्यिवा लड्गुप खटमु दोके गिवी। १६डेलु ल्हानी तीकी दोड्बु हाक्कोवु

दोके मीतिवी कितुप लाका लहानी तिवा चुकै वे सिनी हाक्कोकिवी। चुक क्यानी छेर्माड दोड्बी गोला गुन्दुम, याङ्ना छेक्योक दोड्बी गोला अन्जीर थिवी रो? ^{१७}तुक राड क्यानी दोड्बु ल्यामुला डेलु ल्यामु गोर्किवी, तमा दोड्बु मेलोवाला डेलु मेलोवा गोर्किवी। ^{१८}दोड्बु ल्यामुला डेलु मेलोवा गोर मुथुपी, तमा दोड्बु मेलोवाला डेलु ल्यामु गोर मुथुपी। ^{१९}चुका दोड्बुला डेलु ल्यामु मोगोर्वे, ती दोड्बु ति च्येनी मे नाङ्ला क्युर्किवी। ^{२०}तुक क्यानी ख्यिराड लुङ्तेम्बा मेटेड्बुतिवाला तिवा कितुप लाका लहानी राड तिवा चुका मी यिन सिनी डो शेकिवी।”

कोन्छ्योककी नोवाला युकुप कोर्ला

(लूका १३:२५-२७)

^{२१}“डला ‘चोवो, चोवो!’ सिरुपतिवा तेरी कोन्छ्योककी ग्येल्खापला शुक मोछ्योकिवी, यिने देवाच्येनला ज्यु वोतुप डे पपा कोन्छ्योककी नोवाला युकुपतिवा तिराड कोन्छ्योककी ग्येल्खापला शुक छ्योकिवी। ^{२२}कोन्छ्योककी ठिम तोङ्गुप तिङ्मी तुजेला मीतिवी ‘ओ, चोवो! ओ, चोवो! काड चोवोकी मिडला ड्यिरा नन्दर माशे रो? काड चोवोकी मिडला ड्यिरा ज्हेन्डीतिवा माशर रो? तमा चोवोकी मिडला काड ड्यिरा हलेवु लाकातिवा बडी माक्यावु यिन रो?’ सिनी सिवी। ^{२३}ती पेला ड वुतुड के ख्यिराडला

‘ओ, ख्यिराड दुक्टा कितुपतिवा! डे ख्यिराडला डो राड माशे। ख्यिराड डे चा नेमा ग्युक!’ सिनी सिरिन।”

खाड्बा जोप मी नम्बा ड्यी

(लूका ६:४७-४८)

^{२४}“सी डे ताम्डे थोनी ती दोके किवे, ती ति दो ग्येर्पु थ्वोनी डम्ज्यी रम्बु तिङ्नी ती खला खोरो खाड्बा जोप रिक्पा वोतुप मी दोके यिन। ^{२५}तमा छ्यर्वा टेमु ग्यप्नी टोकपा ग्यम वानी कशेन लुङ ग्येर्पु ग्यप्नी ती खाड्बाला फोक्सिनाड ती खाड्बा ति मरम्नोक, च्यिलासिसिन ती खाड्बा ति दो ग्येर्पु तिङ्नी ती खला जोवु तप्की यिन। ^{२६}यिने सी डे ताम्डे थोनी साड ती दोके मिकिवे, ती ति पेमी खला खोरो खाड्बा जोप मी अम्बारडिशड दोके यिन। ^{२७}तमा छ्यर्वा टेमु ग्यप्नी टोकपा ग्यम वानी कशेन लुङ ग्येर्पु ग्यप्नी ती खाड्बाला फोक्सिमा ती खाड्बा ति रम्नी छासे ना गाल्सुड।”

^{२८}येशूकी ती तेरी सुड्सिमा ते वोतुप मी माड्छ्योक खोकी सुडला हलेवा क्यासुड। ^{२९}च्यिलासिसिन खोकी यहूदी छ्योकी गेकेनतिवा दोके माक्यानी कोन्छ्योककी नङ्गुप ओङ्ज्येन नेमा राड सुड लाप नाङ्सुड।

येशूकी जे ग्यपुप मीला टेक च्यितुप

(मर्कस १:४०-४५; लूका ५:१२-१६)

तमा येशू पम्दोक नेमा मर फेप्सिमा मी माड्छ्योक खोकी

तिङ्ला तिङ्यासुड। ^२ती पेला ते जे ग्यपुप मी यी खोकी चाला वानी पुमुड सला चुनी, “ओ चोवो, चोवोकी नोवा वोसिन डला टेक ज्यि थुप्किवी।” सिनी सिक्क्यासुड। ^३तमा खोकी तीला खोरे छ्याक ज्याक्नी दुक सुङ्सुड, “डला नो वे, ख्युरुड टेक्शी!” खोकी तुक सुङ्लुडमे तीकी नेजु ति टेक्सुड। ^४तमा येशूकी तीला सुङ्सुड, “दी तामडे ति सुला साड मालाप, तमा ख्युरुड कोङ्यारकी चाला गल्नी ख्योरो जु छ्या तेन। तमा मोशाकी ठिमला वोतुप दोके बुल्वा पुलनी ख्युरुड टेकुप ति मीतिवाला हाक्को च्यी।”

येशूकी रोमी मक्मी छ्येकी लावाला टेक च्यितुप

(लूका ७:१-१०)

^४येशू कफर्नहुमला फेपुप पेला ते रोमी मक्मी सयी च्यिककी खकी छ्ये यी खोकी चाला वानी दुक सिनी गोङ्बा शुसुड, ^६“ओ चोवो! डे लावा यी काङ्बा लाक्पा शोरुप नेजु ग्यप्नी छासे दुक्पा ड्येनी ड्यासाला राड ड्यिलोड वे।” ^७तमा येशूकी तीला “ड गल्नी तीला टेक ज्यितिन।” सिनी सुङ्सुड। ^८यिने मक्मी छ्ये तीकी दुक सिक्क्यासुड, “ओ चोवो! चोवोला डे खाङ्बी नाङ्ला फेप शु छ्योवु ति ड मे। चोवोकी सुड तिराड सुङ्सनाड डे लावा ति टेक्किवी। ^९च्यिलासिसिन ड साड ड सिनाड मी छ्येकी ओडला

देनी वे, तमा डे ओडला साड मक्मीतिवा वे। डे तिवा च्यिकला ग्युक सिक्क्यासिन ती डिवी, च्यिकला शोक सिक्क्यासिन ती गिवी। तमा डे लावा यीला दी की सिक्क्यासिन तीकी तुकै राड किवी।”

^{१०}ती थोनी येशू छासे हलेवा क्यासुड। तमा खोकी तिङ्ला तिङ्योकुप मीतिवी थाकाला ग्युर्नी दुक सुङ्सुड, “वुतुड के ड ख्यिराडला सिरिन, इस्राएलकी मीतिवी पर्ला साड दुका तेपा रम्बु याड तन्दा सेक डे माथोड वे। ^{११}तुक क्यानी ड ख्यिराडला टेङ्बो सिरिन, तेरी जम्बुलिङकी मीतिवा शरकी थाका नेसुर ताड नुपकी थाका नेसुर वानी अब्राहाम ताड इसहाक ताड याकूबकी मुला देवाच्येनकी ग्येल्खापकी डैनला देतुप ड्येकितो। ^{१२}यिने ते ग्येल्खापला दे गोवु गिपातिवा ति ड्येलाला क्युर्कितो, तमा तिवा ते डुप्राड कियी स मुर्कितो।” ^{१३}मीतिवाला तुक सुङ्सिमा येशूकी ती मक्मी छ्ये तीला “त याड ख्युरुड खाङ्बाला ग्युक! ख्योरो तेपा क्यावु दोके च्युङ्गितो।” सिनी सुङ्सुड। ती पेला राड तीकी लावा ति टेक्नोक।

येशूकी नेर्पु बडीला टेक च्यितुप

(मर्कस १:२९-३४; लूका ४:३८-४१)

^{१४}तेसुर येशू पत्रुसकी खाङ्बा फेप्सुड। ते पत्रुसकी यिवी ति छा ग्यप्नी ड्यासाला ड्यिलोड वोतुप

थोड्सुड। १५तमा खोकी छ्याक ति तीकी लाकपाला रेक्सुड, रेक्सिमा शाक्येक तीकी छा ग्यपुप ति तोर्सुड। ती ज्युक्ला ती ति लानी खोला शब्ज्यी पुल्सुड।

१६ती छेर्मु सोज्हिपला मीतिवी डेकी कुलुप मी बडीला खोकी चाला टिनी लेसुड। तमा खोकी सुड नेसुर राड डेतिवाला थेन्नी तिवा तेरीला टेक च्यिसुड। १७ती ति कोन्छ्योककी लुङ्तेम्बा यशैया नेसुर

“खोकी दाक्पी जुकी अमोछ्योवु खोरे राड लासुड,
तमा दाक्पी नेजुतिवा खोरे राड
खुर्सुड।”

सिनी सुङ्गुप सुड ति तेरी छेवुला राड दुकै च्युङ्गुप यिन।*

येशूला तिङ्ग्योकुपकी कोर्ला

(लूका ६:५७-६२)

१८येशूकी खोरो गारी गुरीला मी माङ्छ्योक जोम्बुप थोड्सिमा लोमातिवाला ग्येम्छो फर्केन डोप सिनी सुङ्सुड। १९तमा यहूदी छ्योकी गेकेन मिरा च्यिक खोकी चाला वानी “गेकेन, गेकेन कनी फेक्किवे, ड ते राड तिङ्ग्योकिन।” सिनी सिक्क्यासुड। २०ती थोसिमा येशूकी तीला “च्यिप्प्याडतिवी ति देतुप फुक वे, नामगी च्यच्युमतिवी ति देतुप छाड वे। यिने ड मी पुज्युडला याड कनी

साड देसा मिन्दुक।” सिनी सुङ्सुड। २१तमा ते वोतुप लोमातिवी पर ने मिरा च्यिककी “चोवो, गोमाला गल्नी डे पपा कल्दोक कि च्यी।” सिनी सिक्क्यासुड। २२यिने येशूकी तीला सुङ्सुड, “शेप मीकी शेपतिवाला कल्दोक कि च्यी, तमा ख्युरुड ति डे तिङ्गला तिङ्ग्यो।”

येशूकी लुङ छ्यर्वाला कुसुमी दे च्यितुप

(मर्कस ४:३५-४१; लूका ८:२२-२५)

२३तमा येशू टुला जेनी खोकी लोमातिवा ताड मुला ग्येम्छो शानी फेपुप छाल्सुड। २४ती पेला ते ग्येम्छोला शाक्येक कशेन लुङ छ्यर्वा ग्यप्नी तिवा जेवु टु ति छ्यी बालापला नुम डोप छाल्सुड। यिने ती पेला येशू ति ङ्गी गाल्नोक। २५तमा लोमातिवा येशूकी चिप्ला वानी खोला लोङ्गियन सिरा “ओ चोवो, ङ्गिराडला ज्होक्टे की! ङ्गिराड नुम्नी शेप छाल्सुड।” सिनी च्यार ग्यप्सुड। २६तमा येशू शेङ्नी तिवाला “ओ तेपा अला मेतुप टेड! ख्यिराड च्यिला ज्यिवा किवी?” सिनी सुङ्नी ती लुङ छ्यर्वा ताड छ्यी बालापला वोरु तेन्सिमा ती ग्येम्छो ति छासे कुसुमी गाल्सुड। २७ती थोङ्नी लोमातिवा ति छासे हलेवा लानी, “ओए, दी याड चुका परकी मी यिन? लुङ छ्यर्वा ताड ग्येम्छोकी साड

खोकी कला ड्येन्गिनोक।” सिनी सिक्क्यासुड।

डेकी कुलुप मी ड्यीला टेक च्यितुप

(मर्कस ५:१-२०; लूका ८:२६-३६)

२८ तमा येशू ग्येम्छो फर्केन गदरिनीकी मीतिवी लुङ्बाला लेप्सुड। ती पेला डेकी कुलुप मी मिरा ड्यी शेष मीला ज्योकुप टककी फुक नेमा वुङ्गियन कितुप ति येशूकी ठेसुड। तिवा मीतिवाला छासे ज्यिवा लङ्गुप तप्की सु साड ती लामला डो मुथुप्नोक। २९ येशूला थोडिसमा तिवा च्यार ग्यकिन सिरा “ओ कोन्छ्योककी सेवु, ख्योरे ति डियरा मुला काड तम्जी वे? ठिमकी तुजे माछेवाला राड ख्युरुड डियराडला दुक्पा तेरुपला फेवु यिन?” सिनी सिक्क्यासुड। ३० ती पेला ते फेचेक ग्यक्ला फाक्पातिवा बडी चोयिन नोक। ३१ ती डेतिवी येशूला गोड्बा शुनी, “ख्योरे डियराडला तेन तोङ्गुप राड यिन्सिन डियराडला ती फाक्पातिवी नाङ्ला शुक च्यी।” सिनी सिक्क्यासुड। ३२ तमा खोकी तिवाला “ग्युक!” सिनी क नडिसमा ती डेतिवा थेन्नी फाक्पातिवी नाङ्ला शुसुड। शुसिमा ती फाक्पातिवा तेरी चे थाकाला छ्योड्बाल गल्नी ती चे नाङ्ला नुम्नी शिसुड। ३३ तमा फाक्पा चोपतिवा टोन गल्नी ग्येसाकी मीतिवाला ती तेरी ताम्डे ताड डेकी कुलुप मीतिवाला च्युङ्गुप ताम्डे

शेसुड। ३४ ती थोनी ग्येसाकी मीतिवा तेरी थेन्नी येशूला ठेतुपला वासुड। येशूला ठेसिमा तिवी खोला खोपे लुङ्बा नेसुर फेप सिनी गोड्बा शुसुड।

लाक्पा काड्बा शोरुप मीला येशूकी टेक च्यितुप

(मर्कस २:१-१२; लूका ५:१७-२६)

२ तेसुर येशू टुला जेनी ग्येम्छो फर्केन फेप्नी खोरो युलला लोकसुड। ३ ते मीतिवी सप्तेन खला डियलोकुप लाक्पा काड्बा शोरुप मी यीला खोकी चाला खुर्नी वासुड। तिवी तेपा थोड्नी येशूकी ती लाक्पा काड्बा शोरुप तीला “ओ पुज्यो, डाडेड की। ख्योरो दिक्पा तानी वे।” सिनी सुड्सुड। ४ तमा यहूदी छ्योकी गेकेनतिवी खोपे सेमला “दीकी याड कोन्छ्योकला के मारे तोडिगनोक।” सिनी नासाम ताङ्गनोक। ५ तिवी तुका नासाम तङ्गुप ति येशूकी हाक्कोनी तिवाला दुक सुड्सुड, “ख्यिराड च्यिला दुका नासाम मेलोवा तोडिगवी? ६ “ख्योरो दिक्पा तासुड।” सिरुप ताम्डे ताड ‘ख्युरुड लानी यु।’ सिरुप ताम्डे नाङ्ला चुका ति मड जोल्हमु यिन? ७ यिने ड मी पुज्युडला दी जम्बुलिडला दिक्पा ता ज्यितुप ओड वे सिरुप ति ख्यिराडला हाक्को ज्यितिन।” तमा खोकी ती लाक्पा काड्बा शोरुप तीला “ख्युरुड खोक लो। तमा ख्योरो सप्तेनतिवा खुर्नी ख्योरो खाड्बा ग्युक।” सिनी सुड्सुड। ८ खोकी तुक

सुडिसमा ती मी ति खोक लानी खोरो खाड्बा गाल्सुड। ८ती थोडिसमा मी माङ्छ्योक ज्यिवा क्यानी मीतिवाला दुका ओड नङ्गुप कोन्छ्योकला सोवा तेक्सुड।

येशूकी मत्तीला पेतुप

(मर्कस २:१३-१७; लूका ५:२७-३२)

९तेसुर येशू फेपिन कितुप पेला मत्ती सिरुप से दुतुप मी यी से दुतुप लेखुडला देन वोतुप थोड्सुड। तमा खोकी तीला “डे तिङ्ला तिङ्यो।” सिनी सुड्सुड। खोकी तुक सुडिसमा ती खोक लानी खोकी तिङ्ला तिङ्यासुड।

१०ती ज्युक्ला येशू ताड खोकी लोमातिवा मत्तीकी खाड्बाला सोल शेवुला ज्युसुड। ते से दुतुपतिवा ताड यम्बा दिक्छेनतिवा साड बडी वानी खोतिवी मुला देसुड। ११ती थोङ्नी फरिसीतिवी येशूकी लोमातिवाला “ख्यिरा गेकेनकी च्यिला से दुतुपतिवा ताड दिक्छेनतिवी मुला देनी सोल शेवु यिन?” सिनी टिसुड। १२ती थोनी येशूकी तिवाला सुड्सुड, “नेजु मेतुपतिवाला याड आम्ज्यी मोगोवी, यिने नेपुतिवाला याड गोकिवी। १३ख्यिराड गल्ली ‘डला गोवु ति बुल्वा मिन्, यिने च्यम्बा यिन।’ सिरुप सुङगी तेन्दोक ति काड यिन सिनी ल्यामो लोप। ड ति खुरुड राड मी टेङ्बु यिन सिरुपतिवी थोक्ला मिन्, यिने खुरुड दिक्छेन यिन सिरुपतिवाला कतोङ्गुपला वावु यिन।”

येशूकी इयुङ्नेकी कोर्ला टिवा क्यावु

(मर्कस २:१८-२२; लूका ५:३३-३६)

१४डियम्जियक बप्तिस्मा तेरुप यूहन्नाकी लोमातिवा येशूकी चाला वानी दुक सिक्यासुड, “ड्यिराड ताड फरिसीतिवा नरी नरी इयुङ्ने ज्हुङ्गिगी, यिने ख्योरे लोमातिवा ति च्यिला इयुङ्ने मुज्हुङ्गिगी?”

१५येशूकी तिवाला सुड्सुड, “माक्पा खोप्रे मुला वोतुप पेला सेक याड जेन्दीकी डेन्बुतिवा दुडल किवी रो? यिने माक्पाला ठोनी डोप तुजे यी गिवी, ती तुजेला ति तिवी इयुङ्ने ज्हुङ्गिगी।

१६सी साड मज्या डियङ्बाला लहेन्दा सम्बा मग्यकिवी। ग्यप्सिन लहेन्दा सम्बा ति कुम्नी मज्या डियङ्बा ति मड रल्लिगी। १७तुक राड क्यानी सी साड क्वा ग्यिवु डियङ्बी नाङ्ला गुन्डुम छ्याड सम्बा मुलुकी। लुक्सिन क्वा ग्यिवु फेक रल्ली गुन्डुम छ्याड पेकिवी, तमा क्वा ग्यिवु साड ना डिवी। गुन्डुम छ्याड सम्बा ति क्वा ग्यिवु सम्बी नाङ्ला लुक्सिमा तिराड ती डियकर लुकिवी।”

शेप पुम ताड नावु पुम्पेजा

(मर्कस ५:२१-४३; लूका ८:४०-५६)

१८येशूकी ती ताम्डे सुडियन कितुप पेला यहूदी छ्योखाडकी मी छ्ये यी खोकी चाला वानी पुमुड सला चुनी, “ओ गेकेन, डे पुम मलोक

शिसुड। यिने गेकेन फेप्नी तीकी जुला छ्याक ज्याक नडिसन ती ति सेन्बु लडिगवी।” सिनी सिक्कासुड। ^{१६}ती थोसिमा येशू शेङ्नी तीकी तिङ्ला फेप्सुड, तमा खोकी लोमातिवा साड खोकी मुला गाल।

^{२०}खोतिवा फेपिन कितुप पेला लो च्यिङ्डी नेज्युन ठक थेन्दुप नेजु वोतुप पुम्पेजा यी येशूकी तिङ नेसुर वानी खोकी नम्साकी गारीला रेक्सुड। ^{२१}च्यिलासिसिन तीकी सेमला खोकी नम्साला तिराड रेक्सिनाड खोरो नेजु ति टेकिवी सिनी नासाम ताङ्नोक। ^{२२}तमा येशू ख्युर ग्युर्नी ती पुम्पेजा तीला ल्हानी, “ओ पुमो, ख्युरुड डाडेड की। ख्योरो तेपा क्यावु तप्की ख्युरुड टेक्सुड।” सिनी सुङ्सुड। खोकी तुक सुङ्लुङ्मे ती पुम्पेजा ति टेक्सुड।

^{२३}तेसुर येशू ती यहूदी छ्योखाडकी मी छ्येकी खाङ्बी नाङ्ला शुनी ल्हासालेन्सिन ते ग्येलिङ पुतुप मीतिवा ताड मी माङ्छ्योक डुप्पाड ताड हराड हुरुङ कियी वोतुप थोङ्सुड। ^{२४}ती थोङ्सिमा खोकी तिवाला “ख्यिराड तेरी पाङ्ला ग्युक। दी पुम याड शेप मिन, डियलोकुप तिराड यिन।” सिनी सुङ्सुड। ती थोसिमा मीतिवी खोला मर्च्या क्यानी गोटे क्यासुड। ^{२५}तमा मी माङ्छ्योकला पाङ्ला तेन ताङ्सिमा येशू नाङ्ला शुनी ती पुमकी लाक्पाला जिम्सिमा ती पुम ति खोक लासुड। ^{२६}तमा ती ताम्डे ति लुङ्बाकी तेरी दासाला टाम्सुड।

मिक मोथोङ्गुप मी ड्यीला मिक थोङ्गुप जोवु

^{२७}तेसुर येशू फेपिन कितुप पेला मिक मोथोङ्गुप मी मिरा ड्यीकी “ओ दाऊदकी गिपा येशू! डियराङ्ला च्यम्बा की।” सिनी वोरु देनन सिरा खोकी तिङ्ला तिङ्यासुड। ^{२८}येशू खाङ्बी नाङ्ला फेप्सिमा ती मिक मोथोङ्गुपतिवा साड खोकी चाला वासुड। तमा येशूकी तिवाला “काड डे दी कि थुप्किवी सिनी ख्यिराड तेपा किवी?” सिनी टिसुड। तमा तिवी “लसे चोवो, डियराड तेपा कितिन।” सिनी सिक्कासुड। ^{२९}तमा खोकी तिवी मिकला रेक्नी, “ख्यिरा तेपा क्यावु दोके राड डोशी।” सिनी सुङ्सुड। ^{३०}खोकी तुक सुङ्लुङ्मे तिवी मिक ति शाक्येक पेसुड। तमा येशूकी तिवाला दी ताम्डे ति सुला साड मासिर सिनी क नाङ्सुड। ^{३१}यिने तिवा गल्नी येशूकी क्या नङ्गुप हलेवु लाकाकी कोर्ला लुङ्बा तेरीला टाम्सुड।

मी कुवाला ताम्डे लप थुपुप जोवु

^{३२}तमा तिवा तेसुर थेन्नी गल्सिमा मीतिवी डेकी कुल्नी कुवा गलुप मी यीला येशूकी चाला टिनी लेसुड। ^{३३}तमा येशूकी ती डे तीला तेन्सिमा ती मी कुवा ति ताम्डे लप थुपुप गाल्सुड। ती थोङ्सिमा मी माङ्छ्योक छासे हलेवा क्यानी, “इसाएल लुङ्बाला दुका लाका याड नाम्साड माथोड।”

सिनी सिक्कासुड। ३४ यिने फरिसीतिवी
“तीकी डेकी ग्येल्बु शैतानकी ओड
नेमा राड डेतिवाला देन्गिनोक।” सिनी
सिक्कासुड।

सप्ले दुतुप मी इयुड्मु वोतुप

(मर्कस ६:३४; लूका १०:२)

३५ तमा येशू तेरी ग्येसा ग्येसा
ताड युल युलला फेप्नी यहूदी
छ्योखाडतिवाला येन्देन नङ्नी
कोन्छ्योककी सुड ख्याप्ताक कियी
सिरा नेजु नम्बा बडी वोतुप तेरी
नेर्पुतिवा ताड अमोछ्योवुतिवा तेरीला
टेक च्यिसुड। ३६ मी माङ्छ्योक
थोङ्सिमा येशूकी सेमला छासे
ड्यिङ्ज्ये लानोक, च्यिलासिसिन
तिवा गोठाला मेतुप लुक दोके दुक्पा
इयेन्नी यर्मिन मर्मिन गाल्नोक। ३७ ती
तप्की खोकी खोरे लोमातिवाला दुक
सुङ्सुड, “सप्ले दु गोवु ति बडी वे,
यिने सप्ले दुतुप मीतिवा इयुड्मु वे।
३८ तुक क्यानी सप्लेकी ज्यिन्दाक
कोन्छ्योकला सप्ले दुतुप मीतिवा
तोड सिनी गोङ्बा शु।”

येशूकी लोमा च्यिङ्डीतिवा

(मर्कस ३:१३-१६; ६:७-१३;

लूका ६:१२-१६; ९:२-६)

१० येशूकी खोरो लोमा
च्यिङ्डीतिवाला कताङ्नी
डेतिवा थेन्दुप ओड ताड नेजु नम्बा

बडी ताड अमोछ्योवु तेरीला टेक
ज्यितुप ओड नाङ्सुड। ३९ ती लोमा
च्यिङ्डीतिवी मिड ति दिवा राड यिन।
गोमाला पत्रुस सिरुप सिमोन ताड
तीकी नुप अन्द्रियास, जब्दियाकी
पुज्युड याकूब ताड तीकी नुप
यूहन्ना, ३९ फिलिप ताड बारथोलोमाइ,
थोमा ताड से दुतुप मत्ती, तमा
अल्फयसकी पुज्युड याकूब ताड
थेदियस, ४० लुङ्बाकी थोक्ला टेमु
कितुप छ्योक्पाकी मी सिमोन^१ ताड
यहूदा इस्करियोत यिन। ती यहूदा
इस्करियोत ति ज्युक्ला येशूला जिम्नी
तेरुप मी यिन।

४१ येशूकी लोमा च्यिङ्डीतिवाला दुक
सिनी क नङ्नी ताङ्सुड, “ख्यिराड
यहूदी मिन्दुप मिरिक यम्बाकी
मीतिवी पर्ला माडो, तमा सामरीतिवी
ग्येसाला साड माडो। ४२ बोरु तोरुप
लुकतिवा दोके गलुप इस्राएलकी
मीतिवी पर्ला गल्नी ४३ ‘कोन्छ्योककी
ग्येल्खाप चिप्ला राड वा वे।’ सिनी
ख्याप्ताक की। ४४ नेर्पुतिवाला टेक
च्यी, शेपतिवाला सेन्बु लोड, जे ग्यपुप
नेजु वोतुपतिवाला टेक च्यी, तमा
डेतिवाला थेन। दी लाका कितुप ओड
ख्यिराडला तुक राड इयेतुप यिन, तुक
क्यानी ख्यिराड साड तिवाला तुक राड
किसा। ४५ ख्यिराड छयी नाङ्ला सेरकी
डेवा, डुलकी डेवा ताड सा डेवा
काड साड माखुर। १० ख्यिराड डोप

पेला भोला साड पोयप कितुप मज्या साड काचा साड पेका साड माखुर। च्यिलासिसिन लाका कितुपतिवाला गोवु च्यालकतिवा ड्येकितो।

११ ख्यिराड चुका ग्येसा याङ्ना युलला डिवे, ते ख्यिराडला ल्यामु क्यानी गासो शोप मी छोल। तमा तेसुर मागल्वा सेक ती मी तीकी खाड्बाला दे। १२ ख्यिराड ती खाड्बी नाड्ला शुकुप पेला ती खाड्बी मीतिवाला 'ख्यिराडला कोन्छ्योककी लोदिमु नड्शी।' सिनी सी। १३ दोजो ती खाड्बी मीतिवी ती लोदिमु ड्ये छ्योवु वोसिन ती लोदिमु ति ती खाड्बाला लु च्यी, यिने तिवी ती लोदिमु डे छ्योवु मेसिन ती लोदिमु ति ख्यिराडला राड लोकनी वुड च्यी। १४ सी ख्यिराडला गासो मुशुवे याङ्ना ख्यिरा ख्याप्ताक क्यावु सुड मेड्येन्वे, ख्यिराड ती खाड्बा नेवा थेन डोप पेला ख्यिरा काड्बाला कोवु थल्दुक ति ज्हुनी ज्योक। १५ ड ख्यिराडला टेड्बो सिरिन, कोन्छ्योककी ठिम तोङ्गुप तिङ्मी तुजेला ती ग्येसाला सदोम ताड गमोरा ग्येसाला ख्येलुप सिनाड मड कोन्छ्योक नेमा पचर्या ख्येलिगतो।”

वुङ्गुप छेटाडकी कोर्ला

(मर्कस १३:९-१३; लूका २१:१२-१७)

१६ “ल्होसा, खटमुतिवी पर्ला लुकतिवा तङ्गुप दोके ड ख्यिराडला तोड्यिनो। तुक क्यानी ख्यिराड रुल

दोके च्यड्बु ताड गम्देर दोके क्याने मेतुप वुड गोकितो। १७ ख्यिराड मीतिवा नेसुर च्याड्से देता। च्यिलासिसिन तिवी ख्यिराडला ठिम्खाडला क्योलिगतो, तमा यहूदी छ्योखाडला टिनी पाङ्शर तोडिगतो। १८ तमा डला तेपा क्यावु तप्की तिवी ख्यिराडला मी छ्येतिवा ताड ग्येल्वुतिवी चिप्ला लड ज्यिकितो, तमा तिवा ताड यहूदी मिन्दुप मिरिक यम्बाकी मीतिवी दोङ्ला ख्यिरा डे थोकला पड्बु तेकिगतो। १९ मीतिवी ख्यिराडला जिम्नी ठिम्खाडला क्योलुप पेला ख्यिराड चुक सि गोकिवी याङ्ना काड सि गोकिवी सिनी पप माकी, च्यिलासिसिन ख्यिरा काड सि गोवु ति ती पेला राड ख्यिराडला लक्कितो। २० ती पेला लपुप ति ख्यिराड मिन, यिने ख्यिराड नेसुर सुङ्गुप ख्यिरा पपा कोन्छ्योककी थु चाङ्मा यिन।

२१ मीतिवी खोरो अच्युनुपला सेतुपला चेक तेकिगतो, तमा पपी खोरो पेजातिवाला ताड पेजातिवी खोरो पपाआमी तेन्दोकला लानी तिवाला से ज्यिकितो। २२ ख्यिरा डला तेपा क्यावु तप्की मी तेरीकी ख्यिराडला ड्यिङ्मर कितो। यिने सु ज्युकला सेक तेपा क्यानी हम क्यान देकिवे, तीला ज्होकिगतो। २३ तिवी ख्यिराडला ग्येसा च्यिकला छेटाड बिन्सिन ग्येसा यम्बाला टोनी ग्युक। वुतुड के ड ख्यिराडला सिरिन, ख्यिराड इस्राएलकी ग्येसा तेरीला

लेपुप सिनाड गोमाला ड मी पुज्युड वुङ्गितो।

२४ लोमा खोरो गेकेन सिनाड छ्ये मेवी, तमा लावा खोरो ज्यिन्दाक सिनाड छ्ये मेवी। २५ लोमा खोरो गेकेन दोके ताड लावा खोरो ज्यिन्दाक दोके च्युङ्सन टेके गिवी। तिवी खाङ्बी ज्यिन्दाकला बालजिबुल सिनी सिसिन ती खाङ्बी मीतिवाला याड मड चुका मेलोकपा मिसिर्वी रो?”

सुला ज्यिवा कि गोकिवी

(लूका १२:२-७)

२६ “तुक क्यानी तिवाला ज्यिवा माकी, च्यिलासिसिन उप ज्याकनी ज्युकला मोथोङ्गुप ताड बान ज्याकनी ज्युकला हाकमोकोवु ति काड साड मे। २७ डे ख्यिराडला नक्तोमीला काड सिक्यावे, ती ति ख्यिरा ठछ्येलीला सी। तमा डे ख्यिराडला सताम नाङ्गला क्यावु ताम्डे ति खाङ्बी ख नेमा ख्याप्ताक की। २८ ख्यिरा जु सेसिनाड नम्शिड ति से मुथुपुप तीला ज्यिवा माकी। यिने जु ताड नम्शिड ड्यिकरला ड्येलाला क्युरुप कोन्छ्योकला ति ज्यिवा की। २९ डेवा च्यिकला बन्गिरी ड्यी मिटिन्वी रो? यिने पपा कोन्छ्योककी नोवा मेसिन बन्गिरी च्यिक साड सला मुलुम्बी। ३० ख्यिरा ति याड गोकी ज्हे ड्येडुमातिवा साड कोन्छ्योककी तेरी डोनी ज्याड वे। ३१ तुक क्यानी ख्यिराड ज्यिवा माकी, च्यिलासिसिन ख्यिराड याड

बडी वोतुप बन्गिरीतिवा सिनाड मड खक्छ्येवु वे।”

मीतिवी मिङ्गाला ख्रीष्टकी कोर्ला सिरुप

३२ “सी मीतिवी मिङ्गाला डला तेपा किवी सिनी सिवे, ड साड देवाच्येनला ज्यु वोतुप डे पपी मिङ्गाला तीला डे मी यिन सिनी सिरिन। ३३ यिने सी मीतिवी मिङ्गाला डला डो मेशेवी सिनी सिवे, ड साड देवाच्येनला ज्यु वोतुप डे पपी मिङ्गाला तीला डो मेशेवी सिनी सिरिन।”

लोदिमु मिन, ख्ये बेतुपला वावु यिन

(लूका १२:५१-५३; १४:२६-२७)

३४ “ड जम्बुलिङकी मीतिवाला डिक च्यिनी लोदिमु तेरुपला वावु यिन सिनी ख्यिराड नासाम मातोड। ड याड लोदिमु तेरुपला मिन, यिने तिवाला ख्ये बेतुपला वावु यिन। ३५ ड याड डला तेपा कितुपतिवा खोरो पपी मुला, पुम खोरो आमी मुला, तमा नमा खोरो यिवी मुला उटक लोङ्गुपला वावु यिन। ३६ तुक क्यानी ख्यिरा डतिवा ति रङ्गी मीतिवा राड गिवी। ३७ सी डला सिनाड खोरो पपाआमाला मड ड्यिङ्ज्ये किवे, ती ति डे तिङ्गला तिङ्गोक मोछ्योवी। सी डला सिनाड खोरो पुज्युडपुमला मड ड्यिङ्ज्ये किवे, ती साड डे तिङ्गला तिङ्गोक मोछ्योवी। ३८ तमा सु खोरो ग्यङ्गिशड खुर्नी डे तिङ्गला तिङ्ग मोङ्गोक वे, ती

साड डे लोमा वुड मोछ्योवी। ^{३६}सी खोरो मिजी ज्होकुप छोलिगेवे, तीकी मिजी ति तोर्नी डिवितो। यिने सी डे थोक्ला खोरो मिजी तोर ज्यिकिवे, तीला नाम्साड मिशिवु मिजी थोप्कितो।”

छ्यक्तक

(मर्कुस ६:४१; लूका १०:१६)

^{४०}“सी ख्यिराडला सेमला लिङ्गिवे, तीकी डला खोरो सेमला लावु यिन। सी डला सेमला लिङ्गिवे, तीकी डला तोङ्गुप तीला खोरो सेमला लावु यिन। ^{४१}कोन्छ्योककी लुङ्तेम्बाला कोन्छ्योककी लुङ्तेम्बा सिनी सेमला लिङ्गुप तीला कोन्छ्योककी लुङ्तेम्बाला थोपुप छ्यक्तक थोप्किवी। टेङ्बु वोतुप मीला टेङ्बु वोतुप मी सिनी सेमला लिङ्गुप तीला टेङ्बु वोतुप मीला थोपुप छ्यक्तक थोप्किवी। ^{४२}सी दी छ्युडातिवी पर्ला मिरा च्यिकला डे लोमा यिन सिनी छ्यु टङ्गा फर्वा काड यिन्सिनाड तेर्किवे, तीला थोपुप छ्यक्तक ति वुतुड के तोर्नी मोडोवी।”

बप्तिस्मा तेरुप यूहन्नाकी खोरो लोमातिवा येशूकी ते तङ्गुप

(लूका ७:१८-३५)

११ येशूकी खोरो लोमा च्यिङ्डीतिवाला ती तेरी ताम्डेतिवा सुङ्सिमा तेसुर चाला वोतुप ग्येसा ग्येसाला फेप्नी तेकी

मीतिवाला लोपुप ताड लेन ल्यामु ख्याप्टाक क्यासुड।

^२ती पेला यूहन्नाकी येशू ख्रीष्टकी क्या नङ्गुप तेरी लाकातिवी कोर्ला चोन्खाडला थोनोक। तमा तीकी खोरो लोमातिवाला खोकी चाला दुक सिनी टि ताङ्सुड, ^३“कोन्छ्योककी तङ्गुप ख्रीष्ट ति ख्युरुड राड यिनाड की, ड्यिराड मी यम्बाला गुनी दे गोकिवी?” ^४तमा येशूकी तिवाला सुङ्सुड, “त ख्यिराड लोक गल्नी ख्यिरा काड थोवु ताड काड थोङ्गुप ति तीला दुक सिनी सी, ^५‘मिक मोथोङ्गुपतिवा मिक थोड थुप्किवी, थेंड्बातिवा युक् थुप्किवी, जे ग्यपुप नेजु वोतुपतिवा टेक ज्यिकिवी, वोन्बातिवा थो थुप्किवी, शेपतिवा सेन्बु लोङ्गिगी, तमा पेराङ्बुतिवाला लेन ल्यामु ख्याप्टाक कियी वे।’ ^६डला तेपा कितुप क्युर्नी मोज्योकुप ति मोलाम थोपुप यिनो।”

^७तमा यूहन्नाकी लोमातिवा लोकनी गल्सिमा येशूकी मी माङ्छ्योकला यूहन्नाकी कोर्ला दुक सिनी सुङ्सुड, “ख्यिराड दासा पाङ्थेरीला काड ल्हापला गलुप? काड वुर्तुककी योकुप ड्युङ्मातिवा ल्हापला गलुप यिन? ^८मिसिन ख्यिराड काड ल्हापला थेन्दुप? मज्या ल्यामु ल्यामु कोन्दुप मी ल्हापला यिन? मज्या ल्यामु ल्यामु कोन्दुपतिवा याड ग्येल्खाड नाङ्गला राड देकिवी। ^९मिसिन ख्यिराड काड ल्हापला थेन्दुप? कोन्छ्योककी

लुङ्तेम्बातिवाला ल्हापला यिन?
 यिन, ड ख्यिराडला सिरिन, ती ति
 कोन्छ्योककी लुङ्तेम्बा सिनाड छ्ये
 यिन। १० तीकी कोर्ला कोन्छ्योककी
 सुङगी नाङ्ला दुक सिनी टि वे,
 ‘ल्होसा, ड डे लेन क्योलुप मीला
 ख्योरो गोमाला तोडियनो,
 तीकी ख्योरो थोकला लाम टडिक
 कितो।’

११ वुतुड के ड ख्यिराडला सिरिन,
 आप्पुमकी खोक नेमा क्येवुतिवी
 पर्ला यूहन्ना सिनाड छ्ये ति यम्बा
 सु साड मे। यिन्सिनाड कोन्छ्योककी
 ग्येल्खापला याड सु तेरी सिनाड
 छ्युडा नोके, ती ति यूहन्ना सिनाड
 छ्ये यिन। १२ बप्तिस्मा तेरुप
 यूहन्नाकी ख्याप्टाक कितुप पे
 नेज्युनी तन्दा सेक कोन्छ्योककी
 ग्येल्खापला उर्च्युम ग्यकिन वे, तमा
 कशेन उर्च्युम ग्यकुपतिवाला ती ति
 ड्येकिवी। १३ यूहन्ना वुङ्गुप सिनाड
 गोमाला के तेरी कोन्छ्योककी
 लुङ्तेम्बातिवा ताड मोशाकी ठिमला
 कोन्छ्योककी ग्येल्खाप वुङ्गुपकी
 कोर्ला नन्दर शेनी वे। १४ तिवी नन्दर
 शेतुप ति ख्यिरा सेमला लिङ्गुप राड
 यिन्सिन वुतुड के ती ति वुङ्गिगवी
 सिनी सिक्कावु एलिया यिन। १५ सी
 ति ड्येन्दुप नम्ज्योक नोके, तीकी
 ड्येन्शी।

१६ दी गिपाला ड काड ताड क्यानी
 डिङ ल्हाप? दी गिपा याड हाला देनी
 खोप्राड दाल्जातिवी मुला दुका ताम्डे

कियी वोतुप आड टिकपेतिवा दोके
 यिन,

१७ ‘ड्यिरा ख्यिरा थोकला लुमु
 पुयिन,
 यिने ख्यिराड माछ्याम।
 ड्यिराड डुप्राड क्यायिन,
 यिने ख्यिराड माडु।’

१८ यूहन्नाकी साप साड मासो, तमा
 थुङ्गुप साड माथुनी ड्युङ्गेने देसुड।
 ती पेला मीतिवी तीला डे ग्यप्नोक
 सिनी सिक्कासुड। १९ ड मी पुज्युड
 वानी साप ताड थुङ्गुप ति मीतिवी
 ल्हानी ‘ती ति सज्युरे ताड छ्याङ्गेले
 यिन, तमा से दुतुप ताड दिक्छेनतिवी
 दाल्जा यिन।’ सिनी सिवी। यिने
 कोन्छ्योककी रिक्पा ति ती रिक्पा
 वोतुप मीकी क्यावु लाका नेसुर राड
 हाक्कोकिवी।”

दिक्पा ने सेम माग्युरुप ग्येसाकी मीतिवी कोर्ला

(लूका १०:१३-१५)

२० चुका ग्येसाला येशूकी हलेवु
 लाकातिवा बडी क्यावे, ती ग्येसाकी
 मीतिवा दिक्पा ने सेम माग्युरुप
 तप्की खोकी तिवाला दुक सिनी
 वोरु तेन्सुड, २१ “ओ, खोराजीनकी
 मीतिवा, ख्यिराडला मोताप
 सुकितो! ओ बेथसेदाकी मीतिवा,
 ख्यिराडला मोताप सुकितो! ख्यिरा
 पर्ला क्यावु हलेवु लाकातिवा टुरोस
 ताड सीदोनला क्यावु यिन्सिन तेकी
 मीतिवा गोमाला के रा ज्होकपुकी

मज्या कोन्नी खोरो गोला थल्जाम लुक्नी दिक्पा ने सेम ग्युरुप्जा।
 २२ यिने ड ख्यिराडला सिरिन, कोन्छ्योककी ठिम तोङ्गुप तिङ्मी तुजेला टुरोस ताड सीदोन ग्येसाकी मीतिवा ख्यिराड सिनाड मड हम क्यानी दे थुप्किवी। २३ ओ कफर्नहुम ग्येसाकी मीतिवा, ख्यिराड येर देवाच्येनला के देकिवी? मिन, ख्यिराड याड मर ड्येलाला के लुम्गिवी। च्यिलासिसिन ख्यिरा पर्ला क्यावु हलेवु लाकातिवा सदोम ग्येसाला क्यावु यिन्सिन ती ग्येसा ति हारिड सेक लुवुजा। २४ यिने ड ख्यिराडला सिरिन, ठिम कितुप तिङ्मी तुजेला सदोम ग्येसाकी मीतिवाला सिनाड ख्यिराडला मड कोन्छ्योक नेमा पचर्या ख्येलिगतो।”

सेमला दुक्पा खुरुपतिवा डे चाला वानी डासो

(लूका १०:२१-२२)

२५ ती पेला येशूकी दुक् सुङ्नी मोपोर क्या नाङ्सुड, “ओ पपा, देवाच्येन ताड जम्बुलिङकी चोवो, ड पपाला थुचिछे बुलिन। च्यिलासिसिन पपी दी ताम्डे ति रिक्पा वोतुप ताड लापुप मीतिवाला छ्याकला ज्याक्नी आडा टिक्पे दोके मालापुप मीतिवाला छ्या तेन्सुड। २६ यिन, पपा, ती ति पपाला गा लङ्गुप नोवा यिन। २७ पपी डला तेरी चेक तेन नाङ्सुड। पपी तिराड पुज्युडला डो शेकिवी। तमा पुज्युड

ताड पुज्युडकी खुरुड सु यिन सिनी छ्या देन्दुपला पेतुपतिवी मिसिन यम्बा सी साड पपाला डो मेशेवी।

२८ ओ दुक्पा ताड दुडल खुर्नी सेमला येन छ्येतुपतिवा, ख्यिराड तेरी डे ते शोक। तमा ड ख्यिराडला डप्सु तेरिन। २९ ड सेम वोल्मु ताड कुसु ज्यम्बु वे, ख्यिराड डे ड्याशिड खुर्नी डे नेसुर लोप। तुक क्यासिन ख्यिरा सेमला डप्सु ड्येकिवी। ३० च्यिलासिसिन डे ड्याशिड ति जोल्हमु ताड डे खुरु ति येङ्गा वे।”

डासोप डियमाकी चोवो

(मर्कस २:२३-२८; ३:१-६;

लूका ६:१-११)

१२ चेयी ज्युक्ला डासोप डियमाला येशू ताड खोकी लोमातिवा टे शिड ख नेवा क्यानी फेपिन कितुप पेला लोमातिवा ल्होवा लानी टे डियमा थुनी सोनोक। २ ती थोडिसमा फरिसीतिवी येशूला “ल्हो ताड! ख्योरे लोमातिवी डासोप डियमाला कितुप मेङ्गुप लाका किनोक।” सिनी सिक्यासुड। ३ येशूकी तिवाला सुङ्सुड, “ग्येल्बु दाऊदकी खुरुड ताड खोरो मुला वोतुपतिवा ल्होवा लावु पेला काड क्यासुड सिनी कोन्छ्योककी सुडला ख्यिरा मारा? ४ दाऊद कोन्छ्योकला सोवा देकुप खाङ्बी नाङ्ला शुनी कोन्छ्योकला पुलुप शुब्ज्याड ति लानी खुरुड ताड खोरो मुला वोतुपतिवी मासो रो? ती

शुब्ज्याड ति कोङ्यारतिवी मिसिन मी यम्बी साप मेङ्गनोक।* ५येलुड डासोप डियमाला कोङ्यारतिवी यहूदी ल्हडाङ नाङ्ला डासोप डियमाला कितुप मेङ्गुप लाका क्यासिनाड तिवाला क्येन मोफोकिवी सिनी कोन्छ्योककी मोशाला नङ्गुप ठिमला ख्यिरा मारा? ६ड ख्यिराडला सिरिन, यहूदी ल्हडाङ सिनाड छ्ये वोतुप ति दे वे। ७“डला बुल्वा मोगोवी, यिने ख्यिरा च्यम्बा कितुप गोकिवी।’ सिनी टि वोतुप कोन्छ्योककी सुङगी तेन्दोक ति वुतुड ख्यिरा हाक्कोवु यिन्सिन क्येन तेर मोगोवु मीला ख्यिरा क्येन मेतेरुप्जा।* ८च्यिलासिसिन ड मी पुज्युड ति डासोप डियमाकी चोवो यिन।”

लाक्पा च्यिक शोरुप मीला टेक च्यितुप

९ती ज्युक्ला येशू तेसुर यहूदी छ्योखाड नाङ्ला फेप्सुड। १०तमा ते लाक्पा च्यिक कम्बु ठोक गलुप मी यी नोक। ते वोतुप ललाइ मीतिवी येशूला क्येन तेरुप नोनी दुक सिनी खोला टिसुड, “काड डासोप डियमाला नेर्पु टेक ज्यितुप गिबी ताड मेङ्गिगी?” ११तमा येशूकी तिवाला सुङ्सुड, “दोजो ख्यिरा पर्ला ललाइकी ति लुक च्यिक वे, ती ति डासोप डियमाला मुक्तुम नाङ्ला लुम्सिन ख्यिरा तीला

पाङ्ला मेदेन्वी रो? १२लुक सिनाड मी ति मड खक्छ्येवु मिन रो? तुक क्यानी डासोप डियमाला लाका ल्यामु कितुप गिबी।”

१३तमा येशूकी ती लाक्पा कम्बु ठोक गलुप मी तीला “ख्योरो लाक्पा क्योड।” सिनी सुङ्सुड। तीकी लाक्पा क्याङ्सिमा ती लाक्पा टेक्नी यम्बा लाक्पा दोके ल्यामु गाल्सुड। १४ती थोङ्सिमा फरिसीतिवा तेसुर थेन गल्नी येशूला सेतुपला केवुल क्यासुड।

कोन्छ्योककी पेतुप लावा

(मर्कस ३:७-१२; लूका ६:१७-१८)

१५तिवी खोरो तेन्दोकला केवुल क्यावु ति येशूकी हाक्कोनी खो तेसुर फेप्सुड। यिने मी माङ्छ्योक खोकी तिङ्ला तिङ्यासुड। तमा खोकी तिबी पर्ला वोतुप नेर्पुतिवा तेरीला टेक च्यिसुड। १६तमा खोकी खोरो कोर्ला सुला साड मासिर सिनी तिवाला क नाङ्सुड। १७दी ति कोन्छ्योककी लुङ्तेम्बा यशैया नेसुर दुक सुङ्गुप कोन्छ्योककी सुड ति तेरी छेवुला यिन,

१८“डे थोक्ला पेतुप लावा ति दी राड यिन।

दी ति डे डियङ्ज्येवु यिन।

दीकी मुला ड छासे गा लानी वे।

ड डे थु चाङ्मा ति दीला तेरिन।

तमा दीकी तेरी मिरिककी
मीतिवाला डे ठिम टेड्बुकी
थोक्ला ख्याप्टाक किवी।

१६ ती ति सु ताड क्यानी साड खाँदा
मिकिवी,

च्यार साड मग्यकिवी।

लाम नेवा सी साड तीकी वोरु
मोथोवी।

२० डे ठिम टेड्बुकी ग्येला
कितुप तुजे मालेपा सेक
तीकी ककुप ड्युड्माला
मोच्योकिवी,

शितुछ्येप सलोक्टी मेसेवी।

२१ तमा तेरी मिरिककी मीतिवा
तीकी मिडला रेवा किवी।”*

येशू ताड बालजिबुल

(मर्कस ३:२०-३०; लूका ११:१४-२३)

२२ तमा मीतिवी डेकी कुलनी मिक
साड मोथोड्गुप, ताम्डे साड लप मुथुवु
मी यीला येशूकी चाला टिनी लेसुड।
तमा खोकी तीला टेक च्यिसिमा ती
मी ति ताम्डे लप थुपुप ताड मिक
थोड थुपुप गाल्सुड। २३ ती थोडिसमा
मी माड्छ्योक हलेवा लानी, “काड
दी याड ग्येल्वु दाऊदकी गिपा यिन्दे
की?” सिनी सिक्क्यासुड। २४ तमा ती
थोनी फरिसी छ्योकपाकी मीतिवी
“दी मी तीकी याड डेकी ग्येल्वु
बालजिबुलकी ओड नेमा डेतिवा
देन्गिनोक।” सिनी सिक्क्यासुड।

२५ तिवी तुका नासाम तड्गुप ति
येशूकी हाक्कोनी तिवाला सुड्सुड,
“चुका ग्येलखाप साड खोप्राड पर्ला
ख्ये पेसिन तिवा ना डिवी। तमा चुका
ग्येसा याड्ना मिछाड साड खोप्राड
पर्ला ख्ये पेसिन तिवा अला मुलुवी।

२६ शैतानकी शैतानला तेन्सुड सिसिन
तिवी पर्ला ख्ये पेकिवी। तुक क्यासिन
तिवी ग्येलखाप ति चुक क्यानी लु
थुप्किवी रो? २७ दोजो बालजिबुलकी
डार नेमा राड डे डेतिवा देन्गिनी
सिसिन ख्यिरा लोमातिवी सी डार नेमा
डेतिवा देन्गिनी रो? तुक क्यासिन
ख्यिरा लोमातिवी ख्यिराडला क्येन
तेर्किवी। २८ यिने डे कोन्छ्योककी थु
चाड्मा नेमा डेतिवा देन्गिनी सिसिन
ती ति कोन्छ्योककी ग्येलखाप ख्यिरा
पर्ला वा वे सिरुप ति छ्या तेन्दुप
यिन। २९ चुका मी तीकी साड गोमाला
मी रम्बुला कोड माकिन्दा सेक्ला
ती मी तीकी खाड्बा शुनी तीकी
नोर टोड्बातिवा कुनी डो थुप्किवी
रो? यिने ती खाड्बी मीला कोड
किन्सिमा तिराड तीकी खाड्बा कुनी
डो थुप्किवी। ३० सु डे छ्योला मेवे,
ती ति डला क्येन तेरुप मी यिन। सी
ड ताड मुला मीतिवा कोन्छ्योकला
टि मेड्गिगेवे, ती ति मीतिवाला
कोन्छ्योक नेसुर थरा थुरा तोड्गुप
मी यिन। ३१ तुक क्यानी ड ख्यिराडला
सिरिन, मीतिवी क्यावु चुका दिक्पा

ताड कोन्छ्योककी तेन्दोकला ताम्डे
मेलोवा क्यावु ति माफ इयेकिवी,
यिने कोन्छ्योककी थु चाङ्माला मारे
तङ्गुप ति माफ मेङ्गेवी। ३२तमा
चुका मी तीकी ड मी पुज्युङला ताम्डे
मेलोवा सिवे, तीकी दिक्पा माफ
इयेकिवी, यिने कोन्छ्योककी थु
चाङ्माला ताम्डे मेलोवा सिरुप तीला
दी कल्वाला ताड वुङ्गुप कल्वाला
साड तीकी दिक्पा माफ मेङ्गेवी।”

दोङ्बु ताड तीकी डेलु

(लूका ६:४३-४५)

३३ “दोङ्बु ल्यामु वोसिन डेलु
साड ल्यामु राड गोर्किवी। दोङ्बु
मेलोवा वोसिन डेलु साड मेलोवा राड
गोर्किवी। डेलु ल्हानी तीकी दोङ्बु
चुकै वे सिरुप ति हाक्कोकिवी।
३४ ओ दुक्टाकी गिपातिवा! खिराड
सेम दुक्टा वे, चुक क्यानी ताम्डे ल्यामु
कि थुक्किवी? च्यिलासिसिन सेमला
काड क्येड नोके, ती ति ख नेमा
लक्किवी। ३५ सेम जङ्बु वोतुप तीकी
खोरो सेमला काड ल्यामु ज्याक्वे, ती
ल्यामु ति देन्गिवी। तमा सेम दुक्टा
वोतुप तीकी खोरो सेमला काड दुक्टा
ज्याक्वे, ती दुक्टा राड देन्गिवी। ३६
खिराडला सिरिन, मीतिवी काड
ताम्डे तेर्मे क्यावे, ती ताम्डे तेर्मेकी
तेन्दोक ति कोन्छ्योककी ठिम
तोङ्गुप तुजेला खोकी दोङ्गला खोरो
राड लप गोकिवी। ३७ ती तुजेला ख्योरो
क्यावु ताम्डे नेमा राड कोन्छ्योककी

ख्युरुड क्येन मेतुप याङ्ना क्येन वोतुप
सिनी ठिम क्या नङ्गिगी।”

योनाकी तकी कोर्ला

(मर्कस ८:११-१२; लूका ११:२९-३२)

३८ तमा यहूदी छ्योकी गेकेनतिवा
ताड फरिसी छ्योक्पाकी मीतिवा
ललाइ ललाइकी येशूला दुक्
सिक्यासुड, “ओ गेकेन, गेकेनकी
ड्यिराडला त च्यिक् छ्या तेन्दुप ति
ल्हाप नो वे।” ३९ तमा खोकी तिवाला
सुङ्सुड, “दुक्टा ताड शम्डेनकी
गिपाकी तिराड त छोल्लिगी, यिने
दी गिपाकी मीतिवी कोन्छ्योककी
लुङ्तेम्बा योनाकी त मिसिन यम्बा त
थोङ्गुप मेङ्गेवी। ४० च्यिलासिसिन
योना ड्याकी खोक्पी नाङ्गला ड्यिमा
सुम ताड नुप सुम लुवु दोके ड मी
पुज्युड साड ड्यिमा सुम ताड नुप सुम
से दिङ्गला लुकिवी। ४१ कोन्छ्योककी
ठिम तोङ्गुप तुजेला निनवेकी मीतिवा
लानी दी गिपाकी मीतिवाला क्येन
तेर्किवी, च्यिलासिसिन योनाकी
ख्याप्टाक क्यावु थोसिमा निनवेकी
मीतिवा दिक्पा ने सेम ग्युसुङ। यिने
ल्होसा, योना सिनाड मड छ्ये वोतुप
ति दे वे। ४२ कोन्छ्योककी ठिम
तोङ्गुप तुजेला ल्होकी थाकाकी
लुङ्बा नेसुर वावु ग्येल्मी साड दी
गिपाकी मीतिवी तेन्दोकला क्येन
तेर्किवी, च्यिलासिसिन ती ति ग्येल्वु
सोलोमनकी रिक्पा ड्येन्दुपला
जम्बुलिङकी तिङ्मा नेसुर वासुड।

यिने ल्होसा, सोलोमन सिनाड मड छ्ये वोतुप ति दे वे।”

डे लोकुप

(लूका ११:२४-२६)

४३ “डे च्यिक मी ललाइ नेमा थेन्सिमा डासोप दासा छोलिन सिरा दासा पाङ्थेरी नेवा युकिवी, यिने तीला मेङ्येवी। ४४ तमा तीकी ‘ड कनी नेसुर थेन वावे, ते राड लोकनी डोयी।’ सिनी सिवी। लोकनी वासिमा ती दासा ति तोङ्बा वोतुप ताड चेङ्गा जोनी रिनी ज्यकुप ति तीकी थोङ्गिगी। ४५ तमा ती ति गल्नी खुरुड सिनाड मड दुक्टा वोतुप डे दिनतिवा टिनी वानी ती दासाला शुनी ते राड देकिवी। तुक कयानी ती मी ति गोमाला सिनाड ज्युकला मड मेलोकपा डिवी। ती दोके दुक्टा वोतुप दी गिपाकी मीतिवा साड तुकै राड डिवी।”

येशूकी आमा ताड नुपतिवा

(मर्कुस ३:३१-३५; लूका ८:१९-२१)

४६ येशूकी मी माङ्छ्योकला येन्देन नङ्गियन वोतुप पेला खोकी आमा ताड नुपतिवा खो ताड मुला ताम्डे कितुप नोनी पाङ्गला लानी देनोक। ४७ ती पेला मी यी येशूकी चाला वानी, “गेकेन, गेकेनकी आमा ताड नुपतिवा गेकेन ताड मुला ताम्डे कितुपला पाङ्गला लानी देन्नोक।” सिनी सिक्क्यासुड। ४८ तमा येशूकी तीला “सु डे आमा यिन? सु डे नुपतिवा यिन?” सिनी टि

नाङ्सुड। ४९ तमा खोकी लोमातिवी थाकाला छ्या देनिन सिरा सुङ्सुड, “ल्हो ताड, डे आमा ताड नुपतिवा दिवा राड यिन। ५० सु देवाच्येनला ज्यु वोतुप डे पपी नोवाला युकिवे, तिवा राड डे नुप ताड नुम ताड आमा यिन।”

सेन देपुप पे

(मर्कुस ४:१-१२, २५;

लूका ८:४-१०; १०:२३-२४)

१३ ती छेर्मु येसू खो ज्युवु खाङ्गला नेमा थेन्नी ग्येम्छो गारीला फेप्नी ते ज्युसुड। २ ती पेला ते मी माङ्छ्योक खोकी चिप्ला जोम्सालेन्सिन येसू टुला जेनी टी नाङ्गला ज्युसुड। तमा मी माङ्छ्योक तेरी ग्येम्छो गारीला लानी देसुड। ३ खोकी तिवाला पे नेसुर ताम्डे बडी शेन नाङ्सुड, “ङ्येना, ङ्गियज्यिक सेन देपुप मी यी सेन देपुपला शिड खला थेन्सुड। ४ तमा सेन देप्सालेन्सिन ललाइ सेन ति लामला ख्येल्सुड, तमा च्यच्युमतिवा वानी ती सेन ति थुनी सोसुड। ५ ललाइ ति दोप्पोक खला ख्येल्सुड, तमा ते थला अला मेतुप तप्की ती ति डमु राड क्येसुड। ६ यिने ङ्गियमा शर्सिमा ती ति ङ्गियमी छिक्सुड, तीकी मर माक्यङ्गुप तप्की रेर्पा गल्नी शिसुड। ७ ललाइ ति छेर्माड दोङ्गुबी पर्ला ख्येल्सुड, तमा छेर्माड दोङ्गु ग्यानी वानी तीला सेप्सुड। ८ यिने ललाइ ति स ल्यामुला ख्येल्सुड। ती स

ल्यामुला ख्येलुप तीकी ललाइला डुमा
दोम्बा सयी ताड ललाइला डुमा दोम्बा
खाल टुक ताड ललाइला डुमा दोम्बा
खल सुम ग्यप्सुड। ६सी ति ड्येन्दुप
नम्ज्योक नोके, तीकी ड्येन्शी।”

पेकी तेन्दोक

१० तमा लोमातिवा खोकी चिप्ला
वानी खोला “गेकेन, च्यिला
गेकेनकी मीतिवाला पे नेसुर शेतुप
यिन?” सिनी टिसुड। ११ तमा खोकी
तिवाला सुड्सुड, “ख्यिराडला
याड कोन्छ्योककी ग्येल्खापकी
छ्याककी ताम्डे हाक्कोवु रिक्पा
बिन वे, यिने मी यम्बातिवाला ति
माबिन वे। १२ सी लोला नोके, तीला
मड लहक्पा थोप्नी बडी डिवी। यिने
सी लोला मेवे, तीकी लोला वोतुप ति
साड ठोकिवी। १३ तिवाला डे पे नेसुर
शेतुप तेन्दोक ति तिवी ल्हासिनाड
मोथोङ्गिगी, ड्येन्सिनाड मोथोवी,
तमा हाक साड मोकोवी। १४ तुक
क्यानी कोन्छ्योककी लुङ्तेम्बा
यशैयाकी दुक सिनी नमदर शेतुप ति
तिवाला छेसुड,

‘ख्यिरा ड्येन्दुप याड ड्येन्गिगी,
यिने हाक्मोकोवी।

ल्हाप याड ल्हेवी, यिने
मोथोङ्गिगी।

१५ च्यिलासिसिन दी मीतिवी सेम
क्योङ्बु गल वे,

नम्ज्योक मोथोवु गल वे,
मिक साड चुम वे।
मिसियाड तिवी मिककी थोङ्गुप
ताड नम्ज्योककी थोवु गल्नी
हाक्कोवु ताड दिक्पा ने सेम
ग्युर्नी वुङ्गुप्जा।
तमा डे तिवाला टेक
ज्यितुप्जा।”*

१६ यिने ख्यिराड ति मिक थोङ्गुप
ताड नम्ज्योक थोवु तप्की मोलाम
थोपुप यिनो। १७ वुतुड के ड
ख्यिराडला सिरिन, कोन्छ्योककी
लुङ्तेम्बातिवा ताड खोकी कला
ड्येन्दुपतिवा बडीकी ख्यिरा ल्हावु
खोकी ग्येल्खाप ल्हाप याड नो
क्यासुड, यिने माथोड। खोकी
ग्येल्खापकी कोर्ला ड्येन्दुप नो
क्यासुड, यिने माथो।”

सेन देपुप पेकी तेन्दोक

(मर्कस ४:१३-२०; लूका ८:११-१५)

१८ “त ख्यिराड सेन देपुप मीकी
पेकी तेन्दोक ति ड्येन। १९ सी
कोन्छ्योककी ग्येल्खापकी सुड
थोसिनाड हाक्माकोसिन तीकी
सेमला ख्येलुप सुड ति शैतान
वानी ठोनी डिवी। लामकी गारीला
ख्येलुप सेनकी तेन्दोक ति दी
राड यिन। २० तमा दोप्पोक खला
ख्येलुप सेन ति दुका मी दोके यिन।
तीकी सुड थोनी ती सुड गा क्यानी

शाक्येक सेमला लिङ्गिगी। ^{२१}यिने तीकी लोला मर मेतुप तप्की चेयी पर सेक तिराड लुकिवी। तमा सुङगी तेन्दोकला छंटाड याङ्ना दुडल ख्येल वासिन तीकी ड्येन्दुप सुङ ति शाक्येक क्युर्नी ज्योकिवी। ^{२२}तमा छेर्माड दोङ्बी पर्ला ख्येलुप सेन ति दी मी दोके यिन। तीकी सुङ ड्येन्गिगी, यिने दी जम्बुलिङकी पप ताड टोङ्बाकी नासामकी ती सुङला क्येक्नी डेलु मोगोर्वी। ^{२३}यिने स ल्यामुला ख्येलुप सेन ति कोन्छ्योककी सुङ ड्येन्नी ती सुङ ति ल्यामो क्यानी हाक्कोवु मी दोके यिन। ती ति डेलु ल्यामु गोरुप दोङ्बु दोके क्यानी ललाइला दोम्बा सयी, ललाइला दोम्बा खल टुक ताड ललाइला दोम्बा खल सुम डुमा ग्यकिवी।”

ठिमाकी पे

^{२४}येलुङ येशूकी मीतिवाला दुका पे यम्बा यी शेन नाङ्सुङ। “कोन्छ्योककी ग्येल्खाप ति खोरो शिङ खला सेन ल्यामु देपुप मी दोके यिन। ^{२५}यिने मीतिवा ड्यी गलुप पेला ती मी तीकी ड वानी टेकी पर्ला ठिमा तम ज्याक्नी गाल। ^{२६}तमा ट क्येनी ग्यानी डुमा ग्यकुप छोलुप पेला ठिमा साङ ग्यानी वानोक। ^{२७}तमा ती मी तीकी लावातिवा तीकी चाला वानी, ‘ज्यिन्दाक, ज्यिन्दाककी याङ सेन ल्यामु राङ तपुप मिन? चुक क्यानी

ठिमातिवा क्येवु यिनाड?’ सिनी टिसुङ। ^{२८}तमा ज्यिन्दाक तीकी ‘दी लाका ति डकी क्यावु यिन।’ सिनी सिक्कासुङ। तमा लावातिवी ज्यिन्दाकला ‘तुकै यिन्सिन ड्यिराड गल्नी ठिमातिवा पल्नी क्युरुप?’ सिनी टिसुङ। ^{२९}यिने ज्यिन्दाक तीकी तिवाला सिक्कासुङ, ‘तुक माकी, ख्यिरा ठिमा पलुप पेला ट साङ मुला राङ पल थुप्किवी। ^{३०}डुमा छोता सेक ड्यिकर मुला राङ छर्शी। तमा ट डकुप पेला ड खेतालातिवाला गोमाला ठिमातिवा पल्नी कली जोनी मेला ज्हे , तमा टे डुमातिवा ति डे पडाङ नाङ्ला ज्योक सिनी सिरिन।’ ”

राय छेर्माङकी सेन ताङ खमीरकी पे

(मर्कूस ४:३०-३४; लूका १३:१८-२१)

^{३१}येलुङ येशूकी तिवाला यम्बा पे यी शेन नाङ्सुङ। “कोन्छ्योककी ग्येल्खाप ति मी मिरा च्यिककी खोरो शिङ खला तपुप राय छेर्माङकी सेन दोके यिन। ^{३२}ती राय छेर्माङकी सेन ति यम्बा तेरी सेन सिनाङ ठेमे वोसिनाङ क्येनी ग्यासिमा तेरी डोछेलतिवा सिनाङ दोङ्बु ग्येर्पु डिवी, तमा नामगी च्यच्युमतिवा वानी ती दोङ्बी गोला छाङ जेवी।”

^{३३}येलुङ खोकी तिवाला यम्बा दुका पे यी साङ शेन नाङ्सुङ, “कोन्छ्योककी ग्येल्खाप ति खमीर दोके यिन। पुम्पेजा यीकी फे किलो

खल्जियक ताड ड चोयीकी नाइला ती खमीर लुकनी वोल्सिमा टम्दोक तेरीला बोसुड।”

पे नेसुर सुङ्गुप तेन्दोक

३४ येशूकी ती तेरी ताम्डेतिवा पे नेसुर राड मीतिवाला शेन नाइसुड। पे नेसुर मिसिन ताम्डे काड साड तिवाला मासुड। ३५ ती ति कोन्छ्योककी लुङ्तेम्बा नेसुर दुक सुङ्गुप ति तेरी छेवुला यिन,

“ड ताम्डे लपुप पेला पे नेसुर शेतिन।

ड जम्बुलिङ ज्येङ्गुप पेला नेज्युनी बानी ज्यकुप ति सिरिन।”*

येशूकी ठिमाकी पेकी तेन्दोक सुङ्गुप

३६ ती ज्युकला येशू मी माङ्छ्योकला क्युर ज्याकनी खाङ्बा फेप्सुड। लोमातिवा ति खोकी चाला वानी, “गेकेन, गेकेनकी सुङ्गुप शिङ खकी ठिमाकी पेकी तेन्दोक ति डियराडला सुङ्नी।” सिनी सिक्क्यासुड। ३७ तमा खोकी तिवाला सुङ्सुड, “सेन ल्यामु देपुप मी ति ड मी पुज्युड यिन। ३८ स ति जम्बुलिङ यिन। सेन ल्यामु ति कोन्छ्योककी ग्येल्खापकी मीतिवा यिन। ठिमा ति शैतानकी ओडला शोरुप मी दुक्टातिवा यिन। ३९ ठिमा देपुप ड ति शैतान यिन। सप्ले दुतुप

तुजे ति जम्बुलिङ ना डोप तिङ्मी तुजे यिन। सप्ले दुतुपतिवा ति देवाच्येनकी लेन क्योलुप थुतिवा यिन। ४० ठिमातिवा पल्नी कली जोनी मेला ज्हेकुप दोके जम्बुलिङ तिङ्मी तुजेला साड तुकै राड किवी। ४१ ती पेला ड मी पुज्युडकी देवाच्येनकी लेन क्योलुप थुतिवा तोङ्गिगी, तमा तिगी मी यम्बाला दिक्पा कि ज्यितुप ताड दुक्टा कितुपतिवा तेरीला खोरो ग्येल्खाप नेसुर पेनी दुम्गिगी। ४२ तमा तिवाला मे बरुप ड्येलाला क्युकिगी। ते तिवा स मुरिन सिरा डुप्राड किवी। ४३ तमा ती पेला कोन्छ्योककी कला ड्येन्दुपतिवा ति खोपे पपी ग्येल्खापला डियमा दोके शकिगी। सी ति ड्येन्दुप नम्ज्योक नोके, तीकी ड्येन्शी।”

बानी ज्यकुप क्येङ्येन ताड मुतीकी पे

४४ “कोन्छ्योककी ग्येल्खाप ति शिङ खला बानी ज्यकुप क्येङ्येन दोके यिन। मी च्यिककी ती ड्येनी ते राड बानी ज्योकिगी, तमा गा लानी खोरो खाङ्बा गल्नी खोरो मुला वोतुप टोङ्बातिवा तेरी चोनी ती शिङ ति ड्येवी।

४५ येलुङ कोन्छ्योककी ग्येल्खाप ति मुती ल्यामु छोलुप छोङ्मेन दोके यिन। ४६ तीकी ती गोड नावु मुती

च्यिक ड्येसिमा गल्नी खोरो लोला
वोतुप टोड्बातिवा तेरी चोनी ती मुती
ति ड्येवी।”

इया जिम्बुप जालकी पे

४७ “लोड कोन्छ्योककी ग्येल्खाप
ति ग्येम्छो नाङ्ला क्युर्नी इया नम्बा
बडी जिम्बुप जाल दोके यिन।
४८ तमा जाल क्येडिसमा ती जाल
ति ग्येम्छो गारीला थेन्नी सला देनी
साप वुङ्गुप इया ल्यामु ल्यामुतिवा
नेक्योक नाङ्ला दुम्गिवी, साप
मेङ्गुप इया मेलोक्पातिवा ति थेन्नी
क्युर्किवी। ४९ ती दोके जम्बुलिङ
तिङ्मी तुजेला देवाच्येनकी
लेन क्योलुप थुतिवा वानी मी
दुक्टातिवाला ति मी टेङ्बुतिवी
पर नेसुर बेकिवी, ५० तमा तिवाला
बरुप मे नाङ्ला क्युर्किवी। ते तिवा
डुयी सिरा स मुर्किवी।”

५१ तोजोयी सुडिसमा येशूकी
तिवाला “ख्यिरा दी तेरी ताम्डे
हाक्कोसुड?” सिनी टि नाङ्सुड।
तमा तिवी खोला “लसे, ड्यिरा
हाक्कोसुड।” सिनी सिक्कासुड।
५२ तमा खोकी तिवाला सुङ्सुड,
“कोन्छ्योककी ग्येल्खापकी कोर्ला
लापुप तेरी यहूदी छ्योकी गेकेनतिवा
ति समा च्यालक ज्यकुप दासा नाङ
ने नागुड छ्येर्मु वोतुप च्यालक
सम्बातिवा ताङ ड्यिङ्बातिवा
पाङ्ला थेन्दुप खाङ्बी ज्यिन्दाक
दोके यिन।”

नासरतकी मीतिवी येशूकी तेन्दोकला लावु

(मर्कस ६:१-६; लूका ४:१६-३०)

५३ ती पेतिवा शेन सिन्सिमा येशू तेसुर
फेप्सुड। ५४ तमा रङ्गी ग्येसा नासरतला
राङ फेप्नी तेकी यहूदी छ्योखाङला
येन्देन नाङ्सुड। खोकी येन्देन नङ्गुप
थोडिसमा मीतिवा हलेवा क्यानी दुक्
सिनी टिसुड, “दी मी तीला दुका रिक्पा
ताङ हलेवु लाका कितुप ओङ ति कनी
नेसुर थोप ताङ? ५५ काङ दी मी याङ
शिङ्जोकी पुज्युड मिन? दीकी आमा
याङ मरियम मिन? दीकी नुपतिवा
याकूब ताङ योसेफ ताङ सिमोन ताङ
यहूदा मिन रो? ५६ दीकी नुमतिवा तेरी
दाक्पी मुला राङ मे रो? दी मी तीला दी
तेरी कितुप रिक्पा ताङ ओङ ति कनी
नेसुर थोप ताङ?” ५७ तुक सिनी तिवी
खोला सेमला लिङ्गुप नो माक्या।
तमा येशूकी तिवाला “कोन्छ्योककी
लुङ्तेम्बातिवाला ति खोरो केसा ताङ
खोरो खाङ्बा मिसिन यम्बा दासा
तेरी नेमा ताङ्देन ड्येकिवी।” सिनी
सुङ्सुड। ५८ तेकी मीतिवी खोला तेपा
माक्यावु तप्की येशूकी ते हलेवु लाका
अला माक्या।

बप्तिस्मा तेरुप यूहन्नाला सेतुप

(मर्कस ६:१४-२६; लूका ६:७-९)

१४ ती पेला गालीलला ग्येला
कितुप हेरोदकी येशूकी
कोर्ला ताम्डे थोनोक। २ तमा हेरोदकी

खुरुडला शब्जयी कितुपतिवाला “ती मी ति बप्तिस्मा तेरुप यूहन्ना यिन। ती ति शेष ने सेन्बु लानोक। तुक क्यानी तीकी मुला दुका हलेवु लाकातिवा कितुप ओड वे।” सिनी सिक्क्यासुड। ३ गोमाला हेरोदकी खोरो नुप फिलिपकी पेर्मी हेरोदियासकी थोकला यूहन्नाला जिम्नी चोन्खाडला उप्नोक। ४ च्यिलासिसिन यूहन्नाकी हेरोदला “ख्योरो छाम ति खोरो पेर्मीला ज्योकुप मेडिगवी।” सिनी सिक्क्यानोक। ५ ती तप्की हेरोदकी यूहन्नाला सेतुप नो क्यानोक। यिने ती ति मीतिवाला ज्यिवा क्यानोक, च्यिलासिसिन तिवा यूहन्ना ति कोन्छ्योककी लुड्तेम्बा यिन सिनी नो किनोक।

६ तमा हेरोद क्येवु तुछ्येनला हेरोदियासकी पुम तीकी डेन्बुतिवी दोडला छ्यम्नी हेरोदला छासे गा लाड्नुक। ७ ती तप्की हेरोदकी ती पुम्पेजाला “ख्योरो डला काड लडिसनाड ड ख्युरुडला तेरिन।” सिनी न क्यल्नी थाक्छ्येसुड। ८ तमा तीकी खोरो आमी लापुप दोके “बप्तिस्मा तेरुप यूहन्नाकी गो ति देर्माड नाडला ज्याक्नी दे राड डला नड।” सिनी सिक्क्यासुड। ९ तमा ग्येल्बुला सेम्दुक लासुड, यिन्सिनाड गोमाला के न क्यल्नी थाक्छ्येतुप ताड डेन्बुतिवी मिङ्गाला वोतुप तप्की तीकी ती पुम्पेजाकी गोड्बा शुवु दोके की सिनी क बिन्सुड। १० तमा तीकी मीतिवा चोन्खाडला ताड्नी यूहन्नाकी गो ति

च्ये च्यिसुड। ११ च्येसिमा ती गो ति देर्माड नाडला ज्याक्नी ती पुम्पेजा तीला बिन्सुड। तमा तीकी ती गो ति खोरो आमी चाला खुर्नी गाल्सुड। १२ ती ज्युकला यूहन्नाकी लोमातिवा वानी यूहन्नाकी फुड्बु ति खुर्नी कल्दोक क्यासुड। तमा तिवा येशूकी चाला गल्नी ते च्युङ्गुप ताम्डेतिवा खोला लाप्सुड।

येशूकी मी तोड्डा डला समा नङ्गुप

(मर्कस ६:३०-४४; लूका ९:१०-१७;

यूहन्ना ६:१-१४)

१३ ती थोसिमा येशू टुला जेनी तेसुर दासा कुसुमीला फेप्सुड। खो ते फेवु थोसिमा मी माड्छ्योक ग्येसा ग्येसा नेसुर युनी खोकी तिड्ला तिड्यासुड। १४ येशू ग्येम्छो गारीला लेप्नी टु नेसुर थेन्सुड। तमा मी माड्छ्योकला थोड्नी खोकी सेमला छासे च्यम्बा लानी तिवा पला वोतुप नेर्पुतिवाला टेक च्यिसुड।

१५ तमा सोज्हिप गल्सिमा लोमातिवा खोकी चाला वानी, “दी ति काड मेड्येवु दासा पाड्थेरी यिन, नाम साड ल्होसुड। तुक क्यानी दी मी माड्छ्योकला युल युलला गल्नी खोप्ते थोकला साप समा ड्योपला डो च्यी।” सिनी सिक्क्यासुड। १६ यिने येशूकी लोमातिवाला “तिवा डो मोगोवी। ख्यिरा राड तिवाला साप समा बिन।” सिनी सुड्सुड। १७ तमा

लोमातिवी खोला “डियरा मुला याड शुब्ज्याड ड ताड ड्या ड्यी तिराड वे।” सिनी सिक्कासुड। १८तमा येशूकी “तिवा डे चाला खुर्नी शोक।” सिनी सुड्सुड। १९तमा खोकी मी माइछ्योकला च वोतुप दिङ्माला दे च्यिसिमा ती शुब्ज्याड ड ताड ड्या ड्यी ति लानी देवाच्येन ने केला ल्हानी कोन्छ्योकला थुचिछे पुलनी तिवा च्याक्नी लोमातिवाला नाड्सुड, तमा लोमातिवी ती ति मीतिवाला गोनी बिन्सुड। २०तमा तेरी मीतिवी डाता सेक सोसिमा साड ल्हकुप पुर्मातिवा रुनी शोम च्यिङ्डी नाङ्ला क्येड्सुड। २१ती पेला ते सापतिवा ति पुम्पेजा ताड पेजा टिकपेतिवा पेसिनाड ख्योकपेजा नाज्युडतिवा तिराड तोड्डा ड चोयी नोक।

येशू ग्येम्छो खला युवु


(मर्कस ६:४५-५६; यूहन्ना ६:१५-२१)

२२ती ज्युकला येशूकी मी माइछ्योकला तेसुर तोङ्गुप पेला खोकी लोमातिवाला शाक्येक टुला जेनी खो सिनाड गोमाला ग्येम्छो फर्केन ग्युक सिनी ताड्सुड। २३मी माइछ्योकला ताडिसमा खो च्यिक राड मोपोर कितुपला पम्दोकला फेप्सुड। तमा नाम ल्होसिमा खो च्यिक राड ते ज्युसुड। २४तोजो पेला लोमातिवा जेवु टु ति ग्येम्छो गारी नेवा थाक्किड्बु लेप्नी सिन्नोक। तमा वुर्तुक ठेक्योकपा ग्यपुप तप्की टु ति

छ्यी बालापकी पर्ला ख्येल्ली तिवाला छासे दुक्पा च्युड्सुड।

२५नुपला छ्युजी सुम चोयीला येशू ग्येम्छो खला युकिन सिरा लोमातिवी चाला फेप्सुड। २६खो ग्येम्छो खला फेपुप थोडिसमा लोमातिवी दी याड जेहन्डी के यिन्दे सिनी ज्यिवा कियी सिरा च्यार ग्यप्सुड। २७येशूकी शाक्येक तिवाला “डियड रम्बु की, ड राड यिन। ज्यिवा माकी।” सिनी सुड्सुड।

२८तमा पत्रुसकी येशूला “ओ चोवो, ख्युरुड चोवो राड यिन्सिन डला छ्यी खला युनी चोवोकी चाला वुङ्गुपला क नाङ्डे की।” सिनी सिक्कासुड। २९खोकी पत्रुसला “शोक!” सिनी सुड्सुड। तमा पत्रुस टु नेसुर पाप्नी छ्यी खला युनी येशूकी चिप्ला गाल्सुड। ३०यिने लुड कशेन ग्यपुप थोङ्नी पत्रुस ज्यिवा लानी छ्यी नाङ्ला नुम डोप छाल्सुड, ती पेला तीकी “ओ चोवो, डला ज्होक्टे की!” सिनी च्यार ग्यप्सुड। ३१तमा येशूकी शाक्येक छ्याक कयाङ्नी पत्रुसला जिम्नी, “ओ तेपा मेतुप, ख्युरुड च्यिला तेपा माक्यानी यिन्दे मिन्दे नो किवी?” सिनी सुड्सुड। ३२तमा तिवा मुला राड टी नाङ्ला शुसिमा लुड ति कुसुमी देसुड। ३३ती थोडिसमा टुला वोतुप लोमातिवी खोला शावा कियी सिरा “वुतुड के गेकेन याड कोन्छ्योककी सेवु राड यिनोक।” सिनी सिक्कासुड।



गनेसरेतकी नेर्पुतिवाला टेक च्यितुप

३४ ती ज्युक्ला येशूतिवा ग्येम्छो शानी फर्केन गनेसरेत युलला लेप्सुड। ३५ खो ते फेप्सिमा ती दासाकी मीतिवी खो येशू यिन सिनी डो शेनी गारी गुरीला वोतुप दासा तेरीला मीतिवा ताङ्नी नेर्पुतिवा तेरीला खोकी चाला टिनी लेसुड। ३६ तिवा येशूकी नम्साकी गारीला तिराड यिन्सिनाड रेकुप ड्ये च्यी सिनी खोला गोङ्बा शुसुड। तमा

सी खोकी नम्साला रेक्वे, तिवा तेरी टेक्सुड।

लुक्सुकी तेन्दोकला येशूकी सुङ्गुप

(मर्कस ७:१-१३)

१५ तमा फरिसीतिवा ताङ यहूदी छ्योकी गेकेनतिवा यरूशलेम नेसुर येशूकी चाला वानी खोला २“च्यिला ख्योरे लोमातिवी दाकपी हङ्गावातिवी तोड नेज्युनी तेन्दुप लुक्सु मातेन्दुप यिन? तिवा

याड समा साप गोमाला लाक्पा मुटुनोक।” सिनी सिक्यासुड।
 ३तमा येशूकी तिवाला सुङ्सुड,
 “तुकै यिन्सिन ख्यिराड च्यिला रङगी लुकसु तेन्दुपकी थोकला कोन्छ्योककी क मेङ्येन्दिवी?
 ४च्यिलासिसिन कोन्छ्योककी ‘रङगी पपाआमाला ताङ्देन की। सी खोरो पपाआमी तेन्दोकला ताम्डे दुक्टा लप्किवे, ती ति से राड गोकिवी।’ सिनी सुङ्सुड। ५यिने ख्यिरा याड मी ललाइकी खोरो पपाआमाला ‘डे ख्यिराडला शब्ज्यी कि गोवु ति कोन्छ्योकला बुल्वा पुलिन।’ सिसिन ६ती मी तीकी खोरो पपाआमाला शब्ज्यी कि मोगोवी सिनी सिवी। तुक कयानी ख्यिरा रङगी लुकसु तेन्दुपकी थोकला कोन्छ्योककी सुड ति मेतेन्वी।
 ७ओ खोनकपुतिवा, कोन्छ्योककी लुङ्तेम्बा यशैयाकी ख्यिरा थोकला दुक सिनी नन्दर शेतुप ति टेके यिन,
 ८‘दी मीतिवी ख नेमा तिराड डला ताङ्देन किवी,
 यिने तिवी सेमला ति डला ड्याम मिकिनोक।
 ९तिवी डला सोवा देकुप ति तेमें यिन,
 च्यिलासिसिन तिवी लापुप येन्देन ति मी जोवु ठिम तिराड यिन।’ ”*

१०ती ज्युकला येशूकी मी माङ्छ्योकला खोरे चाला कताङ्नी दुक सुङ्सुड, “ख्यिराड डे ताम्डे ड्येना, तमा ल्यामो कयानी हाक्कोवा किसान। ११ख नेमा शुकुप तीकी मीला मेचेङ्गा मोजोवी, यिने ख नेमा थेन्दुप तीकी मीला मेचेङ्गा जेवी।” १२तमा येशूकी लोमातिवा खोकी चिप्ला वानी, “चोवोकी दुक सुङ्गुप ताम्डे थोसिमा फरिसीतिवा ड्यिर्मु लावु ति चोवोला छ्या वे?” सिनी खोला टिसुड। १३यिने खोकी सुङ्सुड, “देवाच्येनला ज्यु वोतुप डे पपी माचुवु दोङ्बुतिवा तेरी पल्नी क्युर्किवी। १४तुक कयानी तिवाला ड्याम माकी। तिवा खोरुड मिक् शर्वा यिन्सिनाड यम्बा मिक् शर्वाला गोमा कितुप मी यिन। मिक् शर्वाकी मिक् शर्वाला टिसिन ड्यिकर मुक्तुमला ख्येलिगी।”

१५ती थोसिमा पत्रुसकी येशूला “दी पेकी तेन्दोक ति ड्यिराडला सुङ्नी।” सिनी गोङ्बा शुसुड। १६तमा खोकी सुङ्सुड, “ख्यिरा तरोड साड दीकी तेन्दोक ति हाक्माको? १७मी ख नेमा शुवु काड साड खोकला लेप्सिमा जु नेमा थेन्नी डिवी सिरुप ति ख्यिराडला छ्या मे? १८यिने ख नेमा थेन्दुप ति सेम नेमा थेन्गिगी, तीकी राड मीला मेलोवा जेवी। १९च्यिलासिसिन सेम नेमा नासाम दुक्टा थेन्गिगी। तिवा

ति मी सेतुप ताड शम्डेन कितुप ताड छ्येवु छ्येमु कितुप ताड कुन कितुप ताड पड्बु मेटेड्बु तेरुप ताड मीला मारे तोड्गुप यिन। ^{२०}ती ताम्डेतिवी राड मीला मेचेड्गा जेवी, यिने लाक्पा माटुवा क्यानी समा सोनी मीला मेचेड्गा मोजोवी।”

कनानी पुम्पेजी तेपा

(मर्कस ७:२४-३०)

^{२१}तमा येशू ते नेसुर थेन्नी टुरोस ताड सीदोनकी लुड्बा नेवा फेप्सुड। ^{२२}ती लुड्बाला राड कनानी पुम्पेजा यी येशूकी चाला वानी च्यार ग्यकिन सिरा “ओ चोवो, दाऊदकी गिपा, डला च्यम्बा किटे की। डे पुमला डे ग्यप्नी छासे छेटाड ख्येलनी वे।” सिनी सिक्क्यासुड। ^{२३}यिने येशूकी तीला काड साड टिलेन मानाड। तमा खोकी लोमातिवा खोकी चाला वानी खोला “दी पुम्पेजा याड दाक्पी तिङ्ला च्यार ग्यकिन सिरा गिनोक। तीला डो च्यी।” सिनी गोड्बा शुसुड। ^{२४}तमा खोकी “ड याड तोरुप लुक दोके गलुप इस्राएल लुड्बी मीतिवाला छोलुपला तिराड तड्गुप यिन।” सिनी सुड्सुड। ^{२५}यिने ती पुम्पेजा ति येशूकी दोङ्ला वानी खवुतुड्मा देनी, “ओ चोवो, डला दाल्जा किटे की।” सिनी खोला गोड्बा शुसुड। ^{२६}खोकी तीला “पेजातिवी साप शुब्ज्याड लानी कीतिवाला तेरुप ल्यामु मिन।” सिनी सुड्सुड। ^{२७}यिने ती पुम्पेजा तीकी

“चोवो, चोवोकी सुड्गुप ति टेके राड यिन। यिने कीतिवी साड खोरो ज्यिन्दाककी च्योक्ची ख नेमा लुम्बुप पुर्मातिवा सेवी।” सिनी सिक्क्यासुड। ^{२८}तीकी तुक सिक्क्यासिमा येशूकी तीला “ओ पुमो, ख्योरो डला तेपा रम्बु क्यानोक। ख्योरो नो क्यावु दोके च्युड्शी।” सिनी सुड्सुड। ती पेला राड तीकी पुम ति टेक्नोक।

येशूकी मी बडीला टेक च्यितुप

(मर्कस ७:३१-८:१०)

^{२९}येलुड येशू तेसुर थेन्नी गालील ग्येम्छोकी गारीला फेप्सुड, तमा येर पम्दोकला फेप्नी ते राड ज्युसुड। ^{३०}ते मी माड्छ्योककी थेंड्बा ताड मिक मोथोड्गुप ताड काड्बा लाक्पा शोरुप ताड वोन्बातिवा ताड यम्बा नेजु वोतुपतिवा बडीला खोकी दोङ्ला टि वासुड, तमा खोकी तिवा तेरीला टेक च्यिसुड। ^{३१}ते कुवातिवी ताम्डे लप थुपुप ताड काड्बा लाक्पा शोरुपतिवा टेकुप ताड थेंड्बा युक् थुपुप ताड मिक मोथोड्गुपतिवा मिक थोड थुपुप थोड्सालेन्सिन मी माड्छ्योक छासे हलेवा कियी सिरा इस्राएलकी कोन्छ्योकला सोवा तेक्सुड।

मी तोड्डा ज्यीला येशूकी समा नड्गुप

^{३२}ती ज्युकला येशूकी खोरो लोमातिवाला चाला कताङ्नी, “दी

मी माङ्छ्योकला ड छासे डियङ्ज्ये लासुड। च्यिलासिसिन दिवा डे मुला देतुप ति डियमा सुम गाल। यिने दिवी मुला साप समा काड साड मे। दिवाला ल्होतुङ्बा राड तोङ्गुप डला सेम मे। ल्होतुङ्बा राड ताङ्सिन दिवा लामला टेन्बा तोर्किते यिन्दे।” सिनी सुङ्सुड। ३३तमा लोमातिवी खोला “दी दासा ति काड साड मेङ्ग्येवु दासा पाङ्थेरी यिन। दोजो मी माङ्छ्योकला लङ्गुप समा डियरा कनी नेसुर ड्येतुप्जा?” सिनी सिक्क्यासुड। ३४यिने येशूकी तिवाला “ख्यिरा मुला शुब्ज्याड चो वे?” सिनी टि नाङ्सुड। तमा तिवा “डियरा मुला याड शुब्ज्याड दिन ताड ड्या ठेमे ठेमे चेयी तिराड वे।” सिनी सिक्क्यासुड। ३५तमा येशूकी मी तेरीला क नाङ्नी सला दे च्यिसुड। ३६ती ज्युकला खोकी ती शुब्ज्याड दिन ताड ड्यातिवा लानी कोन्छ्योकला थुचिछे पुलिसमा च्याक्नी लोमातिवाला नाङ्सुड, तमा लोमातिवी ती ति मीतिवाला गोनी बिन्सुड। ३७मीतिवा तेरीकी डाता सेक सोसुड, तमा लोमातिवी ल्हकुप पुर्मातिवा रुक्सालेन्सिन तोलुम दिन क्येङ्सुड। ३८ते सापतिवा ति पुम्पेजा ताड पेजा टिक्पेतिवा माडोवा क्यानी साड ख्योकपेजा नाज्युडतिवा तिराड तोङ्डा ज्यी चोयी नोक। ३९तमा ती मी माङ्छ्योकला ताङ्सिमा येशू टुला जेनी मगादान लुङ्बा नेवा फेप्सुड।

फरिसीतिवी देवाच्येनकी त लङ्गुप

(मर्कस ८:११-१३; लूका १२:५४-५६)

१६ ती ज्युकला फरिसीतिवा ताड सदुकीतिवा येशूला खोक्पा ल्हापला खोकी चाला वानी, “दोजो ख्युरुड कोन्छ्योक नेमा वावु यिन्सिन डियराडला त च्यिक छ्या तेन।” सिनी सिक्क्यासुड। २तमा येशूकी तिवाला सुङ्सुड, “गोसेला ‘नाम मर्वु गलुप थोङ्सिमा सला याड नाम सेङ्गिगी।’ सिनी ख्यिरा सिवी। ३तमा टोपला ‘नाम मर्वु गलुप ताड ह्मिमार खुरुप थोङ्सिमा हारिड याड लुड छ्यर्वा ग्यकिवी।’ सिनी ख्यिरा सिवी। ख्यिरा नामला ल्हानी नाम चुकै डिवी सिरुप ति हाक्को थुप्किवी, यिने दी तुजेला च्युङ्गुप ताम्भेतिवा ति ख्यिरा हाक्को मुथुपी। ४दुक्ता ताड शम्डेनकी गिपाकी त छोलिगी, यिने तिवाला योनाकी त मिसिन यम्बा त थोड मुथुपी।” सिनी सुङ्सुड। तोजोयी सुङ्सिमा येशू तिवाला ते राड क्युर ज्याक्नी तेसुर फेप्सुड।

फरिसी ताड सदुकीतिवी खमीर

(मर्कस ८:१४-२१)

५तमा येशू लोमातिवी मुला ग्येम्छो शानी फर्केन फेपुप पेला लोमातिवी शुब्ज्याड खुरुप टोक ज्येनोक। ६तमा येशूकी तिवाला “ख्यिराड फरिसी ताड सदुकीतिवी खमीर नेसुर च्याङ्से देता।” सिनी सुङ्सुड। ७खोकी तुक

सुडिसमा लोमातिवी खोप्रे पर्ला
“दाक्पी मुला शुब्ज्याड खुर माडुवु
तप्की खोकी तुक सुङ्गुप यिन्दे।”
सिनी मुक्तम तेन्सुड।

९ यिने येशूकी ती ताम्डे ति हाक्कोनी
तिवाला सुड्सुड, “ओ तेपा अला
मेतुप टेड! ख्यिरा मुला शुब्ज्याड मे
सिनी च्यिला च्यिककी च्यिकला
मुक्तम देन्गिगी? १० ख्यिराडला
तरोड साड हाक्माको? मी तोड्डा
डला शुब्ज्याड ड चोके स च्यितुप
पेला तीकी पुर्मातिवा तोलुम चो रुवु
ख्यिराडला टासा मे? १० तमा येलुड
मी तोड्डा ज्यीकी पर्ला शुब्ज्याड दिन
चोके गोनी तेरुप पेला तीकी पुर्मातिवा
तोलुम चो रुवु? ११ ख्यिराड च्यिला
डे सिक्यावु ति शुब्ज्याडकी कोर्ला
मिन सिनी हाक्मोकोवी? ख्यिराड
फरिसी ताड सदुकीतिवी खमीर
ने च्याड्से देता।” १२ खोकी तुक
सुडिसमा ती ताम्डे ति शुब्ज्याडला
लुकुप खमीरकी कोर्ला मिनोक, यिने
फरिसी ताड सदुकीतिवी येन्देन नेसुर
च्याड्से दे सिनी सुङ्गुप नोक सिरुप
ति लोमातिवी हाक्कोसुड।

येशू सु यिन सिनी पत्रुसकी सिक्यावु

(मर्कस ८:२७-३०; लूका ९:१८-२१)

१३ तमा येशू कैसरिया फिलिप्पी
लुड्बाला फेप्सिमा लोमातिवाला
“मीतिवी ड मी पुज्युडला सु यिन
सिनी सिनोक?” सिनी टि नाड्सुड।

१४ तमा लोमातिवी दुक सिक्यासुड,
“ललाइकी बप्तिस्मा तेरुप यूहन्ना
यिन सिनोक, ललाइकी कोन्छ्योककी
लुड्तेम्बा एलिया यिन सिनोक, तमा
ललाइकी कोन्छ्योककी लुड्तेम्बा
यर्मिया याड्ना कोन्छ्योककी
लुड्तेम्बातिवी पर्ला मिरा च्यिक
यिन सिनी सिनोक।” १५ तमा खोकी
तिवाला “तुकै यिन्सिन ख्यिराड
ति डला सु यिन सिनी सिवी?”
सिनी टि नाड्सुड। १६ तमा सिमोन
पत्रुसकी “गेकेन याड डोसु वोतुप
कोन्छ्योककी सेवु ख्रीष्ट यिन।” सिनी
सिक्यासुड। १७ तमा येशूकी तीला
सुड्सुड, “योनाकी पुज्युड सिमोन,
ख्युरुडला मोलाम थोपुप यिनो। दी
ताम्डे ख्युरुडला हाक्को च्यितुप ति
मीकी क्यावु मिन, यिने देवाच्येनला
ज्यु वोतुप डे पपी क्यावु यिन। १८ त
ड ख्युरुडला सिरिन, ख्युरुड पत्रुस
यिन। तीकी तेन्दोक ति दो यिन।
ड ती दोकी खला डे चर्च जोयिनो,
तमा शैतानला वोतुप शेष ओडकी
तीला ग्येल मुथुप्तो। १९ ड ख्युरुडला
देवाच्येनकी ग्येल्खापकी लिमीतिवा
तेरिन। दोजो ख्योरो जम्बुलिडला काड
कि मिज्यिवे, देवाच्येनला साड कि
मिज्यिवी। ख्योरो जम्बुलिडला काड
कि ज्यिकिवे, देवाच्येनला साड कि
ज्यिकिवी।” सिनी सुड्सुड। २० तुक
सुडिसमा खोकी लोमातिवाला “ड
ख्रीष्ट यिन सिरुप ताम्डे ति सुला साड
मालापा।” सिनी क छ्येम्बु नाड्सुड।

येशूकी खोरुड टुङ्गुप कोर्ला नम्रर शेतुप

(मर्कस ८:३१-३३; लूका ९:२२)

२१ती पेला नेज्युनी येशूकी लोमातिवाला “ड वुतुड के यरूशलेमला डो गोकिवी, तमा यहूदी गोमा कितुपतिवा ताड कोङ्यार छ्येतिवा ताड यहूदी छ्योकी गेकेनतिवी डला छेटाड बडी बिन्नी सेकिवी, तमा शेष डियमा सुमला कोन्छ्योककी डला सेन्बु लोङ्गिगी।” सिनी सुङ्गुप छाल्सुड। २२ती थोसिमा पत्रुसकी येशूला फेचेक दासाला टि गल्नी, “मेवी, चोवो। दुका ताम्डे याड चोवोकी खला नाम्साड ख्येलुप मेङ्गिगी।” सिनी वुर्तम क्यानी सिक्क्यासुड। २३यिने येशू पत्रुसकी थाकाला ग्युर्नी तीला “ओ शैतान, ख्युरुड डे चा नेवा ग्युक! ख्युरुड डे कि गोवु कोन्छ्योककी लाका कि मिज्यिवु छोल्लिनोक। ख्युरुड कोन्छ्योककी ताम्डेला मिन, यिने मी ताम्डेला तिराड नासाम तोङ्गिनोक।” सिनी सुङ्गुसुड।

येशूला तिङ्योकुप तेन्दोक

(मर्कस ८:३४-९:१; लूका ९:२३-२७)

२४ती ज्युकला येलुड येशूकी लोमातिवाला सुङ्गुसुड, “सु डे तिङ्गला तिङ्योकुप नो किवे, तीकी खोरो नोवातिवा क्युर ज्याकनी खोरो ग्यङ्गिङ्ग खुर्नी डे तिङ्गला तिङ्योक

गोकिवी। २५सी खोरो मिजी ज्होकुप नो किवे, ती ति तोर्नी डिवी। तमा सी डे थोक्ला खोरो मिजी तोर ज्यिकिवे, तीला नाम्साड मिशिवु मिजी थोप्किवी। २६मीला जम्बुलिङ तेरी ड्येनी साड नाम्साड मिशिवु मिजी माङ्येसुड सिसिन तीला काड ख्येप्साड वे रो? मीकी खोरो तोरुप मिजी येलुड ड्येतुपला काड तेर थुप्किवी रो? २७ड मी पुज्युड डे पपी मोवा थोप्नी देवाच्येनकी लेन क्योलुप थुतिवी मुला लोकनी वुङ्गिगी, ती पेला तेरी मीतिवा रे रेकी काड क्यावे, तीकी क्यावु दोके राड ड छ्यक्तक तेर्किवी। २८वुतुड के ड ख्यिराडला सिरिन, दे लानी वोतुपतिवी पर्ला ललाइकी ड मी पुज्युड खोरो ग्येल्खापला ग्येला कितुपला वुङ्गुप माथोङ्गवा सेक्ला मिशिगी।”

येशूकी जुजम ग्युरुप

(मर्कस ९:२-१३; लूका ९:२८-३६)

१७ तेमी डियमा टुककी तिङ्गला येशूकी पत्रुस ताड याकूब ताड तीकी नुप यूहन्नाला खोरो मुला टिनी री थेन्बो यी ने केला फेप्सुड। २ते लोमातिवी दोङ्गला येशूकी जुजम ग्युर्सुड। तमा खोकी शाल ति डियमा शरुप दोके वो ग्यप्सुड, खोकी नुम्बुप नम्सा ति वो ग्यकुप दोके छासे कर्मु गाल्सुड। ३ती पेला शाक्येक मोशा ताड एलिया छ्यर्नी येशूकी मुला अरा उरा सिक्क्यावु ति लोमातिवी थोङ्गुसुड।

४ती थोडिसमा पत्रुसकी येशूला “ओ चोवो, दाक्पु दे देतुप ति ल्यामु च्युड्सुड। चोवोकी नोवा वोसिन ड दे बकैड सुम जोयिन। च्यिक ति चोवोकी थोक्ला, च्यिक ति मोशाकी थोक्ला, तमा च्यिक ति एलियाकी थोक्ला।” सिनी सिक्कासुड। ५पत्रुसकी तुक सियी वोतुप पेला छासे वो ग्यकुप मुक्पाकी छुप्नी तिवाला उप्सुड। तमा मुक्पी पर नेमा “दी डे डियुड्ज्येवु पुज्युड यिनो, दीकी मुला ड छासे गा लानी वे। ख्यिराड दीकी ताम्डे ड्येना।” सिरुप वोरु यी ग्यप्सुड। ६ती थोसिमा लोमातिवा कशेन ज्यिवा लानी खवुतुड्मा देसुड। ७ती पेला येशू तिवा चाला फेप्नी तिवाला रेक्नी, “खोक लो, ज्यिवा माकी।” सिनी सुड्सुड। ८खोकी तुक सुडिसमा तिवा येर केला ल्हासालेन्सिन ते येशू मिसिन यम्बा सु साड मिन्दुक।

९खोतिवा री नेमा मर पपिन कितुप पेला येशूकी लोमातिवाला “ड मी पुज्युड शेष ने सेन्बु मालावा सेक्ला ख्यिरा थोड्गुप ति सुला साड मालापा।” सिनी क नाड्सुड। १०तमा लोमातिवा खोला “च्यिला यहूदी छ्योकी गेकेनतिवा एलिया ति गोमाला वुड गोकिवी सिनी सिक्कावु यिन?” सिनी टिसुड। ११तमा येशूकी तिवाला “वुतुड के एलिया ति वानी तेरी ताम्डेतिवा टडिक किवी। १२ड ख्यिराडला सिरिन, एलिया गोमाला के वानी वे। यिने मीतिवा तीला डो

माशेनी खोप्ने तीला काड कितुप नो क्यावे, तुकै राड क्यासुड। तुक राड क्यानी ड मी पुज्युडकी साड मीतिवा नेसुर छेटाड खुर गोकिवी।” सिनी सुड्सुड। १३खोकी तुक सुडिसमा ती ताम्डे ति बप्तिस्मा तेरुप यूहन्नाकी कोर्ला सुड्गुप यिनोक सिनी लोमातिवा हाक्कोसुड।

डेकी कुलुप पेजा टेकुप

(मर्कस ६:१४-२६; लूका ६:३७-४३)

१४ती ज्युक्ला खोतिवा मी माड्छ्योक जोम्बुप दासाला लोकनी फेप्सुड। ते मी मिरा च्यिक येशूकी चाला वानी पुमुड सला चुनी दुक् सिनी गोड्बा शुसुड, १५“ओ चोवो, डे पुज्युडला च्यम्बा नाड्डे की। डे पुज्युड ति जा लड्गुप नेजु ग्यप्नी छासे छेटाड खुरिन वे। ती ति पर्सा मे नाड्ला तला ग्यकिनोक, पर्सा छ्यी नाड्ला तला ग्यकिनोक। १६तीला डे चोवोकी लोमातिवा चाला टिनी वायी, यिने तिवा याड तीला टेक ज्यि माथुप।” सिनी सिक्कासुड। १७तमा येशूकी “ओ तेपा माक्यानी सेम दुक्टा गलुप मीतिवा! ड नम सेक ख्यिरा मुला देतुप्जा? नम सेक ड ख्यिराडला हम क्यानी देतुप्जा? ती पेजाला दे टिनी शोक।” सिनी सुड्सुड। १८तमा येशूकी ती पेजाला ग्यपुप डे तीला वोरु तेन्सुड। खोकी वोरु तेन्सिमा डे ति ती पेजी नाड नेमा थेन गाल्सुड, तमा ती पेजा ति शाक्येक टेक्सुड।

१६ ती ज्युक्ला लोमातिवा छ्याकला येशूकी चाला वानी, “डियरा च्यिला ती डे ति थैन माथुपुप यिनाड?” सिनी खोला टिसुड। २० तमा खोकी तिवाला सुड्सुड, “ती ति ख्यिराडला तेपा अला मेतुप तप्की यिन। वुतुड के ड ख्यिराडला सिरिन, ख्यिराडला राय छेर्माड डुमा च्यिक चोयी तेपा वोसिन ख्यिरा दी री तीला ‘दे नेसुर फर पोक्नी ग्युक!’ सिक्कासिन ती ति पोक्नी डिवी। तमा ख्यिरा कि मुथुपुप ति काड साड मेवी। २१ यिने मोपोर कितुप ताड ड्युड्ने मादेसिन दुका डे ति थैन मुथुपी।”

येशूकी खोरुड टुङ्गुप कोर्ला येलुड नम्रर शेनुप

(मर्कस ६:३०-३२; लूका ६:४३-४४)

२२ तमा येशू लोमातिवी मुला गालीलला जोम्बुप पेला खोकी तिवाला “ड मी पुज्युड मीतिवी लकला चेक तेकिवी, २३ तमा तिवी डला सेकिवी, यिने डियमा सुमकी छेर्मु ड सेन्बु लडिगवी।” सिनी सुड्सुड। खोकी तुक सुडिसमा लोमातिवा छासे सेम्दुक क्यासुड।

लहडाडला से तेतुप कोर्ला

२४ येशू ताड खोकी लोमातिवा कफर्नहुमला फेप्सिमा लहडाडकी से दुतुप मीतिवा पत्रुसकी चाला वानी, “ख्योरो गेकेनकी लहडाडला ते गोवु से ति मेतेवी?” सिनी टिसुड। २५ तमा

पत्रुसकी “यिन, खोकी तेकिवी।” सिनी सिक्कासुड। पत्रुस खाड्बा शुनी ती ताम्डे कितुप सिनाड गोमाला राड येशूकी तीला “सिमोन, ख्योरो नासामला चुकै वे? जम्बुलिडकी ग्येल्वुतिवी सु नेसुर से दुकिवी? खोरो पुज्युडतिवा नेसुर दुकिवी ताड की, मी यम्बातिवा नेसुर दुकिवी?” सिनी सुड्सुड। २६ तमा पत्रुसकी “मी यम्बातिवा नेसुर दुकिवी।” सिनी सिक्कासुड। ती थोसिमा येशूकी “तुकै यिन्सिन पुज्युडतिवी याड से ते मोगोनोक। २७ यिन्सिनाड दाक्पी तिवाला दुक्पाला मेख्येल्ली सिनी ख्युरुड ग्येम्छोला गल्ली जाल ग्योप, तमा गोमाला ख्येलुप ड्याकी ख पेनी ल्हो। तमा ती ड्याकी खे नाड्ला डुलकी डप्बु च्यिक ड्येकिवी, ती ति खुर गल्ली ख्युरुड ताड डे ते गोवु से ति तिवाला ते।” सिनी सुड्सुड।

देवाच्येनकी ग्येल्ल्खापला तेरी सिनाड छ्ये

(मर्कस ६:३३-३७; लूका ६:४६-४८)

१८ ती पेला लोमातिवा येशूकी चाला वानी, “देवाच्येनकी ग्येल्ल्खापला तेरी सिनाड छ्ये ति सु यिनाड?” सिनी टिसुड। २ तमा खोकी ते वोतुप आडा टिकपे यीला खोरो चाला कताड्नी तिवी पर्ला ज्याक्नी ३ तिवाला दुक सुड्सुड, “ड ख्यिराडला टेड्बो सिरिन, ख्यिराड सेम ग्युर्नी आडा टिकपेतिवा दोके

माच्युड्सुड सिसिन देवाच्येनकी ग्येल्खापला नाम्साड शुक मुथुपी।
 ४तुक क्यानी चुका मी तीकी दी आडा टिकपे दोके खुरुडला मो बेष्किवे, ती ति देवाच्येनकी ग्येल्खापला तेरी सिनाड छ्ये यिन। ५चुका मी तीकी डे मिडला दुका आडा टिकपे च्यिकला गासो शिवे, तीकी डला राड गासो शुवु यिन।”

दिक्पा कि ज्यितुप ताम्डेतिवा

(मर्कस ६:४२-४८; लूका १७:१-२)

६“यिने चुका मी तीकी डला तेपा कितुप दी छ्युडातिवी पर्ला मिरा च्यिकला दिक्पा कि ज्यिकिवे, तीकी ज्यिड्बी लोला लाकुर ग्येर्पु रानी ग्येम्छो तिङ्मुला क्युरुप ति तीकी थोक्ला बोरु मड ल्यामु यिन।
 ७मीतिवाला दिक्पा कि ज्यितुप ताम्डे वोतुप तप्की दी जम्बुलिङला मोताप सुकिवी। तुका दिक्पा कि ज्यितुप ताम्डे याड नरी च्युङ्गिगी, यिन्सिनाड मीतिवाला दिक्पा कि ज्यितुप तीला ति कोन्छ्योककी पर्च्या ख्येलिगी।
 ८दोजो ख्योरो काड्बी याङ्ना लाक्पी ख्युरुडला दिक्पा कि ज्यिकिवी सिसिन तीला च्येनी क्युर। काड्बा लाक्पा डियकर वोनी नरी बरुप ड्येलाकी मे नाङ्ला ख्येलुप सिनाड बोरु काड्बा लाक्पा मेनी नाम्साड मिशिवु मिजी थोपुप ति ख्योरो

थोक्ला ल्यामु यिन। ९तुक राड क्यानी ख्योरो मिककी ख्युरुडला दिक्पा कि ज्यिकिवी सिसिन ती मिक ति थेन्नी क्युर। मिक ड्यी वोनी मे बरुप ड्येलाला ख्येलुप सिनाड बोरु मिक च्यिक राड वोनी नाम्साड मिशिवु मिजी थोपुप ति ख्योरो थोक्ला ल्यामु यिन।”

तोरुप लुककी पे

(लूका १४:३-७)

१०“ख्यिरा दी छ्युडातिवी पर्ला च्यिकला साड ड्यप्च्ये माकिता। ड ख्यिराडला सिरिन, तिवाला ल्हाटे कितुप देवाच्येनकी लेन क्योलुप थुतिवा देवाच्येनला ज्युनी वोतुप डे पपी चिप्ला देनी खोकी शालला नरी ल्हेवी। ११(ड मी पुज्युड ति तोरुपतिवाला ज्होकुपला वावु यिन।)†
 १२ख्यिरा नासामला चुकै वे? दोजो मी ललाइकी ति लुक सयी च्यिक वे, ती नाङ्ला च्यिक ति पेनी गाल्सुड सिसिन ती मी तीकी लुक खल गु ताड गु तीला रीला राड क्युर ज्याक्नी काड ती पेनी गलुप लुक च्यिक ति छोल मोडोवी रो? १३वुतुड के ड ख्यिराडला सिरिन, तीकी ती तोरुप लुक च्यिक ति ड्येसुड सिसिन मातोरुप लुक खल गु ताड गु ति सिनाड ती च्यिककी थोक्ला मड गा किवी। १४तुक राड क्यानी दी छ्युडातिवी पर्ला मिरा

१८:११ ती पदकी ताम्डे ति ललङ्ग्रीक बाइबलला मे।

च्यिक साड इयेलाला मोडोशी सिरुप
ति देवाच्येनला ज्यु वोतुप ख्यिरा पपा
कोन्छ्योककी नोवा वे।”

ख्योरो तेन्दोकला लाका मेलोवा कितुप अच्युनुप

(लूका १७:३)

१५ “दोजो तेपा कितुप अच्युनुपतिवी
पर्ला ललाइकी ख्योरो तेन्दोकला
लाका मेलोवा क्यासिन तीला गल्नी
ख्यिराड इयी तिराड देनी तीकी
क्यावु मेलोवाकी कोर्ला तीला सी।
तीकी ख्योरो ताम्डे इयेन्सिन ती ति
येलुड तेपा कितुप ख्योरो अच्युनुप
च्युडिगवी। १६ यिने तीकी ख्योरो
ताम्डे माड्येन्सिन मी यम्बा मिरा
च्यिक चो इयी चो टिनी तीकी ते
ग्युक। तुक क्यानी कोन्छ्योककी
सुडला टिवु दोके तीकी सिक्यावु तेरी
ताम्डे ति मिरा इयी सुमकी पड्बु नेमा
तेन्तेन च्युडिगवी। १७ यिने तीकी तिवी
ताम्डे साड माड्येन्सिन ती ताम्डे ति
चर्चला सी। चर्चकी ताम्डे साड तीकी
माड्येन्सिन तीला कोन्छ्योकला डा
माशेवु मिरिक यम्बाकी मी याड्ना से
दुतुप मी दोके नासाम तोड।

१८ वुतुड के ड ख्यिराडला सिरिन,
ख्यिरा जम्बुलिडला काड कि
ज्यिकिवे, देवाच्येनला साड कि
ज्यिकिवी। ख्यिरा जम्बुलिडला काड
कि मिज्यिवे, देवाच्येनला साड कि

मिज्यिवी। १९ येलुड ड ख्यिराडला
सिरिन, जम्बुलिडला ख्यिराड मिरा
इयी सेम थिन्नी काड लाडिसनाड
देवाच्येनला ज्यु वोतुप डे पपी ख्यिरा
थोक्ला च्युड ज्यिकिवी। २० कनी
ख्यिराड मिरा इयी सुम डे मिडला
जोमिवे, ते ड ख्यिरा पर्ला वुडियनो।”

माफ मेतेरुप लावाकी पे

(लूका १७:४)

२१ तमा पत्रुस ति येशूकी चाला वानी,
“चोवो, तेपा कितुप अच्युनुपकी डे
थोक्ला लाका मेलोवा क्यासिन तीला
थेड्मा चो सेक माफ तेर गोकिवी?
थेड्मा दिन सेक तेर गोकिवी?”
सिनी सिक्यासुड। २२ तमा येशूकी
तीला सुड्सुड, “ड ख्युरुडला सिरिन,
थेड्मा दिन सेक तिराड मिन, यिने
थेड्मा दिनकी दोम्बा खल दिन सेक
साड तेर गोकिवी।

२३ तुक क्यानी देवाच्येनकी ग्येल्खाप
ति खोरो लावातिवाला ची लड्गुप
ग्येल्बु मिरा च्यिक दोके यिन। २४ ती
ग्येल्बुकी ची कितुप पेला ती नेसुर
सेरकी डप्बु तोड्डा च्यिथम्बा छ्यावा
लावु लावा मिरा च्यिकला खोरो चाला
टिनी वुड च्यिसुड।† २५ यिने ती लावा
तीकी छ्यावा ते माथुप्सिमा ग्येल्बु
तीकी लावा तीला ‘ख्युरुड ख्योरो
पेजापेर्मी ताड ख्योरो मुला वोतुप
तेरी चोनी छ्यावा ची की।’ सिनी

१८:२४ सेरकी डप्बु च्यिक ति लावा मिरा च्यिककी लो च्येडा लाका क्यावु ल यिन।

क बिन्सुड। ^{२६}तमा ती लावा तीकी पुमुड सला चुनी, ‘ओ ग्येल्बु, चेयी पर सेक गु, ड ख्योरे छ्यावा तेरी तेतिन।’ सिनी गोड्बा शुसुड। ^{२७}तमा ग्येल्बु तीकी तीला ड्यिङ्ज्ये लानी लड गोवु छ्यावा ति क्युर्नी बिन्सुड।

^{२८}यिने ती लावा ति ग्येल्वी चा नेमा थेन गल्नी खोरो नेसुर डुलकी डण्बु सयी छ्यावा लङ्गुप लावा दाल्जा यीला ठेसुड, तमा तीकी ती दाल्जाकी ज्यिङ्बाला जिम्नी ‘डे नेसुर लावु छ्यावा खुर शोक।’ सिनी सिक्यासुड। ^{२९}तमा ती लावा दाल्जा ति खवुतुङ्मा देनी ‘ठाकुरे चेयी पर सेक गु, ड ख्योरे छ्यावा तेतिन।’ सिनी गोड्बा शुसुड। ^{३०}यिने तीकी ताम्डे माङ्ग्येन्नी छ्यावा मातेवा सेक्ला खोरो लावा दाल्जा तीला चोन्खाडला उप्नी ज्याक्सुड। ^{३१}ती थोडिसमा तीकी लावा दाल्जा यम्बातिवी सेम नासुड, तमा तिवा गल्नी ते च्युङ्गुप ताम्डे ति ग्येल्वुला लाप्सुड।

^{३२}तमा ग्येल्वु तीकी छ्यावा क्युर्नी बिन्दुप लावा तीला कताङ्नी ‘ख्यो लावा दुक्टा! ख्योरो डला गोड्बा शोप पेला डे ख्योरो छ्यावा ति क्युर्नी बिनिन। ^{३३}डे ख्युरुडला च्यम्बा क्यावु दोके ख्योरो दाल्जाला च्यम्बा कि मोगोवी रो?’ सिनी सिक्यासुड। ^{३४}तमा ती ग्येल्वु ति कशेन ड्यिर्म

लानी तीकी तेरी छ्यावा मातेवा सेक्ला तीला चोन्खाडला उप्नी ज्योक च्यिसुड। ^{३५}तुक क्यानी ख्यिरा रङ्गी अच्युनुपतिवाला सेमगी दिड नेज्युनी माफ माबिन्सिन देवाच्येनला ज्यु वोतुप डे पपी साड ती ग्येल्वी दोके ख्यिराडला माफ मनङ्गिगी।”

ख्योवा ताड पेर्मी टलुपकी कोर्ला

(मर्कस १०:१-१२)

१६ येशूकी ती येन्देनतिवा नड सिन्सिमा गालील नेसुर यर्देन चड्बी फर्केन वोतुप यहूदिया लुड्बा नेवा फेप्सुड। ^२ते मी माङ्छ्योक खोकी तिङ्ला तिङ्यासुड। तमा खोकी तिवी पर्ला वोतुप नेर्पुतिवाला टेक च्यिसुड।

^३ते ललाइ फरिसीतिवा खोकी चाला वानी खोला खोकपा ल्हापला “काड तेन्दोक वोसिनाड ख्योवी खोरो पेर्मीला डेलुप ति कोन्छ्योककी ठिमला गिवी ताड मेङ्गिगी?” सिनी टिसुड। ^४तमा येशूकी सुङ्सुड, “थल्माला स ताड नाम ज्येङ्गुप कोन्छ्योककी मीतिवाला ख्योकपेजा ताड पुम्पेजा जो नाङ्सुड, ^५तमा खोकी ‘ख्योकपेजा ति खोरो पपाआमा ताड मुला कुतुक थेन्नी खोरो पेर्मी ताड मुला थिन्नी च्यिक राड च्युङ्गिगी।’ सिनी सुङ्गुप ति ख्यिरा मारा? ^६ती

१८:२८ डुलकी डण्बु च्यिक ति लावा मिरा च्यिककी ड्यिमी ल यिन।

१९:५ उत्पत्ति २:२४

तप्की त तिवा ड्यी मिन, च्यिक राड यिन। कोन्छ्योककी च्यिक राड जो नङ्गुप तीला मीकी डेलुप मेडिगवी।”

७तमा लोड फरिसीतिवी खोला दुक सिनी टिसुड, “तुकै यिन्सिन च्यिला मोशाकी ठिमला खोरो पेर्मीला टलुप यिकी टि बिन्नी टल्सिन गिवी सिनी सिक्कावु यिनाड?” ८तमा येशूकी तिवाला सुड्सुड, “ती ति ख्यिरा सेम क्योड्बु वोतुप तप्की पेर्मी टल्सिन गिवी सिनी मोशाकी सिक्कावु यिन, यिने थल्माला कोन्छ्योककी नोवा ति तुकै मे। ९ड ख्यिराडला सिरिन, चुका मी तीकी खोरो पेर्मी ति शम्डेन माक्कावु यिन्सिनाड तीला क्युर ज्याक्नी यम्बा पुम्पेजाला जेन्दी किवे, तीकी शम्डेन क्कावु राड यिन।”

१०तमा खोकी लोमातिवी खोला, “ख्योवा ताड पेर्मीकी तम्जी ति तुकै वुङ्गुप यिन्सिन जेन्दी माक्कावु राड मड ल्यामु यिन।” सिनी सिक्कासुड ११तमा येशूकी तिवाला सुड्सुड, “तेरी मीतिवी दी ताम्डे ति ड्येन मुथुपी, यिने सुला कोन्छ्योककी दुकै कितुप नोवा नाड्वे, तीकी तिराड ती ताम्डे ड्येन्गिवी। १२च्यिलासिसिन ललाइ ति केयिन राड रण्छ्ये गिवी, ललाइ ति मी जोवु रण्छ्ये गिवी। ललाइ ति कोन्छ्योककी ग्येल्खापकी थोक्ला खोरुड राड रण्छ्ये गिवी। सी दी ताम्डेला ड्येन थुक्किवे, तीकी ड्येन्शी।”

येशूकी आडा टिकपेतिवाला मोलाम नङ्गुप

(मर्कस १०:१३-१६; लूका १८:१५-१७)

१३ती पेला मी ललाइकी खोरे आडा टिकपेतिवी खला येशूकी छ्याक ज्याक्नी मोपोर क्का नाड सिनी तिवाला खोकी चाला टिनी लेसुड। यिने लोमातिवी आडातिवाला टिनी वुङ्गुप मीतिवाला वोरु तेन्सुड। १४तमा येशूकी लोमातिवाला सुड्सुड, “आडा टिकपेतिवाला डे चाला वुड च्यी, तिवाला माग्येक। च्यिलासिसिन कोन्छ्योककी ग्येल्खाप ति दी आडा टिकपेतिवा दोके खोरुडला मो बेपुप मीतिवी ति यिन।” १५तमा खोकी आडा टिकपेतिवी खला छ्याक ज्याक्नी मोलाम नङ्गिसमा खो तेसुर फेप्सुड।

ख्योकपेजा नाज्युड छ्युकु

(मर्कस १०:१७-३१; लूका १८:१८-३०)

१६थेड्मा यी मी मिरा च्यिक येशूकी चाला वानी खोला “ओ गेकेन, नाम्साड मिशिवु मिजी ड्येतुपला डे काड लाका टेड्बु कि गोकिवी?” सिनी टिसुड। १७तमा येशूकी तीला “ख्युरुड च्यिला डला लाका टेड्बुकी कोर्ला टिवी? टेड्बु ति कोन्छ्योक च्यिक राड यिन। ख्युरुडला नाम्साड मिशिवु मिजी ड्येतुप नो वोसिन कोन्छ्योककी मोशा नेमा नङ्गुप कतिवाला ड्येन।” सिनी सुड्सुड। १८तमा तीकी येशूला “चुका कतिवा?” सिनी टिसुड।

तमा येशूकी तीला “मी मासे, शम्डेन माकी, कुन माकी, पङ्बु जिनोक माजो, १६ख्योरो पपाआमाला ताङ्देन की, तमा खोरो युल्वातिवाला रङला दोके डियङ्ज्ये की।” सिनी सुङ्सुङ। २०खोकी तुक सुङिसमा ती ख्योकपेजा नाज्युङ तीकी येशूला “दिवा याङ तेरी डे ड्येन वे। तरोङ साङ डे ड्येन गोवु ति काङ वे?” सिनी सिक्क्यासुङ। २१तमा येशूकी तीला सुङ्सुङ, “ख्युरुङ कोन्छ्योककी नोवा दोके तेरी कितुप मी च्युङ्गुप नो विसिन ख्योरो लोला वोतुप नोर टोङ्बातिवा चोनी पेराङ्बुतिवाला बिन। तुक क्यासिन ख्युरुङला देवाच्येनकी टोङ्बा थोप्किवी। तमा ती ज्युकला ख्युरुङ डे तिङ्ला तिङ्यो।” २२ती ताम्डे थोसिमा ती मी ति सेम्दुक लानी गाल्सुङ, च्यिलासिसिन तीकी मुला नोर टोङ्बा बडी नोक।

२३तमा येशूकी लोमातिवाला सुङ्सुङ, “वुतुङ के ड ख्यिराङला सिरिन, मी छ्युकपुतिवाला याङ कोन्छ्योककी ग्येल्खापला शुकुप ति छासे कले गिवी। २४येलुङ ड ख्यिराङला सिरिन, मी छ्युकपुतिवा कोन्छ्योककी ग्येल्खापला शुकुप सिनाङ सेम्ज्येन वोङ्मु ति खपकी मिरु नाङ्ला शुकुप ति मङ जोल्हमु गिवी।” २५ती थोसिमा लोमातिवा छासे हलेवा लानी, “तुकै यिन्सिन चुका मी ति कोन्छ्योककी थर्वा ड्ये थुप्किवी?” सिनी सिक्क्यासुङ। २६तमा

येशूकी तिवी थाकाला ल्हानी दुक सुङ्सुङ, “मीतिवी ति कि मुथुपी, यिने कोन्छ्योककी तेरी कि थुप्किवी।”

२७तमा पत्रुसकी खोला “ल्हो ताङ, चोवोकी तिङ्ला तिङ्योकुपला ड्यिरा तेरी क्युर्नी ज्याकिन। त कोन्छ्योक नेमा ड्यिराङला काङ ड्येकिवी?” सिनी सिक्क्यासुङ। २८तमा येशूकी तिवाला “वुतुङ के ड ख्यिराङला सिरिन, दी जम्बुलिङ तेरी सम्बा फोनी ड मी पुज्युङ खोरो मोवा वोतुप ग्येल्लिकला देनी ग्येला कितुप पेला ख्यिराङ डे तिङ्ला तिङ्योकुपतिवा साङ ग्येल्लिक च्यिङ्डीला देनी इस्राएलकी मिरिक च्यिङ्डीकी खला ठिम कितो। २९तमा सी डे थोक्ला खोरो खाङ्बा ताङ अच्युनुप ताङ अज्यीनुम ताङ पपाआमा ताङ पुज्युङपुम ताङ शिङ क्युर ज्याक्नी डे तिङ्ला तिङ्योकिवे, तीला तीकी क्युर्नी ज्युकुप सिनाङ दोम्बा सयी मङ ल्हक्पा थोप्किवी, तमा नाम्साङ मिशिवु मिजी थोप्किवी। ३०यिने गोमाला वोतुपतिवा बडी तिङ्ला गिवी, तिङ्ला वोतुपतिवा बडी गोमाला गिवी।” सिनी सुङ्सुङ।

गुन्दुम शिङ खला लाका कितुप मीतिवा

२० येलुङ येशूकी दुक सुङ्सुङ, “देवाच्येनकी ग्येल्खाप ति टोपला टेताङ खोरो गुन्दुम शिङ खला लाका कितुप मीतिवा छोलुपला पाङ्ला थेन्दुप शिङ

ज्यिन्दाक दोके यिन। ३तीकी लाका कितुप मीतिवाला डियमा च्यिकला डुलकी डण्बु च्यिक तेसा क्यानी खोरो गुन्दुम शिड खला लाका कितुपला ताड्सुड। ४ती ज्युक्ला टोपला छ्युजी गु चोयीला ती ज्यिन्दाक ति पाङ्ला गल्नी लहासालेन्सिन हाला मीतिवा लाका मेनी तुक राड लानी देतुप थोड्सुड। ५ती थोडिसमा तीकी तिवाला 'ख्यिराड साड डे गुन्दुम शिड खला गल्नी लाका की। ख्यिरा लाका क्यावु चोयी ति ल तेरिन।' सिनी सिक्यासुड। ६तमा तिवा शिड खला लाका कितुपला गाल्सुड। येलुड ती ज्यिन्दाक ति डियमी गुडगी छ्युजी च्यिङ्डी चोयीला ताड छ्युजी सुम चोयीला पाङ्ला थेन्नी तुक राड क्यासुड। ७येलुड गोमु छ्युजी ड चोयीला साड पाङ्ला थेन्सियाड मी यम्बातिवा तुक राड क्यानी लानी देतुप थोड्सुड। तीकी तिवाला साड 'ख्यिराड च्यिला डियमा काड लाका माक्यानी तुक राड देकिवी?' सिनी टिसुड। ८तमा तिवा 'सी साड ड्यिराडला लाकाला माच्यिनी तुक राड देन वे।' सिनी सिक्यासुड। तमा तीकी तिवाला 'ख्यिराड साड डे गुन्दुम शिड खला गल्नी लाका की।' सिनी सिक्यासुड।

९गोमु नाम ल्होसिमा ती गुन्दुम शिड ज्यिन्दाक तीकी खोरो शिड

ल्हाप लावा छ्ये तीला 'लाका कितुपतिवाला कताङ्नी तेरी सिनाड तिङ्ला वावुतिवा नेसुर गो चुनी तेरी सिनाड गोमाला वावुतिवा सेक ल बिन।' सिनी योक कुसुड। १०गोमु छ्युजी ड चोयीला लाका कितुपतिवा वानी तिवा रे रेला डुलकी डण्बु रे रे ड्येसुड। १०तमा तेरी सिनाड गोमाला वानी लाका कितुपतिवा खोरो सेमला तिङ्ला वावुतिवाला सिनाड ल ल्हक्पा थोप्किते सिनी नो क्यासुड, यिने तिवाला साड डुलकी डण्बु रे रे राड ड्येसुड। ११ल ड्येसिमा तिवा शिड ज्यिन्दाकला ड्योशोक ड्योशोक सियी १२'दिवा तिङ्ला वानी घण्टा च्यिक तिराड लाका क्यावुतिवा ताड ड्यिराड डियमा छेन्दीला डियमा काड लाका क्यावुला च्यिकपा राड ल बिन्सुड।' सिनी सिक्यासुड। १३तमा ती शिड ज्यिन्दाक तीकी तिवा पला मिरा च्यिकला 'आडो, ख्यिराडला डे काड मेलोवा माक्या वे। ख्यिरा डुलकी डण्बु च्यिककी लला लाका कितिन सिक्यावु मिन? १४ख्यिराड दाक दाकपुला थोपुप ल खुर्नी ग्युक। दी तिङ्ला वावुतिवाला ख्यिराडला चोयी राड तेरुप ति डे नो वे। १५डे टङ्गाला डरा काड कितुप नो वे, तुकै राड कितुप मेड्येवी रो? डे च्यम्बा वोतुप तप्की ख्युरुड ठतोक किवी?'

२०:२ डुलकी डण्बु च्यिक ति लावा मिरा च्यिककी डियमी ल यिन।

१६तुक क्यानी तिङ्ला वुङ्गुपतिवा ति गोमाला ख्येलिगी, गोमाला वुङ्गुपतिवा ति तिङ्ला ख्येलिगी।”

**येशूकी थेङ्मा सुम्बाला खोरुङ
टुङ्गुप कोर्ला नम्दर शेतुप**

(मर्कुस १०:३२-३४; लूका १८:३१-३४)

१७ती ज्युक्ला येशू यरूशलेमला फेपिन कितुप पेला खोकी लोमा च्यिङ्डीतिवाला कुतुक टि गल्नी दुक सुङ्सुङ, १८“ल्होसा, त दाक्पु यरूशलेम नेवा डोयी वे। मी पुज्युङला कोङ्यार छ्येतिवा ताङ यहूदी छ्योकी गेकेनतिवी लकला चेक तेकितो। तमा तिवी तीला क्येन बिन्नी सेतुप छ्येर्पा ग्येलिगतो। १९ती ज्युक्ला तीला यहूदी मिन्दुप मिरिक यम्बातिवाला चेक तेकितो। तमा तिवी तीला मारे ताङ्नी तल्ज्येक ग्यक च्यिनी ग्यङ्शिङला कल्नी से ज्यिकितो। यिने शेप डियमा सुमकी छेर्मु कोन्छ्योककी तीला डोसु लोङ्गितो।”

**याकूब ताङ यूहन्नाकी आमाकी
येशूला गोङ्बा शुवु**

(मर्कुस १०:३५-४५; लूका २२:२४-२७)

२०ती ज्युक्ला जब्दियाकी पुज्युङ याकूब ताङ यूहन्नाकी आमा तीकी खोरो पुज्युङतिवा ताङ मुला येशूकी चाला वानी पुमुङ सला चुनी खोला गोङ्बा शुसुङ। २१तमा येशूकी तीला “ख्युरुङला काङ गोकिवी?” सिनी

टि नाङ्सुङ। तीकी “डे पुज्युङ डियवुला गेकेनकी ग्येल्लापला च्यिक ति गेकेनकी यावी थाकाला, च्यिक ति येन्बी थाकाला देतुप ड्येशी।” सिनी सिक्यासुङ। २२येशूकी तिवाला “ख्यिरा लङ्गुप ति काङ यिन सिनी ख्यिराङला छ्या मे। काङ डे थुङ्गुप दुक्पाकी कोरा नेमा ख्यिरा थुङ थुक्किवी?” सिनी सुङ्सुङ। तमा तिवी “लसे, डियराङ थुङ थुक्किवी।” सिनी सिक्यासुङ। २३तमा येशूकी तिवाला सुङ्सुङ, “डे थुङ्गुप कोरा ति वुतुङ के ख्यिरा थुङ्गिगी। यिने डे यावा ताङ येन्बाला देतुप ति डे कि ज्यितुप मिन, डे पपी सी थोक्ला टडिक क्यावे, तिवाला राङ देतुप ड्येकिवी।”

२४ती थोसिमा लोमा च्यिथम्बातिवा याकूब ताङ यूहन्नाला डियर्मु क्यासुङ। २५तमा येशूकी तिवा तेरीला चाला कताङ्नी सुङ्सुङ, “ख्यिराङला छ्या वे, जम्बुलिङकी ग्येल्वी खोरो मीतिवाला ओङ्ज्येन किवी, तमा ती लुङ्बाकी मी छ्येतिवी मीतिवाला ओङ्ज्येन किवी। २६यिने ख्यिरा पर्ला याङ तुकै मेङ्गिगी। बोरु सु ख्यिरा पर्ला छ्ये डोप नो किवे, ती ति ख्यिराङ तेरीला शब्ज्यी कितुप मी च्युङ गोकिवी। २७तमा ख्यिरा पर्ला सु तेरी सिनाङ छ्ये डोप नो किवे, ती ति ख्यिराङ तेरीकी योक्पु च्युङ गोकिवी। २८ड मी पुज्युङ ति मीतिवा नेमा शब्ज्यी ड्येतुपला वावु मिन, यिने

शब्ज्यी कितुपला ताड मी बडीला
दिकपा ने थर ज्यितुपकी थोक्ला डरा
मिजी तेरुपला वावु यिन।”

**मिक मोथोङ्गुप मिरा ड्यीला थोड
थुपुप जोवु**

(मर्कुस १०:४६-५२; लूका १८:३५-४३)

२६ तमा येशू ताड खोकी लोमातिवा
यरीहो ने फेपिन कितुप पेला
मी माङ्छ्योक खोकी तिङ्ला
तिङ्यासुड। ३० ती पेला मिक
मोथोङ्गुप मिरा ड्यी ते लामकी
गारीला देनी येशू ती लाम नेवा फेपिन
वे सिरुप थोनी, “ओ चोवो, दाऊदकी
सेवु, डियराडला च्यम्बा की।” सिनी
च्यार ग्यप्सुड। ३१ मी माङ्छ्योककी
तिवाला खरक्पा दे सिनी वोरु
तेन्सिनाड तिवा मड कशेन च्यार
ग्यकिन सिरा “ओ चोवो, दाऊदकी
सेवु, डियराडला च्यम्बा किटे की।”
सिनी सिक्क्यासुड। ३२ तमा येशू ते
टडी देनी तिवाला चाला कताङ्नी,
“ख्यिराडला डे काड किशी सिरुप
नो वे?” सिनी सुङ्सुड। ३३ तमा तिवी
“ओ चोवो, डियरा मिक ति थोङ्गुप
डोशी।” सिनी सिक्क्यासुड। ३४ तमा
येशूकी तिवाला ड्यिङ्ज्ये लानी
तिवी मिकला खोरे छ्याक रेक्सिमा
शाक्येक तिवी मिक ति थोड थुपुप
गाल्सुड। ती ज्युक्ला तिवा ड्यिकर
खोकी तिङ्ला तिङ्यासुड।

येशू यरूशलेमला फेवु

(मर्कुस ११:१-११; लूका १९:२८-४०;
यूहन्ना १२:१२-१९)

२१ तमा येशू खोकी लोमातिवी
मुला यरूशलेम चाला फेप्नी
जैतुन पम्दोकला वोतुप बेथफागे सिरुप
ते लेप्सुड। ते लेप्सिमा खोकी लोमा
मिरा ड्यीला खोरुड सिनाड गोमाला
दुक सुङ्नी ताङ्सुड, २ “ख्यिराड
देसुर फो चाला वोतुप युलला ग्युक।
ते लेप्सिमा पुङ्गोक अमुड यी तानी
ज्यकुप ताड तीकी तिवु यी तीकी
चाला वोतुप ठेकितो। तमा तिवाला पि
ताङ्नी डे चाला दानी शोक। ३ चुका
मी तीकी ख्यिराडला काड रे च्यिक
रे ताम्डे क्यासिन ‘दिवा ति चोवोला
गोकिवी।’ सिनी सी। तुक सिक्क्यासिन
तीकी शाक्येक दानी डो ज्यिकिवी।”
४ ती ति तोङ्ला कोन्छ्योककी
लुङ्तेम्बा नेसुर कोन्छ्योककी दुक
सिनी सुङ्गुप ति छेवुला यिन,
५ “इस्त्राएलकी मीतिवाला दुक सी।
ल्होसा, ख्यिरा ग्येल्वु ति ख्यिरा
चाला फेप्कितो।
खो ति सेम बोल्मु क्यानी
पुङ्गोक खला,
पुङ्गोक तिवु खला शेन्नी
फेप्कितो।” *
६ तमा लोमातिवा गल्नी येशूकी क
नङ्गुप दोके ७ पुङ्गोक ताड तिवु ति

दा वानी तिवी खला खोप्रे मज्यातिवा तिङ्सुड। तमा येशू तीकी खला शेन्सुड। ९मी माङ्छ्योककी खोला ताङ्देन कितुपला रङ्गी फिला कोन्दुप मज्यातिवा पिनी लामला तिङ्सुड, तमा यम्बातिवी दोङ्बी येल्ला च्येनी लामला तिङ्सुड। १०ते मी माङ्छ्योक ललाइ ति खोकी गोमाला, ललाइ ति खोकी तिङ्ला तिङ्योकिन सिरा “दाऊदकी सेवुला होसन्ना!” “चोवोकी मिङला फेपुप तीला मोलाम वोतुप यिनो!” “चोछ्येवु कोन्छ्योकला होसन्ना!” सियी कशेन वोरु तेन्सुड। १०तमा येशू यरूशलेमला शुकुप पेला ती ग्येसाकी मीतिवा तेरी हराड हुरुड क्यानी, “खो सु यिनाड?” सिनी टिसुड। ११तमा मी माङ्छ्योककी खो गालीलकी नासरत नेसुर फेवु कोन्छ्योककी लुङ्तेम्बा येशू यिन सिनी सिक्क्यासुड।

येशू यहूदी लहडाडला फेवु

(मर्कस ११:१५-१६; लुका १६:४५-४८;
यूहन्ना २:१३-२२)

१२ती ज्युक्ला येशू यहूदी लहडाडला शुनी ते छोड कियी वोतुप ताड इयोप्चे ग्यकिन वोतुपतिवा तेरीला पाङ्ला तेन ताङ्सुड। तमा टङ्गा ज्येपतिवी च्योक्कीतिवा ताड बुर्केन चोङ्गुपतिवा देतुप तेक्पातिवा आलोक ग्यप्सुड। १३तमा खोकी तिवाला सुङ्सुड, “कोन्छ्योककी

सुडला दुक सिनी टि वे, ‘डे खाङ्बा ति मोपोर कितुप खाङ्बा यिन सिनी सिवी।’, यिने ख्यिरा याड तीला ‘च्याक्पातिवा देतुप फुक’ जोसुड।”*

१४ते लहडाडला मिक मोथोङ्गुप ताड काङ्बा थेङ्बा वोतुप मीतिवा खोकी चाला वानोक, तमा खोकी तिवाला टेक च्यिसुड। १५यिने कोङ्यार छ्येतिवा ताड यहूदी छ्योकी गेकेनतिवा खोकी क्या नङ्गुप हलेवु लाकातिवा थोङ्गुप ताड पेजातिवी लहडाडला “दाऊदकी सेवुला होसन्ना!” सिनी वोरु देन्दुप थोङ्सिमा कशेन डियर्मु क्यानी १६येशूला “दी पेजातिवी काड सिनोक ख्योरो थोयी वे?” सिनी टिसुड। तमा येशूकी सुङ्सुड, “यिन, थोयी वे। ‘चोवोकी पेजा टिक्पेतिवा ताड आडा टिक्पेतिवी ख नेमा सोवा देक च्यिसुड।’ सिनी सुङ्गुप कोन्छ्योककी सुड ति ख्यिरा मारा?”* १७तमा येशू तिवाला क्युर ज्याक्नी ती ग्येसा ने थेन्नी बेथानियाला फेप्सिमा खो ते राड शासा ज्युसुड।

अन्जीरकी दोङ्बुला येशूकी मोताप तपुप

(मर्कस ११:१२-१४, २०-२४)

१८ती सला टोपला टेताड येलुड येशू यरूशलेमला लोकनी फेपुप पेला खोला लहोवा लानोक। १९ती पेला खोकी लामकी गारीला अन्जीरकी

दोड्बु यी थोङ्नी ती दोड्बी चाला फेप्नी ल्हासालेन्सिन लोमा मिसिन यम्बा काड साड माथोड। तमा खोकी ती दोड्बुला “तफेन्ला दीला नाम्साड डेलु मोगोर्शिता!” सिनी सुङ्लुङ्मे ती अन्जीरकी दोड्बु ति शाक्येक रेर्पा गाल्सुड।

^{२०}ती थोङ्सिमा लोमातिवा हलेवा लानी, “दी अन्जीरकी दोड्बु ति चुक क्यानी शाक्येक रेर्पा गलुप यिनाड?” सिनी सिक्यासुड। ^{२१}तमा येशूकी तिवाला सुङ्सुड, “वुतुड के ड ख्यिराडला सिरिन, ख्यिरा कोन्छ्योकला तेपा क्यानी सेमला नाम्दोक माक्यासुड सिंसिन ख्यिरा डे दी अन्जीरकी दोड्बुला क्यावु चोयी तिराड मिन, दी री तीला ‘पोक्नी ग्येम्छो नाङ्ला लुम्शी।’ सिक्यासिनाड तुकै राड च्युङ्गिगी। ^{२२}ख्यिरा तेपा क्यासिन मोपोर कितुप पेला काड लङ्सिनाड ख्यिराडला थोप्किवी।”

येशूकी ओङ्ज्येनकी कोर्ला टिवु

(मर्कुस ११:२७-३३; लूका २०:१-८)

^{२३}येलुड येशू ल्हडाडला फेप्नी येन्देन लोपिन वोतुप पेला कोङ्यार छ्येतिवा ताड लुङ्बाकी गोमा कितुप मी छ्येतिवा खोकी चाला वानी, “चुका ओङ्ज्येनकी ख्योरो दी लाका कियी वे? सी दी लाका कितुप ओङ्ज्येन ख्युरुडला बिन्सुड?” सिनी टिवा ग्यप्सुड। ^{२४}तमा येशूकी तिवाला सुङ्सुड, “ड साड ख्यिराडला टिवा यी

टेयिन। तीकी टिलेन ति ख्यिरा ग्यप्सुड सिंसिन ड साड चुका ओङ्ज्येन नेसुर दी लाका कियी वे, ती ति ख्यिराडला लपिन। ^{२५}यूहन्नाकी बप्तिस्मा ति कनी नेमा वावु यिन? कोन्छ्योक नेमा वावु यिनाड की, मी नेमा वावु यिन?” ती थोसिमा तिवा खोप्राड पर्ला दुक सियी केवुल क्यासुड, “दाक्पी ‘देवाच्येन नेमा लावु यिन।’ सिक्यासिन ‘ख्यिरा च्यिला तीला तेपा माक्या?’ सिनी सिविते यिन्दे। ^{२६}तमा ‘मी नेमा वावु यिन।’ सिक्यासिन दाक्पु मीतिवाला ज्यिवा यिन, च्यिलासिंसिन मी तेरीकी यूहन्नाला कोन्छ्योककी लुङ्तेम्बा यिन सिनी तेन्गिनोक।” ^{२७}ती तप्की तिवी, “ङ्यिराडला याड छ्या राड मे।” सिनी सिक्यासुड। तमा येशूकी तिवाला “तुकै यिन्सिन ड साड ख्यिराडला चुका ओङ्ज्येनला दी लाका कियी वे, ती ति मिसिर।” सिनी सुङ्सुड।

पुज्युड ड्यीकी पे

^{२८}तमा येलुड येशूकी सुङ्सुड, “ख्यिरा दी पेकी कोर्ला चुकै नासाम तोङ्गिगी? मी मिरा च्यिककी ति पुज्युड पिन ड्यी नोक। तीकी खोरो पुज्युड छ्ये तीला गल्नी, ‘पुज्यो, ख्युरुड हारिड गुन्डुम शिड खला गल्नी लाका की।’ सिनी सिक्यासुड। ^{२९}तमा तीकी ‘ड मोडो।’ सिक्यासुड, यिने चेयी ज्युक्ला तीकी सेम ग्युर्नी लाका कितुपला गाल्सुड। ^{३०}येलुड

पपा ति पुज्युड छ्युडा तीकी चाला गल्नी तीला साड तुक राड सिक्यासुड। तमा तीकी ‘गिवी, पपो, ड डोयी।’ सिनी सिक्यासुड, यिने डोप ति मागाल। ३१खिरा नासामला ती पुज्युड पिन इयीकी नाड्ला चुका तीकी पपी नोवाला वोतुप ति क्यासुड?” तिवी “पुज्युड छ्ये तीकी।” सिनी सिक्यासुड। तमा खोकी तिवाला सुडसुड, “वुतुड के ड खिराडला सिरिन। से दुतुपतिवा ताड छ्येमुतिवा खिराड सिनाड गोमाला कोन्छ्योककी ग्येल्खापला लेप्किवी। ३२च्यिलासिसिन यूहन्ना खिरा ते वानी खिराडला मिजी टेड्बु क्योङ्गुप लाम छ्या तेन्सिनाड खिरा तीला तेपा माक्या। यिने से दुतुपतिवा ताड छ्येमुतिवी तीला तेपा क्यासुड। तमा खिरा तिवी तेपा क्यावु थोडिसमा साड सेम ग्युर्नी खोला तेपा माक्या।”

गुन्दुम शिङगी पिज्यिङ्बाकी पे

(मर्कस १२:१-१२; लूका २०:९-१६)

३३येलुड येशूकी यम्बा दुका पे यी साड शेन नाड्सुड, “दासा यीला शिङ ज्यिन्दाक यी नोक। तीकी खोरो शिङ खला गुन्दुम चुसिमा तीकी गारी गुरीला खोर क्यानोक। तमा ती खोरकी नाड्ला गुन्दुम रूवो चिरुपला मुक्तुम दुसुड, तमा ज्हेन्दुप मतेन जोसुड। ती ज्युक्ला ती शिङ ति पिज्यिङ्बातिवाला पिज्यिङ्गला तड ज्याक्नी ती ति मी लुङ्बा गाल्सुड। ३४गुन्दुम छोनी

रुकुप पेला तीकी खोरुडला थोपुप गुन्दुम लङ्गुपला खोरो लावातिवाला पिज्यिङ्बातिवी ते ताड्सुड। ३५यिने पिज्यिङ्बातिवी तीकी लावातिवाला जिम्नी च्यिकला ति दुसुड, च्यिकला ति सेसुड, तमा च्यिकला ति दो पोप्सुड। ३६तीकी येलुड गोमाला सिनाड ल्हक्पा लावातिवाला ताड्सुड, यिने पिज्यिङ्बातिवी तिवाला साड गोमी दोके राड क्यासुड। ३७तेरी सिनाड ज्युक्ला तीकी ‘तिवी डे पुज्युडला याड ताड्देन किते यिन्दे।’ नोनी खोरो पुज्युडला ताड्सुड। ३८यिने ती पिज्यिङ्बातिवी ज्यिन्दाककी पुज्युड वुङ्गुप थोडिसमा ‘दी याड ज्यिन्दाककी अंश थोप छ्योवु यिन। दीला दाक्पु सेतुप, तमा दीला थोपुप अंश ति दाक्पु राड लङ्गुप।’ सिनी खोप्राड पर्ला सिक्यासुड। ३९तुक सियी तिवी ती पुज्युड तीला जिम्नी गुन्दुम शिङ फिला तेन ताङ्नी सेसुड। ४०तुक क्यासिमा ती गुन्दुम शिङ ज्यिन्दाक ति वुङ्गुप पेला ती पिज्यिङ्बातिवाला काड किताड?” ४१तमा तिवी सिक्यासुड, “तीकी ती पिज्यिङ्बा दुक्टातिवाला कशेन ठिम तङ्नी सेनी ती गुन्दुम शिङ ति गुन्दुम रुकुप पेला ज्यिन्दाकला थोपुप ति ज्यिन्दाकला राड तेतुप यम्बा पिज्यिङ्बातिवाला तोड्गिगी।” ४२येशूकी तिवाला सुड्सुड, “काड खिरा कोन्छ्योककी सुडला दुक् सिनी टि वोतुप ति मारा?”

‘चुका दो तीला खार चिकुपतिवी
 फेन मोथोवु सिनी क्युर
 ज्याक्वे,
 ती दो ति खाड्बी सुरकी
 खक्छ्येवु दो च्युड्सुड।
 दी ति चोवो कोन्छ्योककी क्यावु
 यिन,
 तमा दाक्पी थोड्दाडला हलेवु
 वे।’*

४३तुक क्यानी ड ख्यिराडला सिरिन।
 कोन्छ्योककी ग्येल्खाप ति ख्यिरा
 नेसुर ठोनी खोकी कला ड्येन्दुप
 यम्बा मिरिककी मीतिवाला तेर्किवी।
 ४४तमा फेन मोथोवु सिनी क्युरूप ती दे
 खला लुम्बुपतिवा ति ठमा ठुमा डितो,
 तमा सी खला ती दो ति लुम्गिवे,
 ती दे वोक्ला लेपुप ति थल्दुकला
 डिवी।” ४५कोड्यार छ्येतिवा ताड
 फरिसीतिवी खोकी सुड्गुप पे ति
 थोसिमा ती पे ति खोप्पे थोक्ला राड
 शेतुप यिनोक सिनी हाक्कोनोक।
 ४६तुक क्यानी तिवी खोला जिम्बुप नो
 क्यासुड। यिने तिवा मी माड्छ्योकला
 ज्यिवा क्यासुड, च्यिलासिसिन मी
 माड्छ्योककी येशूला कोन्छ्योककी
 लुड्तेम्बा यिन सिनी तेन्गिनोक।

जेन्दी डेनकी पे

(लूका १४:१५-२४)

२२ येलुड येशूकी दुका पेटिवा
 नेसुर तिवाला येन्देन

नाड्सुड, २“कोन्छ्योककी ग्येल्खाप
 ति खोरो पुज्युडकी जेन्दीकी डेन
 टडिक क्यावु ग्येल्बु मिरा च्यिक दोके
 यिन। ३तीकी केच्या क्यावु मीतिवाला
 डेनला फेप सिनी कतोड्गुपला खोरो
 लावातिवा ताड्सुड, यिने केच्या
 क्यावु मीतिवा वुड्गुप माड्येन।
 ४येलुड तीकी यम्बा लावातिवाला
 दुक सिनी ताड्सुड, ‘केच्या क्यावु
 मीतिवाला गल्नी डेन टडिक क्या
 सिन वे, शा ग्यामु ग्यामु चोनी वे, तेरी
 साप समातिवा च्योम च्योम क्यानी वे,
 डेनला फेप सिनी सी।’ ५यिने केच्या
 क्यावु मीतिवी ती ताम्डेला ड्याम
 माक्यानी दाक दाक्पी लाकाला
 गाल्सुड। च्यिक ति खोरो शिड
 खला गाल्सुड, च्यिक ति खोरो छोड
 कितुपला गाल्सुड। ६तमा यम्बातिवी
 तीकी लावातिवाला जिम्नी किताड
 मेलोवा क्यानी सेसुड। ७तुक क्यासिमा
 ग्येल्बु ति ड्यिर्मु लानी मक्मीतिवा
 ताड्नी खोरो लावातिवाला सेतुप
 मीतिवा से च्यिसुड, तमा तिवी ग्येसा
 तीला मे ग्यक च्यिसुड। ८ती ज्युक्ला
 तीकी खोरो लावातिवाला ‘जेन्दी डेन
 याड टडिक वे, यिने केच्या क्यावु
 मीतिवा ति डेन सापला वुड छ्योवु
 मिन्दुक। ९त ख्यिराड ग्येलामकी गारी
 गुरीला गल्नी ते ठेतुपतिवा तेरीला
 जेन्दीकी डेनला फेप सिनी गोड्बा
 शु।’ सिनी सिक्यासुड। १०तुक क्यानी

लावातिवा ग्येलामला गल्नी ठेतुप मी ल्यामु मेलोवा तेरीला टि वासुड। तमा जेन्दीकी खाड्बाला मीतिवा क्येड्सुड।

११ तमा ग्येल्वु ति डेन्बुतिवाला ल्हापला खाड्बी नाड्ला वासिमा ते जेन्दीकी छ्या मापोवु मी मिरा च्यिक थोड्सुड। १२ तीला थोड्सिमा ग्येल्वुकी ‘ओए, ख्युरुड चुक क्यानी जेन्दीकी छ्या मापोवा क्यानी दे नाड्ला वोवु?’ सिनी टिसुड। यिन्सिनाड ती मी तीकी काड टिलेन तेर माथुप। १३ तमा ग्येल्वी खोरो लावातिवाला दुक सिनी योक कुसुड, ‘दीकी लाक्पा काड्बा टानी पाड्ला नक्तोमीला क्युर, ते कशेन डुयी सिरा स मुर्किवी।’ १४ तुक क्यानी कोन्छ्योककी कताड्गुपतिवा बडी वे, यिने खोकी ग्येल्वापला शुक् छ्योवुला पेतुपतिवा ड्युड्मु वे।”

कैसरला से तेतुप कोर्ला

(मर्कस १२:१३-१७; लूका २०:२०-२६)

१५ ती ज्युकला फरिसीतिवा गल्नी येशूकी सुड्गुप ताम्डेला चुक क्यानी क्येन तेरुप सिनी केवुल क्यसुड। १६ तमा तिबी खोप्रे लोमातिवाला ग्येल्वु हेरोदकी छोकपाकी मीतिवी मुला येशूकी चाला ताड्नी खोला दुक सिनी टि च्यिसुड, “गेकेन, गेकेन याड टेड्बु यिन। गेकेनकी मीतिवी थोकला कोन्छ्योककी नोवा काड यिन सिरुपकी कोर्ला टेड्बो लोप्किवी। तमा सुला साड ज्यिवा

मिकिवी, च्यिलासिसिन गेकेनकी मीतिवाला ल्हानी ती मीतिवा ति सु यिन सिनी ड्याम मिकिवी। १७ तुक क्यानी ड्यिराडला सी, कैसरला से तेतुप ति मोशाकी ठिमला गिवी ताड मेड्गिगी?” १८ यिने येशूकी तिबी नासाम दुक्टा वोतुप हाक्कोनी तिवाला “ओ, खोनकपुतिवा, ख्यिराड च्यिला डला खोकपा ल्हेवी? १९ से तेतुप शिकाकी डप्बु ति डला छ्या तेन।” सिनी सुड्सुड। खोकी तुक सुड्सिमा तिबी खोप्रे मुला वोतुप डुलकी डप्बु च्यिक खोला खुर्नी वासुड। २० तमा येशूकी तिवाला “दीकी लोला वोतुप रिमुड ताड टिवु मिड ति सी ति यिन?” सिनी टि नाड्सुड। २१ येशूकी तुक सुड्सिमा तिबी “कैसरकी ति यिन।” सिनी सिक्क्यासुड। तमा येशूकी तिवाला सुड्सुड, “तुकै यिन्सिन कैसरकी ति कैसरला ते, कोन्छ्योककी ति कोन्छ्योकला राड पुल।” २२ ती ताम्डे थोसिमा तिवा हलेवा लानी खोला क्युर ज्याक्नी गाल्सुड।

शेप ने डोसु लड्गुप कोर्ला केवुल क्यवु

(मर्कस १२:१८-२७; लूका २०:२७-४०)

२३ ती छेर्मु शेप ने सेन्बु मलड्गिगी सिरुप सदुकीतिवी नाड ने ललाइ येशूकी चाला वानी खोला दुका टिवा यी क्यसुड, २४ “गेकेन, मोशाकी ठिमला ‘मी ललाइ पेजा माक्येवा क्यानी शिसुड सिसिन तीकी नुप तीकी

अच्यी पेमीला जेन्दी क्यानी अच्युकी थोक्ला गिपा फेल ज्यि गोकिवी।' सिक्वा वे। २५ दासा यीला अच्युनुप पिन दिन नोक। उज्यु छये तीकी जेन्दी क्यासिमा तिवाला आड माक्येवा क्यानी शिसुड। उज्यु शिसिमा तीकी नुप महिला तीकी खोरो छाम तीला जेन्दी क्यासुड। २६ तमा महिला ति साड आडा माक्येवा क्यानी शिसुड। तुक राड क्यानी सहिला ताड पिन दिन्करकी जेन्दी क्यासिनाड आडा माक्येनी शिसुड। २७ ती ज्युक्ला ती छाम तिड शिसुड। २८ तुकै यिन्सिन शेष ने सेन्बु लङ्गुप पेला ती पुम्पेजा ति पिन दिनकी पर्ला सी पेमी च्युङ्गिगी? च्यिलासिसिन ती पिन दिन्करकी तीला जेन्दी क्यावु यिन।"

२९ तमा येशूकी तिवाला सुङ्गुड, "ख्यिरा सिक्वावु ति टेके मिन। ख्यिरा कोन्छ्योककी सुड साड छ्या मे, खोकी ओड साड हाक्माकोवु तप्की तुका नासाम तङ्गुप यिन। ३० शेष ने सेन्बु लङ्गुप पेला मीतिवी जेन्दी मिक्किवी, यिने देवाच्येनकी लेन क्योलुप थुतिवा दोके च्युङ्गिगी। ३१ यिने शेष ने सेन्बु लङ्गुपकी कोर्ला कोन्छ्योककी ख्यिराडला सुङ्गुप ति ख्यिरा मारा? ३२ कोन्छ्योककी 'ड अब्राहामकी कोन्छ्योक ताड इसहाककी कोन्छ्योक ताड याकूबकी कोन्छ्योक यिन।' सिनी सुङ्गुड। कोन्छ्योक ति शेष मीकी कोन्छ्योक मिन, यिने सेन्बु वोतुप

मीकी कोन्छ्योक यिन।" ३३ येशूकी तुक सुङ्गुप थोसिमा ते वोतुप मी माङ्छ्योक खोकी येन्देनला हलेवा क्यासुड।

तेरी सिनाड क छ्ये

(मर्कस १२:२८-३४; लूका १०:२५-२८)

३४ येशूकी सदुकीतिवाला खरक्पा दे च्यितुप थोसिमा फरिसीतिवा येशूकी चाला मुला राड जोम्सुड। ३५ तमा तिनी पर्ला यहूदी छ्योकी गेकेन यीकी येशूला खोक्पा ल्हापला दुक सिनी टिसुड, ३६ "गेकेन, कोन्छ्योककी नङ्गुप ठिमकी नाङ्गला तेरी सिनाड क छ्ये ति चुका ति यिनाड?" ३७ तमा खोकी तीला सुङ्गुड, " 'ख्योरो तेरी सेमगी दिड ने, ख्योरो तेरी मिजी ने, तमा ख्योरो तेरी नासाम ने ख्योरो चोवो कोन्छ्योकला डियङ्ग्ये की।' ३८ दी ति तेरी सिनाड खक्छ्येवु ताड थल्माकी क यिन। ३९ तमा क डियवा साड ती दोके वे, 'ख्योरो युल्वाला रडला दोके डियङ्ग्ये की।' ४० तेरी ठिम ताड कोन्छ्योककी लुङ्गतेम्बातिवी येन्देन ति दी क डियवु नाङ्गला ख्येल्लिगी।"

ख्रीष्ट सी सेवु यिन?

(मर्कस १२:३५-३७; लूका २०:४१-४४)

४१ फरिसीतिवा ते राड जोम वोतुप पेला येशूकी तिवाला दुक सिनी टिवा यी टि नाङ्गुड, ४२ "ख्यिराड ख्रीष्टकी कोर्ला काड नासाम तोङ्गिगी? खो

सी गिपा यिन?” तमा तिवी “खो ग्येल्वु दाऊदकी गिपा यिन।” सिनी सिक्वासुड। ४३येलुड येशूकी तिवाला सुइसुड, “दाऊद ति कोन्छ्योककी थु चाड्माकी क्येङ्नी खोला चोवो सिनी दुक सुइसुड,

४४‘चोवो कोन्छ्योककी डे चोवोला ख्योरो डतिवाला डे काड्बी वोक्ला मालेपा सेक्ला ख्युरुड डे लाक्पा यावी थाकाला दे सिनी सुइसुड।’*

४५ग्येल्वु दाऊदकी ख्रीष्टला चोवो सिनी सिनिसि चुक कयानी ख्रीष्ट ति दाऊदकी गिपा च्युङ्गिगी रो?” ४६येशूकी तुक सुइसिमा सी साड खोला ताम्डे छिक च्यिक साड लप माथुप, तमा ती छेर्मु नेज्युनी सी साड खोला टिवा ग्यकुप डाडेड साड माक्या।

यहूदी छ्योकी गेकेनतिवा ताड फरिसीतिवी दोके माकी

(मर्कस १२:३८-३९;

लूका ११:४३, ४६; २०:४५-४६)

२३ तमा येशूकी खोरो लोमातिवा ताड मी माङ्छ्योकला दुक सुइसुड, २“यहूदी छ्योकी गेकेनतिवा ताड फरिसीतिवी मोशाकी ठिम लोपुप ओड वे। ३तुक कयानी तिवी ख्यिराडला सिक्पावु ठिम ति तेरी ड्येन्नी की। यिने



तिवी किताड नालु दोके ति माकी, च्यिलासिसिन तिवी मी यम्बाला लापुप दोके खोप्राड ति मिकिवी। ४तिवी खुरु च्येन्दी टानी मीतिवी ग्यप्ला ग्येल्विगी, यिने खोप्राड ति ती खुरु खुरुपला थो साड मोतोङ्गिगी। ५तिवी कयावु तेरी लाकातिवा ति मीतिवाला छ्या देन्दुपला किवी। तिवा कोन्छ्योककी ठिमतिवा टिवु ति राकी नाङ्गला तुम्नी ग्येर्पु ग्येर्पु जोनी टली लोला ताड लाक्पी लोला दोकिवी। तमा फिला कोन्दुप मज्यी लोला पोजर रिङ्बु रिङ्बु देन्गिगी। ६तिवा डेनला टाल जिम्नी देतुप ताड यहूदी छयोखाडला टाल जिम्नी देतुपला गा किवी। ७हाला मीतिवी खोप्राडला ताड्देन कयानी छ्याक पुलुप ताड मीतिवी खोप्राडला गेकेन

सिनी सिक्कावु ति तिवा गा किवी।
 ८ यिने ख्यिराडला सी साड गेकेन
 सिनी सि माज्यी। च्यिलासिसिन
 ख्यिरा गेकेन ति च्यिक राड वे,
 ख्यिराड ति तेरी अच्युनपतिवा यिन।
 ९ तमा ख्यिराड दी जम्बुलिडला सुला
 साड पपा सिनी मासिर, च्यिलासिसिन
 ख्यिरा पपा ति देवाच्येनला ज्यु वोतुप
 कोन्छ्योक च्यिक राड यिन। १० येनुड
 सी साड ख्यिराडला ज्यिन्दाक सिनी
 सि माज्यी, च्यिलासिसिन ख्यिरा
 ज्यिन्दाक ति कोन्छ्योककी तङ्गुप
 ख्रीष्ट यिन। ११ ख्यिरा पर्ला तेरी
 सिनाड छ्ये वोतुप तीकी ख्यिराडला
 शब्ज्यी कि गोकिवी। १२ सी खुरुडला
 छ्ये यिन सिनी नो किवे, ती ति मो
 बेपुप डिवी। सी खुरुडला मो बेक्किवे,
 ती ति छ्ये डिवी।”

**येशूकी यहूदी छ्योकी गेकेनतिवा
 ताड फरिसीतिवाला वोर तेन्दुप**

(मर्कस १२:४०;

लूका ११:३६-४२, ४४, ५२; २०:४७)

१३ “ख्यिराड यहूदी छ्योकी
 गेकेनतिवा ताड फरिसीतिवाला
 मोताप सुकुप यिनो, ख्यिराड
 खोनक्पुतिवा! च्यिलासिसिन ख्यिराड
 ति कोन्छ्योककी ग्येल्खापकी गोला
 गोलज्याक ग्यम वे। तमा खुरुड
 साड तीकी नाड्ला मुशुकिवी,
 शुकुप छोलुप मीतिवाला साड शुक्

मिज्यिवी। १४ ख्यिराड यहूदी छ्योकी
 गेकेनतिवा ताड फरिसीतिवाला
 मोताप सुकुप यिनो, ख्यिराड
 खोनक्पुतिवा! ख्यिराड मीतिवाला
 छ्या देन्दुपला मोपोर रिड्बु रिड्बु
 किवी। तमा ख्यिराड युक्सिमतिवी
 खाड्बा ठोकिवी। तुक क्यानी
 ख्यिराडला छासे पचर्या फोकिवी।†
 १५ ख्यिराड यहूदी छ्योकी गेकेनतिवा
 ताड फरिसीतिवाला मोताप सुकुप
 यिनो! ख्यिराड खोनक्पुतिवा!
 च्यिलासिसिन ख्यिराड मी मिरा
 च्यिकला यहूदी फयानला शुक्
 ज्यितुपला ग्येम्छो ताड दासा तेरीला
 छल्ली युकिवी, तमा मिरा च्यिकला
 ड्येसिमा तीला खुरुड सिनाड दोम्बा
 ड्यी मड ड्येलाला डो छ्योवु
 मेलोक्पा जेवी।

१६ ख्यिराड मिक् मोथोङ्गुप
 गोमा कितुपतिवा! ख्यिराडला
 मोताप सुकुप यिनो! ख्यिरा ‘सी
 कोन्छ्योककी ल्हडाडला न क्यल्सिन
 काड मिक्किवी, यिने कोन्छ्योककी
 ल्हडाडकी सेरला न क्यल्सिन ती ति
 तेन्तेन कि गोकिवी।’ सिनी मीतिवाला
 लोप्किवी। १७ ओ अम्बारडिशड मिक्
 शर्वातिवा! चुका ति मड खक्छ्येवु
 यिन? सेर खक्छ्येवु यिनाड की,
 सेरला चाड्मा जोप कोन्छ्योककी
 ल्हडाड ति खक्छ्येवु यिन? १८ येनुड
 ख्यिरा ‘सी छोटीला न क्यल्सिन काड

मिकिवी, यिने ती छोटीकी खला पुलुप बुल्वाला न क्यल्सिन ती ति तेन्तेन कि गोकिवी।' सिनी मीतिवाला लोप्किवी। १६ओ मिक शर्वातिवा! चुका ति मड खक्छ्येवु यिन? बुल्वा खक्छ्येवु यिनाड की, बुल्वाला चाड्मा जोप छोटी ति खक्छ्येवु यिन? २०तुक क्यानी छोटीला न क्योलुप तीकी ती छोटी ताड तीकी खला वोतुप तेरीला न क्यलुप यिन। २१तमा कोन्छ्योककी ल्हडाडला न क्योलुप तीकी ती ल्हडाड ताड तीकी नाड्ला ज्यु वोतुप कोन्छ्योकला न क्यलुप यिन। २२तमा देवाच्येनला न क्योलुप तीकी कोन्छ्योककी ग्येल्ठिक ताड ती खला ज्यु वोतुप तीला न क्यलुप यिन।

२३ख्यिराड यहूदी छ्योकी गेकेनतिवा ताड फरिसीतिवाला मोताप सुकुप यिनो! ख्यिराड खोनक्पुतिवा! ख्यिराड मेन्डोक ताड च्या छेर्माड ताड जीराकी दशांश ति कोन्छ्योकला बुल्गिवी, यिने ठिम टेड्बु ताड च्यम्बा ताड तेपा दोके कोन्छ्योककी मोशाला नङ्गुप मड खक्छ्येवु ठिमला ति इयाम मिकिवी। ख्यिरा कोन्छ्योकला बुल गोवु दशांश साड इयाम क्यानी बुल गोकिवी, तमा ती खक्छ्येवु ताम्डेतिवा साड कि राड गोकिवी। २४ओ मिक मोथोङ्गुप गोमा कितुपतिवा! ख्यिराड ति युप्राड टिक्पे ति थेन्गिवी, यिने सेम्ज्येन वोङ्मुला ति मिता तोङ्गिवी।

२५ख्यिराड यहूदी छ्योकी गेकेनतिवा ताड फरिसीतिवाला मोताप सुकुप यिनो! ख्यिराड खोनक्पुतिवा! ख्यिरा देर्माड ताड कोरी फिला ति शिनी कर्मु जेवी, यिने ख्यिरा सेमगी दिङ्गला ति देर्पा ताड खुरुडला तिराड च्युङ्शी सिरुप नासाम क्येङ्गिवी। २६ओ फरिसी मिक शर्वातिवा! तोङ्गला कोरा ताड देर्माडकी नाङ्गला ल्यामु शी, तुक क्यासिन फिला साड चेङ्गा डिवी।

२७ख्यिराड यहूदी छ्योकी गेकेनतिवा ताड फरिसीतिवाला मोताप सुकुप यिनो! ख्यिराड खोनक्पुतिवा! च्यिलासिसिन ख्यिराड ति पक कर्मु कुवु शेप मीला ज्योकुप टककी फुक दोके यिन। ती ति फिला ल्हासिन ल्यामु थोङ्गिवी, यिने तीकी नाङ्गला ति शेप मीकी रुकक ताड तेरी मेचेङ्गाकी क्येङ्गुप गिवी। २८तुक राड क्यानी ख्यिराड साड फिला ल्हासिन मीतिवी मिङ्गाला मी टेङ्बु दोके थोङ्गिवी, यिने ख्यिरा सेमला ति खोनक्पु ताड नासाम दुक्टाकी क्येड वे।

२९ख्यिराड यहूदी छ्योकी गेकेनतिवा ताड फरिसीतिवाला मोताप सुकुप यिनो! ख्यिराड खोनक्पुतिवा! ख्यिराड कोन्छ्योककी लुङ्तेम्बातिवी थोक्ला शेप मीला ज्योकुप टककी फुकतिवा जेवी। कोन्छ्योककी थोङ्दाडला टेङ्बु वोतुपतिवी शेप मीला ज्योकुप टककी फुकतिवा ल्यामु जेवी। ३०तमा ख्यिरा 'दाक्पी पगावा हङ्गावाकी

डोला दाक्पु वोतुप यिन्सियाड
तिवी क्यावु कोन्छ्योककी
लुङ्तेम्बातिवाला सेतुप लाका तिवी
मुला राड मिकिवुजा।' सिनी सिवी।

३१ तुक सिनी ख्यिराड कोन्छ्योककी
लुङ्तेम्बातिवाला सेतुपतिवी गिपायिन
सिरुप पङ्बु ति ख्यिरा राड तेर्किवी।

३२ तुकै यिन्सिन ख्यिरा हङ्गावातिवी
सिन्दा माक्यावु लाकातिवा ख्यिरा
तेरी सिन्दा की! ३३ ओ रुल ताड रुल

कुपेडकी च्यप्फुकतिवा! ख्यिराड
चुक क्यानी ड्येलाकी छ्येर्पा ने टो
थुप्किवी? ३४ तुक क्यानी ड ख्यिरा

पर्ला कोन्छ्योककी लुङ्तेम्बातिवा
ताड रिक्पा वोतुपतिवा ताड यहूदी
छ्योकी गेकेनतिवाला तोड्यिनो।

तमा ख्यिरा तिवी पर्ला ललाइला ति
सेकिवी, ललाइला ति ग्यङ्गिडला
ग्येलिगवी, ललाइला ति यहूदी

छ्योखाड नाङ्गला तलज्येक ग्यकिवी,
तमा तिवाला ग्येसा ग्येसाला
तिड्यानी छेताड तेर्किवी। ३५ तुक

क्यानी क्यान मेतुप हाबिलकी ठक
नेज्युनी कोन्छ्योककी ल्हडाड ताड
चाङ्मा वोतुप छोठीकी पर्ला सेतुप

बेरेक्याहकी पुज्युड जकरियाकी
ठक सेक ताड जम्बुलिडला सेतुप
कोन्छ्योककी थोङ्दाडला टेङ्बु

वोतुपतिवी तेरीकी ठक ति ख्यिरा
खला ख्येल वोतो। ३६ वुतुड के ड
ख्यिराडला टेङ्बो सिरिन, दी तेरी

ताम्डेकी पर्च्या ति दी गिपाकी खला
ख्येलिगतो।”

यरूशलेमकी थोक्ला येशूकी पप

क्या नङ्गुप

(लूका १३:३४-३५)

३७ “ओ यरूशलेमकी मीतिवा!

ख्यिराड ख्यिरा ते तङ्गुप
कोन्छ्योककी लुङ्तेम्बातिवाला
सेतुप ताड दो बेप्किवी। च्यमुडकी

खोरो च्यप्फुकतिवाला पुशोक वोक्ला
रुकुप दोके डे थेङ्मा अलायी
ख्यिराडला डे चाला रुकुप नो

क्यायिन, यिने ख्यिरा तुक कितुपला
माङ्येन। ३८ तुक क्यानी ल्होसा,
कोन्छ्योककी ख्यिरा ग्येसा क्युर

ज्याकनी ती ति तोङ्बा डिवितो।
३९ ड ख्यिराडला सिरिन, ख्यिरा डला
‘चोवो कोन्छ्योककी मिडला फेपुप

ति मोलाम वोतुप यिनो।’ सिनी सि
माक्यावा सेक्ला ख्यिरा डला येलुड
मोथोङ्गिगी।”

यरूशलेम ल्हडाड रम्बुपकी कोर्ला

येशूकी नम्रर शेतुप

(मर्कस १३:१-१३; लूका २१:५-१९)

२४ ती ज्युक्ला येशू यहूदी
ल्हडाड नेमा थेन्नी

फेपिन कितुप पेला खोकी लोमातिवा
खोकी चिप्ला वानी ती ल्हडाडकी
खाङ्बातिवा छासे ल्यामु वे सिनी

खोला छ्या तेन्सुड। २ यिने येशूकी
तिवाला सुङ्सुड, “तन्दा ख्यिरा दी
तेरी थोङ्सुड? ड ख्यिराडला टेङ्बो

सिरिन, देकी दोतिवा च्यिक साड

यम्बा दोकी खला मालुवा क्यानी तेरी ज्होमिगी।”

जम्बुलिङकी तिङ्मी तुजेकी ततिवा

३ तेसुर येशू जैतुन पम्दोकला ज्यु वोतुप पेला लोमातिवा खरकपा सोक सिरा खोकी चाला वानी, “ओ चोवो, डिंयराडला सुङ्नी, ती ताम्डे नम पेला च्युङ्गिगी? तमा चोवो फेवु तुजे ताड जम्बुलिङकी तिङ्मी तुजेला चुका ततिवा च्युङ्गिगी?” सिनी खोला टिसुड। ४ तमा येशूकी तिवाला सुङ्सुड, “च्याङ्से क्यानी देता, सी साड ख्यिराडला मुलुशी। ५ च्यिलासिसिन मी बडीकी डे मिड लानी ‘ड ख्रीष्ट यिन।’ सिनी मी बडीला लुकितो। ६ तमा ख्यिरा मक ग्यकुप ताम्डे ताड मक ग्यकिवी सिरुप ताम्डे थोकितो। यिने ख्यिराड ति यर्मिन मर्मिन मोडोवुला च्याङ्से क्यानी देता। च्यिलासिसिन दी तेरी ताम्डेतिवा वुड राड गोकिवी, यिने तन्दा राड जम्बुलिङ तेरी ना डोप तिङ्मी तुजे ति मिन। ७ ग्येलखाप ग्येलखापकी तेन्दोकला ताड मिरिक मिरिककी तेन्दोकला लङ्गितो, तमा दासा दासाला डिंयमा मर्वु शरुप ताड सयीतिवा ग्यकितो। ८ यिने दिवा ति दुक्पाकी थल्मा तिराड यिन।

९ ती पेला मीतिवी ख्यिराडला जिम्नी छेटाड तेरुपतिवी लकला चेक

तेनी सेकितो। तमा ख्यिरा डला तेपा क्यावु तप्की तेरी मिरिककी मीतिवी ख्यिराडला डिंयङ्मर किवितो। १० तमा मीतिवा बडीकी डला तेपा कितुप क्युर्नी ज्योकितो। तिवा च्यिककी च्यिकला क्येन तेरुप ताड डिंयङ्मर कितो। ११ तमा लुङ्तेम्बा मेटेङ्बुतिवा बडी वानी मीतिवा बडीला लुकितो। १२ दुक्टा कितुप मीतिवा मड बडी गलुप तप्की मीतिवा बडीकी डिंयङ्ज्ये अला मिकिगी। १३ यिने चो दुक्पा ख्येल्लिसनाड ज्युकला सेक डेकला देतुप तीला कोन्छ्योककी ज्होकितो। १४ तमा दी कोन्छ्योककी ग्येलखापकी लेन ल्यामु ति तेरी जम्बुलिङला ख्याप्टाक क्यानी तेरी मिरिककी मीतिवाला पङ्बु तेर्किगी। ती ज्युकला दी जम्बुलिङकी तिङ्मी तुजे गिगी।”

ज्यिवा लङ्गुप छेटाडतिवा

(मर्कस १३:१४-२३; लूका २१:२०-२४)

१५ “तुक क्यानी ख्यिरा कोन्छ्योककी लुङ्तेम्बा दानिएलकी सिक्यावु दोके क्युकटो लङ्गुप च्यालक ति चाङ्मा वोतुप कोन्छ्योककी ल्हडाडला लानी वोतुप थोडिसन (लोपुप तीकी दीकी तेन्दोक हाक्कोशी)* १६ ती पेला यहूदियाला वोतुपतिवा री नेवा टोनी डोशी। १७ खाङ्बी खाते खला वोतुपतिवा खाङ्बी नाङ्ला वोतुप

समा च्यालक थेन्दुपला मर मपप्शी।
 १८ शिड खला वोतुपतिवा खोरो खयिटो
 लङ्गुपला लोकनी मोडोशी। १९ ती
 तुजेला जु च्येन्दी वोतुप पुम्पेजातिवा
 ताड आडाला नुम तेरुप आमातिवाला
 मड कले ख्येलिगी। २० ख्यिरा टो
 डोप तुजे ति गुन्बी ल ताड डासोप
 डियमाला मेख्येलशी सिनी मोपोर
 की। २१ च्यिलासिसिन ती पेला कशेन
 छेटाड ग्येर्पु ख्येलिगतो। तुका छेटाड
 याड कोन्छ्योककी जम्बुलिङ थल्मा
 ज्येङ्गुप पे नेज्युन तन्दा सेक नाम्साड
 माच्युड वे, तिङ्गला साड मेङ्गिगी।
 २२ कोन्छ्योककी ती छेटाडकी
 तुजेतिवा ड्युङ्मु माजोवु यिन्सिन सु
 साड सेन्बु लु मुथुपी। यिने खोरे पेतुप
 मीतिवी थोकला खोकी ती तुजेतिवा
 ड्युङ्मु जेवी।

२३ ती पेला सी ख्यिराडला ‘ल्हो
 ताड, ख्रीष्ट ति दे वे।’ याङ्ना ‘खो ते
 वे।’ सिक्कासिन ख्यिराड ती ताम्डेला
 तेपा माकी। २४ च्यिलासिसिन ख्रीष्ट
 जुमातिवा ताड लुङ्तेम्बा मेटेङ्बुतिवा
 वानी त ग्येर्पु ताड हलेवु लाकातिवा
 छ्या देनिन सिरा कोन्छ्योककी
 पेतुपतिवाला साड अछ्योता सेक
 लुकिवी। २५ ड्येना, ड दी ताम्डे ति
 गोमाला के ख्यिराडला सिरिन वे।
 २६ तुक कयानी तिवी ख्यिराडला
 ‘ल्होसा, ख्रीष्ट याड दासा पाङ्थेरीला
 वे।’ सिक्कासिनाड ख्यिराड ते माडो।
 याङ्ना तिवी ‘खो खाङ्बी नाङ्गला
 राड वे।’ सिक्कासिनाड ती ताम्डेला

तेपा माकी। २७ च्यिलासिसिन शरकी
 थाकाला चिलाम ग्यप्सिन नुपकी
 थाकाला सेक ठछ्येली थोङ्गुप
 दोके मी पुज्युड वुङ्गुप साड तुके
 राड डितो। २८ तमा कनी शेप सेम्ज्येन
 नोके, ते गिक्तातिवा जोम्गिवी।”

मी सेवु फेपुप तुजे

(मर्कस १३:२४-२७; लूका २१:२५-२८)

२९ “ती छेटाड वालुङ्मेताला डियमा
 डिक्किवी, उलाकी वो माग्यकिवी,
 कर्मातिवा नाम नेवा लुम्गिगी, तमा
 नामला वोतुपतिवा तेरी योकिवी।
 ३० ती पेला राड ड मी पुज्युड वुङ्गुप
 त ति नामला छ्या देन्गिगी, तमा
 जम्बुलिङकी तेरी मिरिककी मीतिवा
 ज्यिवा लानी डुप्प्राड कियी सिरा ड मी
 पुज्युड ओड ताड छासे मोवा थोप्नी
 मुक्पी खला वुङ्गुप ति थोङ्गिगी।
 ३१ ती पेला ड मी पुज्युडकी ग्येलिङ
 पुतुप वोरु ताड मुला डे देवाच्येनकी
 लेन क्योलुप थुतिवा तोङ्गिगी। तमा
 तिवी जम्बुलिङ तेरी नेमा डे पेतुप
 मीतिवाला जोम ज्यिकिगी।”

अन्जीरकी दोङ्बु नेसुर येन्देन

(मर्कस १३:२८-३१; लूका २१:२९-३३)

३२ “अन्जीरकी दोङ्बुला लहानी
 येन्देन च्यिक लोप। तीकी येल्कातिवा
 च्योक च्योक गल्नी ती नेमा ज्योक
 थेन्सिन येर्वु थेन्दुप छाल्नोक सिनी
 ख्यिरा हाक्कोकिवी। ३३ तुक राड
 कयानी ख्यिरा दी तेरी ताम्डेतिवा

च्युङ्गुप थोङ्सिमा ड मी पुज्युड छासे चिप्ला राड लेप्नी वे सिरुप ति हाक्कोवा की। ३४ वुतुड के ड ख्यिराडला सिरिन, दी तेरी ताम्डेतिवा माच्युड्वा सेक्ला दी गिपा ना मोडोवी। ३५ स ताड नाम ति तोर्नी डिवी, यिने डे सिक्यावु ताम्डेतिवा ति नाम्साड तोर्नी मोडोवी।”

ती डियमा ताड तुजे ति सुला साड छ्या मे

(मर्कस १३:३२-३७;

लूका १७:२६-३०, ३४-३६)

३६ “यिने ती डियमा ताड तुजे ति नम गिते सिनी सुला साड छ्या मे, देवाच्येनकी लेन क्योलुप थुतिवाला साड छ्या मे, पुज्युडला साड छ्या मे, ती ति पपाला तिराड छ्या वे। ३७ तमा नोआकी डोला चुकै च्युड वे, ड मी पुज्युड वुङ्गुप तुजेला साड तुकै राड च्युङ्गितो। ३८ तोजो पेला छ्यर्वा ग्येर्पु ग्यकुप सिनाड गोमाला नोआ टी नाङ्ला शुकुप तुजे सेक मीतिवा साप ताड थुङ्गुप ताड जेन्दी कियी वोतुप्जा। ३९ तमा छ्यर्वा ग्येर्पु ग्यप्नी तेरीला ज्यानी मागल्वा सेक्ला मीतिवाला काड च्युङ्गिवी सिनी काड साड छ्या मिन्दुक। तमा ड मी पुज्युड वुङ्गुप तुजेला साड तुकै राड डितो। ४० ती पेला शिड खला वोतुप मिरा ड्यीकी नाङ्ला मिरा च्यिक ति टिनी डिवी, तमा मिरा च्यिक ति ते राड क्युर्नी ज्योकिवी। ४१ पुम्पेजा

मिरा ड्यी मुला राड फे तकिन वोतुप पेला मिरा च्यिक ति टिनी डिवी, तमा मिरा च्यिक ति ते राड क्युर्नी ज्योकिवी। ४२ ती तप्की च्याङ्से देता, च्यिलासिसिन ख्यिरा चोवो चुका छेर्मु फेप्किवी सिरुप ति ख्यिराडला छ्या मे। ४३ दी ताम्डे हाक्कोवा किता। खाङ्बी ज्यिन्दाकला कुर्मेन नुपला छ्युजी चोला गिवी सिरुप छ्या वोसिन तीकी ड्यी मालोका कयानी ती कुर्मेनला खोरो खाङ्बाला शुक मिज्यिवुजा। ४४ तुक कयानी ख्यिराड टडिक कयानी देता, च्यिलासिसिन ड मी पुज्युड ति ख्यिरा नासाम मातङ्गुप तुजेला वुङ्गितो।”

खोङ्तेर्मु वोतुप लावा ताड खोङ्तेर्मु मेतुप लावा

(लूका १२:४१-४८)

४५ “सु खोङ्तेर्मु ताड रिक्पा वोतुप लावा वोज्यिवी? ज्यिन्दाककी तीला खोरो खाङ्बी लावातिवाला टेके तुजेला समा तेरुपला चेक तेसिन तीकी चुक कि गोकिवी? ४६ ज्यिन्दाक लोकनी वुङ्गुप पेला तीकी ज्यिन्दाककी लो तेन्दुप दोके कियी वोतुप ठेसिन ती लावाला ल्यामु गिवी। ४७ वुतुड के ड ख्यिराडला सिरिन, ज्यिन्दाक तीकी खोरो तेरी टोङ्बा ति ती लावाला लो तेन्नी चेक तेकिवी। ४८ यिने दोजो ती लावा ति मेलोवा वे, तमा तीकी खोरो सेमला ‘डे ज्यिन्दाक याड फिमु गिते।’ सिनी नासाम तोङ्गिन

सिरा ४६ खोरो दाल्जा लावातिवाला दुङ्गुप ताड छ्याङ्गेलेतिवी मुला छ्याङ थुनी देसिन ५० ती लावाकी नासाम मातङ्गुप डियमा ताड छ्या मेतुप तुजेला ज्यिन्दाक लोकनी गिबी। ५१ तमा ती ज्यिन्दाककी ती लावा तीला छेटाड बिन्नी खोनकपुतिवा डो गोवु ड्येलाला क्युर्किवी, तमा ते ती ति डुप्राड कियी सिरा स मुर्किवी।”

जेन्दी माक्यावु पुम्पेजा मिरा च्यिथम्बाकी पे

२५ येलुड येशूकी सुङ्सुड, “देवाच्येनकी ग्येल्खाप ति दाक दाकपी लकला दिप्ली खुर्नी माकपा ठे गलुप जेन्दी माक्यावु पुम्पेजा मिरा च्यिथम्बाकी पे दोके यिन। २ तिवी पर्ला मिरा ड ति रिक्पा मेतुप नोक, मिरा ड ति रिक्पा वोतुप नोक। ३ ती रिक्पा मेतुपतिवी दिप्ली ति खुर्सिनाड नुम माखुर्नोक। ४ यिने रिक्पा वोतुपतिवी दिप्ली मुला राड नुम खुर्नोक। ५ तमा माकपा फिमु वावु तप्की तिवा तेरी ड्यिसोक ग्यप्नी ड्यी गाल्नोक। ६ तमा नुप फेकाला ‘ल्होसा, माकपा वासुड। खोला ठेतुपला ख्यिराड पाङ्ला शोक!’ सिरुप वोर यी ग्यप्सुड। ७ ती वोर थोसिमा तिवा तेरी ड्यी छेनी खोप्राड लोला खुरुप दिप्लीतिवा नाप टुलुप छाल्सुड। ८ ती पेला रिक्पा मेतुपतिवी रिक्पा वोतुपतिवाला ‘ख्यिरा नुम ति ड्यिराडला च्येयी नङ्नी,

च्यिलासिसिन ड्यिरा दिप्ली याड शेष छाल्सुड।’ सिनी सिक्पासुड। ९ यिने रिक्पा वोतुपतिवी ‘मेवी, तुक क्यासिन ख्यिराड ताड ड्यिराड तेरीला मलङ्गिगी। बोरु छोड्खाडला गल्नी ख्यिराडला गोवु नुम ति ड्योनी शोक।’ सिनी सिक्पासुड। १० तमा ती रिक्पा मेतुपतिवा नुम ड्योपला गलुप पेला माकपा वासुड। तमा ती माकपा ति नुम टडिक क्यान देतुप रिक्पा वोतुपतिवी मुला जेन्दीकी डेनकी खाङ्बाला शुसुड, तमा ती खाङ्बी गो च्येसुड। ११ ती ज्युक्ला रिक्पा मेतुपतिवा लोकनी वानी डेनकी खाङ्बी गे चाला लानी ‘ओ चोवो, ओ चोवो, ड्यिराडला गो पेनी।’ सिनी च्यार ग्यप्सुड। १२ यिने माकपा तीकी तिवाला ‘वुतुड के ड ख्यिराडला सिरिन, ड ख्यिराडला डो राड माशे।’ सिनी सिक्पासुड। १३ तुक क्यानी ख्यिराड च्याङ्से देता, च्यिलासिसिन ती ड्यिमा ताड ती तुजे ति ख्यिराडला छ्या मे।”

सेरकी डप्बुकी पे

(लूका १६:११-२७)

१४ “येलुड देवाच्येनकी ग्येल्खाप ति मी लुङ्बा डोप पेला खोरो लावातिवाला कताङ्नी खोरो नोर टोङ्बा ति चेक तेतुप मी मिरा च्यिककी पे दोके यिन। १५ तीकी लावातिवा रे रेला दाक दाकपी काड अछ्योवु चोयी च्यिकला ति सेरकी

डण्बु^१ ड, च्यिकला ति सेरकी डण्बु
इयी, तमा च्यिकला ति सेरकी डण्बु
च्यिक तेनी खोरुड ति मी लुङ्बा
गाल्सुड। ^{१६}तमा सेरकी डण्बु ड
इयेतुप लावा ति शाक्येक गल्नी ती
टङ्गा ति छोड कयानी यम्बा सेरकी
डण्बु ड ल्हकपा शम्सुड। ^{१७}सेरकी
डण्बु इयी इयेतुप लावा तीकी साड
तुक राड कयानी यम्बा सेरकी डण्बु
इयी ल्हकपा शम्सुड। ^{१८}यिने सेरकी
डण्बु च्यिक इयेतुप लावा ति गल्नी
सला मुक्तुम टुनी ती सेरकी डण्बु ति
बानी ज्याक्सुड।

^{१९}लो अलायी ज्युकला ती
लावातिवी ज्यिन्दाक ति लोकनी
वासिमा खोरो लावातिवी मुला खोरो
टङ्गी ची लासुड। ^{२०}ची लङ्गुप
पेला सेरकी डण्बु ड इयेतुप लावा
तीकी यम्बा सेरकी डण्बु ड साड
खुन वानी, 'ज्यिन्दाक, ज्यिन्दाककी
डला सेरकी डण्बु ड तेन ज्याक्सुड।
ल्हो ताड, डे यम्बा सेरकी डण्बु ड
ल्हकपा शमिन।' सिनी सिक्यासुड।
^{२१}तमा ज्यिन्दाक ति गा कियी सिरा
'को छ्येसुड, ख्युरुड खोङ्तेर्मु ताड
लावा ल्यामु! ख्युरुड ताम्डे चेयीला
खोङ्तेर्मु च्युङ्सुड, तुक कयानी ड
ख्युरुडला ताम्डे बडी चेक तेतिन।
ख्युरुड वानी ड ताड मुला गा की।' ^{२२}
सिनी सिक्यासुड। ती ज्युकला
सेरकी डण्बु इयी इयेतुप लावा ति

साड वानी, 'ज्यिन्दाक, ज्यिन्दाककी
डला सेरकी डण्बु इयी तेन ज्याक्सुड।
ल्हो ताड, डे यम्बा सेरकी डण्बु इयी
ल्हकपा शमिन।' सिनी सिक्यासुड।
^{२३}तमा ज्यिन्दाक तीकी तीला 'को
छ्येसुड, खोङ्तेर्मु ताड लावा ल्यामु!
ख्युरुड ताम्डे चेयीला खोङ्तेर्मु
च्युङ्सुड, तुक कयानी ड ख्युरुडला
ताम्डे बडी चेक तेतिन। ख्युरुड साड
वानी ड ताड मुला गा की।' सिनी
सिक्यासुड। ^{२४}यिने सेरकी डण्बु
च्यिक इयेतुप लावा तिड वानी,
'ज्यिन्दाक, ज्यिन्दाक याड माचुवु
दासा नेसुर डकुप ताड मातपुप दासा
नेसुर रुकुप मी च्युर्वु यिन सिरुप
ति डला छ्या वे।' ^{२५}तुक कयानी
डला ज्यिवा लासुड, तमा गल्नी
ज्यिन्दाककी डला चेक तेतुप सेरकी
डण्बु ति थली वोक्ला बानी ज्यकिन।
ल्हो ताड, ज्यिन्दाककी टङ्गा ति दे
राड वे।' सिनी सिक्यासुड। ^{२६}तुक
सिक्यासिमा ज्यिन्दाक तीकी तीला
सिक्यासुड, 'ख्यो दुक्टा ताड छेशिक्पा
वोतुप लावा, ख्युरुड डला माचुवु
दासा नेसुर डकुप ताड मातपुप दासा
नेसुर रुकुप मी यिन सिनी छ्या वोतुप
यिन्सिन ^{२७}ख्योरो डे टङ्गा पेला तड
ज्यकुप यिन्सिन ड वासिमा डला पे
छोवु ति यिन्जा। ^{२८}तुक कयानी तीकी
लोला वोतुप सेरकी डण्बु च्यिक
तिड ठोनी सेरकी डण्बु च्यिथम्बा

२५:१५ सेरकी डण्बु च्यिक ति लावा मिरा च्यिककी लो च्येडा लाका क्यावु ल यिन।

वोतुप तीला बिन। २६ च्यिलासिसिन सी लोला नोके, तीला मड तेर्किवी, तमा तीला छाछिडी डिवी। यिने सी लोला मेवे, तीकी लोला वोतुप तिड ठोकिवी। ३० तमा दी फेन मोथोवु लावा दुकटा तीला पाङ्ला नक्तोमीला क्युर, ते ती डुयी सिरा स मुर्किवी। ”

तिङ्मी ठिम

३१ “ड मी पुज्युड तेरी देवाच्येनकी लेन क्योलुप थुतिवी मुला खोरो मोवाला वुङ्गुप पेला ड ति खोरो ग्येल्लिकला देकितो। ३२ तमा तेरी मिरिककी मीतिवा डे चिप्ला जोम्गितो, ती पेला लुक गोठालाकी रा ताड लुकला पेतुप दोके क्यानी ३३ ड रतिवाला ति यावी थाकाला ताड लुकतिवाला ति येन्बी थाकाला पेनी ज्योकितो। ३४ तमा डे यावी थाकाकी मीतिवाला ‘डे पपा नेमा मोलाम थोपुपतिवा! वानी जम्बुलिङ ज्येङ्गुप पे नेज्युनी ख्यिरा थोक्ला टडिक क्या ज्यकुप ग्येल्लखापला ओङ्ज्येन की। ३५ च्यिलासिसिन ड ल्होवा लावु पेला ख्यिरा डला साप समा बिन्सुड, कोम्बा लावु पेला थुङ्गुप छ्यु बिन्सुड, थाक्किङ्बुकी मी यिन्दुप पेला ख्यिरा खाङ्बाला डला गासो शुसुड। ३६ डे पेरुङ्बा वोतुप पेला ख्यिरा डला मज्या कोन बिन्सुड, नान वोतुप पेला डला ल्हटे क्यासुड, चोन्खाडला शोरुप पेला डला ठेतुपला वासुड।’

३७ तमा यावी थाकाला वोतुप कोन्छ्योककी थोङ्दाडला टेङ्बु वोतुपतिवी डला दुक सिवी, ‘ओ चोवो, नम ड्यिरा चोवोला ल्होवा लावु थोङ्नी समा बिन्सुड? कोम्बा लावु थोङ्नी थुङ्गुप छ्यु बिन्सुड? ३८ तमा थाक्किङ्बुकी मी यिन्दुप पेला गासो शुसुड? पेरुङ्बा वोतुप थोङ्नी मज्या कोन बिन्सुड? ३९ तमा नम नान वोतुप याङ्ना चोन्खाडला शोरुप थोङ्नी ल्हा वासुड?’ ४० तमा डे तिवाला दुक सिवी, ‘वुतुड के ड ख्यिराडला सिरिन, ख्यिरा दे वोतुपतिवी पर्ला तेरी सिनाड छ्युडा मिरा च्यिकला काड क्यावे, ती ति डला राड क्यावु यिन।’ ४१ ती ज्युकला डे येन्बी थाकाला वोतुपतिवाला दुक सिवी, ‘ख्यिराड मोताप सुकुप मीतिवा! डे चा नेमा थेन गल्नी शैतान ताड तीकी डेतिवी थोक्ला टडिक क्यावु नाम्साड मिशिवु मे नाङ्ला ग्युक। ४२ च्यिलासिसिन ड ल्होवा लावु पेला ख्यिरा डला साप समा माबिन, कोम्बा लावु पेला डला थुङ्गुप छ्यु माबिन, ४३ थाक्किङ्बुकी मी यिन्दुप पेला ख्यिरा खाङ्बाला डला गासो माशु, पेरुङ्बा वोतुप पेला मज्या कोन माबिन, तमा नान वोतुप याङ्ना चोन्खाडला शोरुप पेला डला ठेतुपला माडु।’ ४४ तमा तिवी डला दुक सिवी, ‘ओ चोवो, नम ड्यिरा चोवोला ल्होवा लावु ताड कोम्बा लावु ताड थाक्किङ्बुकी मी

यिन्दुप पेला ताड पेर्तुड्बा वोतुप ताड नान वोतुप ताड चोन्खाडला शोरुप थोङ्नी ख्युरुडला शब्ज्यी माक्या वे?’ ४५ती पेला डे तिवाला दुक सिवी, ‘वुतुड के ड ख्यिराडला सिरिन, ख्यिरा दे वोतुपतिवी पर्ला तेरी सिनाड छ्युडा मिरा च्यिकला काड माक्यावे, ती ति डला राड माक्यावु यिन।’ ४६तुक क्यानी तिवा नाम्साड मिसिन्दुप ड्येलाला लुमिगी, तमा कोन्छ्योककी थोङ्दाडला टेङ्बु वोतुपतिवाला ति नाम्साड मिशिवु मिजी थोप्किवी।”

येशूला सेतुप केवुल क्यावु

(मर्कस १४:१-२; लूका २२:१-२;

यूहन्ना ११:४५-५३)

२६ तमा येशूकी ती ताम्डेतिवा तेरी सुड सिन्सिमा खोरो लोमातिवाला दुक सुड्सुड, २“तफेनकी डियमा ड्यी ज्युकला यहूदी थरुप तुछ्येन गिवी सिरुप ति ख्यिराडला छ्या वे। ती पेला मीतिवी ड मी पुज्युडला ग्यडिशडला कल्नी सेतुपला चेक तेकिवी।” ३ती पेला राड कोङ्यार छ्येतिवा ताड यहूदी छ्येतिवा कैयाफा सिरुप तेरी सिनाड कोङ्यार छ्येकी खाड्बा जोम्नी ४चुक क्यानी क्येन बिन्नी येशूला जिम्नी सेतुप सिनी केवुल क्यासुड। ५यिने तिवी “ती तुछ्येनला ति माकी, तुक क्यासिन मीतिवा हराड हुरुड किते यिन्दे।” सिनी सिक्वासुड।

बेथानियाला येशूला टी जड्बु खाप नुम टुलुप

(मर्कस १४:३-६; यूहन्ना १२:१-८)

६डियम्जिक येशू बेथानियाला सिमोन सिरुप गोमाला जे ग्यपुप मी यीकी खाड्बाला सोल शेयी वोतुप पेला ७पुम्पेजा यीकी सिङ्गमरमर सिरुप दो नेसुर जोवु बोक्तल नाड्ला छासे गोड कुर्मु नावु टी जड्बु खाप नुम खुर्नी येशूकी चाला वानी ती नुम ति खोकी गोला पुसुड। ८ती थोडिसमा खोकी लोमातिवा डियर्मु लानी, “च्यिला दी टी जड्बु खाप नुम ति तुक क्यानी ना तङ्गुप यिन? ९बोरु ती टी जड्बु खाप नुम ति गोड कुर्मुला चोनी ती टङ्गा ति पेराड्बुतिवाला बिन्सिन ल्यामु वुङ्गुजा।” सिनी सिक्वासुड। १०ती ताम्डे थोनी येशूकी तिवाला सुड्सुड, “दी पुम्पेजा तीला ख्यिरा च्यिला वोरु तेन्दुप यिन? दीकी याड डे थोक्ला लाका ल्यामु राड क्यासुड। ११पेराड्बुतिवा याड ख्यिरा मुला नरी लुकिवी, यिने ड याड ख्यिरा मुला नरी मुलुवी। १२दी पुम्पेजा तीकी डे गोला टी जड्बु खाप नुम पुवु ति डला कल्दोक कितुप थोक्ला टडिक क्यावु यिन। १३वुतुड के ड ख्यिराडला सिरिन, जम्बुलिङकी कनी दासाला साड दी लेन ल्यामु ख्याप्टाक किवे, ते दी पुम्पेजा तीकी क्यावु लाका साड लाप्नी तीला टेन्गिवी।”

यहूदाकी येशूला क्येन बिन्दुप

(मर्कस १४:१०-११; लूका २२:३-६)

१४ तमा येशूकी लोमा च्यिङ्डी पला यहूदा इस्करियोत सिरुप ति यहूदी कोङ्गार छयेतिवी चाला गल्नी १५ तिवाला “दोजो डे ख्यिराडला येशूला जिम बिन्सुड सिमिन ख्यिरा डला काड तेर्किवी?” सिनी टिसुड। तमा तिवी डुलकी डप्बु खल सुम डोनी तीला बिन्सुड। १६ ती पेला नेज्युनी यहूदाकी येशूला जिम तेरुपला च्यु लहानी देसुड।

येशूकी लोमातिवी मुला यहूदी थरुप तुछ्येनकी डेन शेवु

(मर्कस १४:१२-२६;

लूका २२:७-२३; यूहन्ना १३:२१-३०;

१ कोरिन्थी ११:२३-२५)

१७ खमीर मालुकुप शुब्ज्याड साप तुछ्येनकी डियमा तोडला लोमातिवा येशूकी चाला वानी, “चोवोकी थोक्ला यहूदी थरुप तुछ्येनकी डेन सापला डियराड कनी टडिक कितुप?” सिनी खोला टिसुड। १८ तमा खोकी तिवाला दुक सुङ्सुड, “ख्यिराड ग्येसाला डे सिक्वावु मी मिरा च्यिककी ते गल्नी तीला दुक सी, ‘डियरा गेकेनकी दुक सुङ्सुड, डे तुजे छेवु छल वे, ड डे लोमातिवी मुला ख्योरे खाड्बाला डेन सेवी।’ ” १९ तमा लोमातिवा गल्नी खोकी सुङ्गुप दोके यहूदी थरुप तुछ्येनकी डेन टडिक क्यासुड।

२० ती छेर्मु नाम ल्होसिमा खो लोमा च्यिङ्डीतिवी मुला डेन शेवुला ज्युसुड। २१ खोतिवा डेन शेयी वोतुप पेला खोकी लोमातिवाला “वुतुड के ड ख्यिराडला सिरिन, ख्यिरा पला मिरा च्यिककी डला जिम तेर्किवी।” सिनी सुङ्सुड। २२ खोकी तुक सुङ्सिमा तिवी सेमला छासे पप लानी, “चोवो, वुतुड के ती ति ड यिन?” सिनी रे रेकी खोला टिसुड। २३ तमा येशूकी तिवाला सुङ्सुड, “सी डे मुला कोरी नाडला खोरो शुब्ज्याड पकिन नोके, तीकी राड डला जिम तेर्किवी। २४ ड मी पुज्युड याड खोरो थोक्ला कोन्छ्योककी सुडला टि वोतुप दोके शि राड गोकिवी, यिने ड मी पुज्युडला जिम तेरुप तीला याड मोताप सुकिवी। ती याड क्येप तिरुड माक्येसिन तीकी थोक्ला मड ल्यामु वुङ्गुज्जा।” २५ तमा येशूला जिम तेरुप यहूदा तीकी खोला “गेकेन, काड ती ति ड यिन?” सिनी टिसुड। येशूकी तीला “ख्योरो राड सिक्वा वे।” सिनी सुङ्सुड।

२६ खोतिवा डेन शेयी वोतुप पेला येशूकी शुब्ज्याड लानी कोन्छ्योकला थुचिछे पुलिसमा ती शुब्ज्याड ति च्याक्सुड। तमा लोमातिवाला तेरिन सिरा दुक सुङ्सुड, “लानी सो, दी ति डे जु यिन।” २७ तमा येतुड खोकी कोरा लानी कोन्छ्योकला थुचिछे पुलिसमा तिवाला तेरिन सिरा दुक सुङ्सुड, “ख्यिराड तेरीकी दी कोरा नेसुर थुड।

२८ती ति मी बडीकी थोक्ला दिक्पा ने थर ज्यितुपला देन्दुप कोन्छ्योककी थाक्छ्येन नङ्गुप डे ठक यिन। २९तमा ड ख्यिराडला सिरिन, डे पपी ग्येल्खापला ख्यिरा मुला सम्बा माथुवा सेक्ला ड येल्डु गुन्दुम दोङ्बी डेलु नेमा जोवु ति मुथुड।” ३०ती ज्युक्ला खोतिवा कोन्छ्योकला सोवा देकुप लु च्यिक लानी जैतुन पम्दोक नेवा फेप्सुड।

पत्रुसकी खुरुडला डो मेशेवी सिरुप ति येशूकी नम्दर शेवु

(मर्कस १४:२७-३१; लूका २२:३१-३४;
यूहन्ना १३:३६-३८)

३१ती पेला येशूकी लोमातिवाला सुङ्सुड, “हारिड नुपला ख्यिराड तेरीकी डला क्युर्नी ज्योकिती। च्यिलासिसिन कोन्छ्योककी सुडला, ‘ड लुक गोठालाला सेतिन, तमा लुकतिवा ति मयी नेसुर थरा थुरा डिवी।’

सिनी टि वे।”*

३२यिने ड शेष ने सेन्बु लासिमा ख्यिराड सिनाड गोमाला के गालीलला डोयिनो।” ३३तमा पत्रुसकी खोला “तेरीकी चोवोला क्युर्नी ज्याक्सिनाड ड ति नाम्साड क्युर्नी मोज्योक।” सिनी सिक्यासुड। ३४यिने येशूकी तीला सुङ्सुड, “ड ख्युरुडला टेड्बो सिरिन, हारिड नुपला च्यवु कुकुरी

देन्दुप सिनाड गोमाला ख्योरो डला थ्रेड्मा सुम डो मेशेवी सिनी सिवी।” ३५येल्डु पत्रुसकी खोला “ड याड शि राड गोसिनाड चोवोला डो मेशेवी सिनी मिसिर।” सिनी सिक्यासुड। तमा यम्बा तेरी लोमातिवी साड तुकै राड सिक्यासुड।

गेतसमनीला येशूकी मोपोर क्या नङ्गुप

(मर्कस १४:३२-४२; लूका २२:२६-४६)

३६तमा ती ज्युक्ला येशू लोमातिवी मुला गेतसमनी सिरुप दासाला फेप्नी तिवाला “ड फेचेक गल्नी मोपोर कितुप पेला ख्यिराड ति दे राड देता।” सिनी सुङ्सुड। ३७तमा खोकी पत्रुस ताड जब्दियाकी पुज्युड पिन ड्यीला टिनी फेप्सालेन्सिन खो छासे सेम्दुक ताड पप लङ्गुप छाल्सुड। ३८तमा खोकी तिवाला सुङ्सुड, “डला छासे सेम्दुक लानी शेष दोके छ्याता छ्यिता गल वे। तुक क्यानी ख्यिराड डे मुला डियमालोका क्यानी देता।” ३९तमा खो ति चेयी फेचेक फेप्नी खवुतुड्मा ज्युनी दुक सिनी मोपोर क्या नाङ्सुड, “ओ डे पपा, च्युड थुप्सिन दी छेटाडकी कोरा ति ड नेसुर दोनी नाड। यिन्सिनाड डे नोवा दोके मिन, पपी नोवा दोके राड च्युडशी।” ४०ती ज्युक्ला खो लोमातिवी चाला फेप्सालेन्सिन तिवा ड्यी गलुप

थोड्सुड। खोकी पत्रुसला सुड्सुड,
 “काड ख्यिराड घण्टा च्यिक साड डे
 मुला डियमालोका क्यानी दे मुथुपी?
 ४१ख्यिराड शैतानकी खोकपा ल्हापला
 मेख्येल्शी सिनी डियमालोका क्यानी
 मोपोर की। सेमला ति कितुप नो वे,
 यिन्सिनाड जुकी अला कि मुथुपी।”
 ४२येलुड येशू फेचेक फेप्नी, “ओ डे
 पपा, दी छेटाडकी कोरा ति डे माथुवा
 क्यानी दोनी डो मुथुपी सिसिन पपी
 नोवा दोके राड च्युडशी।” सिनी
 मोपोर क्यासुड। ४३येशू येलुड तिनी
 चाला फेप्नी ल्हासालेन्सिन तिवा
 डियलोकनी राड नोक। च्यिलासिसिन
 तिवा कशेन डियसोक ग्यपुप तप्की
 मिक साड बे मुथुप्नोक। ४४तमा
 येशूकी तिवाला ते राड क्युर ज्याकनी
 येलुड फेचेक फेप्नी गोमी दोके राड
 क्यानी मोपोर क्या नाड्सुड। ४५तमा
 खो येलुड लोमातिनी चाला फेप्नी,
 “ख्यिराड तरोड साड डियलोकनी ड
 सोयी राड वे? ल्होसा, ड मी पुज्युड
 दिक्छेनतिनी लकला चेक तेतुप तुजे
 छेन सिन्सुड। ४६लो, मुला राड डोप।
 ल्हो ताड, डला जिम तेरुप ति चाला
 राड वा वे।” सिनी सुड्सुड।

येशूला जिम्बुप

(मर्कस १४:४३-५०; लूका २२:४७-५३;

यूहन्ना १८:३-१२)

४७येशूकी तुक सुडियन वोतुप पेला
 खोकी लोमा मिरा च्यिड्डी नाड
 ने यहूदा इस्करियोत ति ते लेसुड।

तमा तीकी मुला कोड्यार छ्येतिवा
 ताड यहूदी छ्येतिनी तड्गुप मीतिवा
 बडी खुर्पा ताड लकाम खुर्नी लेसुड।
 ४८गोमाला के यहूदा तीकी येशूला जिम
 वावु मीतिवाला “सुला डे पुका किवे,
 ती राड येशू यिन। तीला राड जिम।”
 सिनी सिक्यानोक। ४९ते लेप्सिमा
 यहूदा ति शाक्येक येशूकी चाला गल्नी
 खोला “टसी देलेक, गेकेन!” सिनी
 पुका क्यासुड। ५०तमा येशूकी तीला
 “ख्युरुड दे काड कितुपला वावु यिन,
 ती ति की।” सिनी सुड्सुड। तमा तिवा
 वानी येशूला जिम्सुड। ५१ती पेला
 येशूकी मुला वोतुपतिनी पर्ला मिरा
 च्यिककी खुर्पा थेन्नी तेरी सिनाड
 कोड्यार छ्येकी लावाकी नम्ज्योक ति
 टेप च्येसुड। ५२तमा येशूकी ती खुर्पा
 ग्यकुप तीला सुड्सुड, “ख्योरो खुर्पा
 ति शुपकी नाड्ला च्यी। च्यिलासिसिन
 खुर्पा थोकुप मीतिवा खुर्पा थोनी राड
 ना डिवी। ५३डे पपाला गोड्बा शुसिन
 खोकी तन्दा राड मक्मी छो च्यिड्डी
 सिनाड मड देवाच्येनकी लेन क्योलुप
 थुतिवा डे थोकला मोतोडिग्वी सिनी
 ख्यिरा नासाम तोडिग्वी? ५४यिने
 तुक क्यासिन दुकै च्युड गोकिनी
 सिरुप कोन्छ्योककी सुड ति चुक
 क्यानी छेकिनी रो?” ५५तमा येशूकी
 खोरुडला जिम वावुतिवाला सुड्सुड,
 “ख्यिराड च्यिला च्याक्पा जिम्बुप
 दोके क्यानी खुर्पा ताड लकाम खुर्नी
 डला जिम वावु? ड डियमी टेड यहूदी
 ल्हडाडला येन्देन बिन्सिनाड ख्यिरा

डला माजिम। ५६ यिने दी तेरी च्युङ्गुप ति कोन्छ्योककी लुङ्तेम्बातिवी टिवु खोकी सुङ ति तेरी छेवुला यिन।” ती पेला येशूकी लोमातिवा तेरीकी खोला क्युर ज्याक्नी टोनी गाल्सुङ।

येशूला कोङ्यार छ्येकी चाला क्यलुप

(मर्कस १४:५३-६५;

लूका २२:५४-५५, ६३-७१;

यूहन्ना १८:१३-१४, १६-२४)

५७ तमा येशूला जिम्बुप मीतिवी खोला तेरी सिनाङ कोङ्यार छ्ये कैयाफाकी खाङ्बाला टिनी गाल। ते यहूदी छ्योकी गेकेनतिवा ताङ यहूदी गोमा कितुप मी छ्येतिवा जोम्नोक। ५८ यिने पत्रुस ति थाक्किङ्बु नेसुर येशूकी तिङ तिङ्ला तिङ्यानी कोङ्यार छ्येकी खाङ्बी लेडाङ सेक लेप्नोक, तमा ती खाङ्बी नाङ्ला शुनी येशूला काङ च्युङ्गिनोक सिनी ल्हापला ती खाङ्बा ज्हेन्दुपतिवी पर्ला देसुङ। ५९ ती पेला कोङ्यार छ्येतिवा ताङ यहूदी छोकपाकी मी छ्येतिवा तेरीकी येशूला सेतुपला खोकी तेन्दोकला पङ्बु जिनोक तेरुप मीतिवा छोलिन नोक। ६० मीतिवा बडी वानी येशूकी तेन्दोकला जिनोक जोप पङ्बु बिन्सिनाङ तिवी बिन्दुप पङ्बु ति माङिक। ती तिङ्ला मी मिराङ्गी वानी दुक सिक्कासुङ, ६१ “दी मी तीकी कोन्छ्योककी ल्हडाङ शिकनी डियमा सुमला राङ जोयी सिनी

सिक्कासुङ।” ६२ तमा तेरी सिनाङ कोङ्यार छ्ये ति खोक लानी येशूला “दी मीतिवी ख्योरो तेन्दोकला बिन्दुप पङ्बु ति काङ यिन? ख्युरुडला दी ताम्डेकी कोर्ला काङ साङ टिलेन मे?” सिनी टिसुङ। ६३ यिने येशू खरक्पा ज्युसुङ। येलुङ तेरी सिनाङ कोङ्यार छ्ये तीकी येशूला “ख्युरुङ डोसु वोतुप कोन्छ्योकला न क्यल्नी डियराङला टेङ्बु सी। काङ ख्युरुङ कोन्छ्योककी सेवु ख्रीष्ट राङ यिन?” सिनी टिसुङ। ६४ तमा येशूकी तीला सुङ्सुङ, “ख्योरो राङ सिक्कासुङ। यिने ड ख्यिराङ तेरीला सिरिन, तफेन्ला ड मी पुज्युङ ति चोछ्येवु कोन्छ्योककी यावी थाकाला देतुप ताङ देवाच्येनकी मुक्पी ख नेमा वुङ्गुप ति ख्यिरा थोङ्गितो।” ६५ ती थोसिमा तेरी सिनाङ कोङ्यार छ्ये तीकी खोरो मज्या ज्होलिन सिरा दुक सिक्कासुङ, “दीकी याङ कोन्छ्योकला के मारे तोङ्गिनोक। तुक क्यानी त याङ दाक्पुला यम्बा पङ्बु काङ गोसुङ रो? मलोक दीकी कोन्छ्योकला मारे तङ्गुप ताम्डे याङ ख्यिरा थोनिङ सिन्सुङ। ६६ दीकी कोर्ला ख्यिरा नासाम काङ वे?” सिनी सिक्कासुङ। तमा तिवी “दीला याङ से राङ गोकिवी।” सिनी सिक्कासुङ। ६७ तमा तिवी येशूकी शालला छ्यिन्दुर ग्यप्नी खोला वोक्तुम पोप्सुङ। ललाइ ललाइकी येशूला डम्ज्येक ग्यकिन सिरा ६८ “ओ ख्रीष्ट, डियराङला

नम्दर शे ताड। ख्युरुडला बेपुप ति सु यिन?” सिनी सिक्क्यासुड।

पत्रुसकी येसूला डो मेशेवी सिक्क्यावु

(मर्कूस १४:६६-७२; लूका २२:५६-६२;
यूहन्ना १८:१५-१८, २५-२७)

६६ ती पेला पत्रुस ति तेरी सिनाड कोड्यार छ्येकी खाड्बी लेडाडकी फिला देनी नोक। तमा लावाम यी तीकी चाला वानी, “ख्युरुड साड गालीलला येसूकी मुला देतुप मी मिन?” सिनी सिक्क्यासुड। ७० यिने पत्रुसकी तिवा तेरीकी मिङ्गाला “मिन, ख्योरो काडगी कोर्ला सिक्क्यावु ति डे हाक्माको।” सिनी सिक्क्यासुड। ७१ तमा ती ज्युकला पत्रुस पाङ्गला गे चाला थेन्सिमा यम्बा लावाम यीकी तीला थोङ्नी, “दी मी तिड नासरतकी येसू मुला राड नोक।” सिनी सिक्क्यासुड। ७२ लोड पत्रुसकी “मिन, डे ती मीला डो राड मेशेवी।” सिनी न क्याल्सुड। ७३ चेयी ज्युकला ते लानी देतुप मीतिवी पत्रुसकी चाला वानी, “वुतुड के ख्युरुड तिवी परकी मी राड यिन, च्यिलासिसिन ख्योरो ताम्डे लाप्ताड ल्हासिन ख्युरुड गालीलकी मी राड यिन।” सिनी सिक्क्यासुड। ७४ तमा पत्रुसकी मड डेरेड शुनी न क्योलिन सिरा “वुतुड के डे तीला डो राड मेशेवी।” सिनी सिक्क्यासुड। तुक सिक्क्यालुङ्मे शाक्येक च्यवु कुकुरी तेन्सुड। ७५ तमा “च्यवु कुकुरी देन्दुप

सिनाड गोमाला ख्योरो डला थेङ्मा सुम डो मेशेवी सिवी।” सिनी येसूकी सुङ्गुप ति टेन्नी पत्रुस ति पाङ्गला गल्नी कशेन डुसुड।

येसूला पिलातसकी दोङ्गला क्यलुप

(मर्कूस १५:१; लूका २३:१-२;
यूहन्ना १८:२८-३२)

२७ ती सला टोपला टेताड कोड्यार छ्येतिवा ताड यहूदी गोमा कितुप मी छ्येतिवा तेरी जोम्नी येसूला सेतुप सिनी केवुल क्यासुड। २ तमा तिवी येसूला कोड किन्नी तेसुर टि गल्नी रोमी ठिम कितुप मी छ्ये पिलातसला चेक तेसुड।

३ ती पेला येसूला क्येन तेरुप यहूदा ति खोला सेतुप छ्येर्पा कलुप थोङ्गिसमा खोरो मेलोकपा क्यावु यिन सिनी सेम्दुक लानी ती डुलकी डप्बु खल सुम ति कोड्यार छ्येतिवा ताड यहूदी गोमा कितुपतिवाला लोकिन सिरा ४ “डे याड काड साड क्येन मेतुप मीला क्येन बिन्नी दिक्पा क्यायी।” सिनी सिक्क्यासुड। यिने तिवी तीला “ङ्गिराडला काड सिवी? ती ति ख्योरो राड जोवु यिन।” सिनी सिक्क्यासुड। ५ तमा यहूदाकी ती डुलकी डप्बुतिवा ल्हडाड नाङ्गला राड क्युर ज्याक्नी तेसुर थेन गल्नी खोरुड राड नामला कल्नी शिनोक।

६ तमा कोड्यार छ्ये तीकी ती डुलकी डप्बुतिवा रुनी, “दी ति मी सेतुपला लावु टङ्गा यिन, तुक क्यानी

लहडाडकी टङ्गी मुला ज्योकुप मेवी।” सिनी सिक्कासुड। ७तमा तिवी ती टङ्गा थ्वोनी थली नेक्योक जोप मीकी शिड ड्योनी ती शिड ति छियग्यपतिवा कल्दोक कितुप दासा जोपला तेन्तेन क्यासुड। ८तुक क्यानी ती शिडला तन्दा सेक ठककी शिड सिनी सिवी। ९तमा कोन्छ्योककी लुङ्तेम्बा यर्मिया नेसुर दुक सिनी सुङ्गुप कोन्छ्योककी सुड ति तेरी छेसुड, “तिवी इस्राएलकी मीतिवी गोड ग्यपुप मीकी डुलकी डप्बु खल सुम लानी १०ती टङ्गा ति थली नेक्योक जोप मीकी शिड ड्योपला थोसुड। ती ति चोवो कोन्छ्योककी डला क नङ्गुप दोके यिन।”*

येशू पिलातसकी दोङ्ला लावु

(मर्कस १५:२-१५;

लूका २३:३-५, १३-२५;

यूहन्ना १८:२६-१६:१६)

११ती ज्युक्ला येशू रोमी ठिम कितुप मी छ्ये पिलातसकी दोङ्ला लासुड। तमा तीकी येशूला “काड ख्युरुड यहूदीतिवी ग्येल्बु यिन?” सिनी टिसुड। तमा येशूकी तीला “यिन, ख्योरे सिक्कावु दोके राड यिन।” सिनी सुङ्सुड। १२तमा येशूकी ते कोङ्यार छ्येतिवा ताड यहूदी गोमा कितुपतिवी क्येन ग्यपुप ताम्डेला काड साड टिलेन मानाड। १३ती पेला पिलातसकी येशूला “तिवी ख्योरो

तेन्दोकला पड्बु बडी बिन्दुप ति ख्योरो माथो?” सिनी सिक्कासुड। १४यिने येशूकी तीला ताम्डे च्यिक साड मासुड, तमा तिवी ग्यपुप क्येनकी पर्ला च्यिकला साड ताम्डे मासुड। ती थोङ्नी रोमी ठिम कितुप मी छ्ये ति छासे हलेवा क्यासुड।

येशूला सेतुप छ्येर्पा कलुप

१५यहूदी थरुप तुछ्येनला रोमी ठिम कितुप मी छ्ये तीकी चोन्खाडला शोरुप मीतिवी नाङ्ला लुङ्बाकी मीतिवी पेतुप मी मिरा च्यिकला पि तोड ज्यितुप लुकसु नोक। १६तमा ती पेला मीतिवा तेरीकी छ्या वोतुप बरब्बा सिरुप छासे मी दुक्टा यी चोन्खाडला शोर्नोक। १७ते मीतिवा बडी जोम्सिमा पिलातसकी तिवाला “ख्यिरा थोक्ला डे सुला पि तोङ्शी सिनी नो किवी? बरब्बाला पि तोङ्गुप की, ख्रीष्ट सिरुप येशूला पि तोङ्गुप?” सिनी टिसुड। १८च्यिलासिसिन यहूदीतिवा ठतोक लानी येशू ति खोरुङ्ला चेक तेतुप यिन सिनी पिलातसला छ्या नोक।

१९तमा पिलातस ठिम कितुप ठीला देनी वोतुप पेला तीकी पेर्मीकी तीला “ती क्येन मेतुप मी तीला काड साड माकी, च्यिलासिसिन हारिड नुपला मिलामला तीकी थोक्ला डे छासे दुक्पा खुरिन।” सिनी लेन ताङ्नोक।

२० यिने कोङ्यार छ्येतिवा ताड यहूदी गोमा कितुप मी छ्येतिवी मी माङ्छ्योकला चेन्नी बरब्बाला ति पि ताङ्नी येशूला ति सेतुप छ्येर्पा बिन सिनी सि च्यिसुड। २१ येलुड पिलातसकी तिवाला “दिवा डियवी पर्ला डे चुका तीला पि तोङ्शी सिरुप ख्यिरा नो वे?” सिनी टिसुड। तमा तिवी “बारब्बाला राड पि तोड।” सिनी च्यार ग्यप्सुड। २२ तमा पिलातसकी तिवाला “तुकै यिन्सिन दी ख्रीष्ट सिरुप येशू तीला ति ड काड कितुप?” सिनी टिसुड। तमा तिवा तेरीकी “तीला ग्यङ्गिङला कल्नी काँडी दाप्नी से।” सिनी च्यार ग्यप्सुड। २३ पिलातसकी तिवाला “च्यिला? दीकी काड मेलोवा क्या वे?” सिनी टिसुड। यिने तिवी मड च्यार ग्यकिन सिरा “तीला ग्यङ्गिङला कल्नी काँडी दाप्नी से।” सिनी सिक्कासुड।

२४ पिलातसकी खोरो राड काड कि मुथुपुप ताड मीतिवा हराड हुरुड कितुप छलुप थोङ्सिमा मी माङ्छ्योककी मिङ्गाला छ्यु थ्वोनी लाक्पा टुयी सिरा “दी मीला सेतुप क्येन ति डला मे। ती क्येन ति ख्यिरा राड खुर गोकितो!” सिनी सिक्कासुड। २५ तमा मीतिवा तेरीकी मुला राड “दी मीला सेतुप क्येन ति डियराड ताड डियरा गिपातिवाला राड ख्येल्ली।” सिनी सिक्कासुड। २६ तमा पिलातसकी बरब्बाला ति पि ताङ्नी येशूला ति पाङ्शर तोड ज्यितुप ताड ग्यङ्गिङला

कल्नी काँडी दाप्नी सेतुपला रोमी मक्मीतिवाला चेक तेसुड।

मक्मीतिवी येशूला मारे तङ्गुप

(मर्कस १५:१६-२०; यूहन्ना १८:२-३)

२७ ती ज्युकला पिलातसकी मक्मीतिवी येशूला रोमी ठिम कितुप मी छ्ये देतुप खाङ्बाला टि गल्नी यम्बा मक्मीतिवा तेरीला कताङ्नी ते जोम च्यिसुड। २८ तमा तिवी येशूकी नम्सा ति पिनी खोला छ्योवा मुक्पु यी कोन बिन्नी २९ छेर्माड वोतुप येल्ला कुक्नी ग्येल्वी उशाक दोके जोनी खोकी गोला कोन बिन्सुड। तमा तिवी खोकी छ्याक नालोकपाला ड्युङ्मी लकाम जिम च्यिनी खोकी दोङ्गला पुमुड सला चुनी, “ओ यहूदीतिवी ग्येल्वु, ख्युरुङला छे रिङ्बु च्युङ्गी।” सिनी खोला मारे ताङ्सुड। ३० ती ज्युकला तिवी खोला छ्यिन्दुर ग्यप्नी खोकी छ्याकला ज्यकुप ड्युङ्मी लकाम ति ठोनी खोकी गोला राड पोप्सुड। ३१ तिवी तुक क्यानी खोला मारे ताङ सिन्सिमा छ्योवा मुक्पु ति पिनी गोमाला खोकी नुम्बुप नम्सा ति येलुड कोन बिन्नी ग्यङ्गिङला कल्नी काँडी दाप्नी सेतुपला टि गाल।

येशूला ग्यङ्गिङ लोला कल्नी सेतुप

(मर्कस १५:२१-३२; लूका २३:२६-४३;

यूहन्ना १८:१७-२७)

३२ तमा तिवी येशूला टि डोयी कितुप पेला कुरेनी नेमा वावु सिमोन सिरुप

मी यीला लामला ठेनी तीला येशूला कल्नी सेतुप ग्यङ्शिङ ति कार क्यानी खुर च्यिसुङ। ३३ तेसुर तिवा गलगथा सिरुप दासाला लेप्नोक। ती गलगथा सिरुप तेन्दोक ति ‘कप्लीकी दासा’ सिक्कावु यिन। ३४ ते लेप्सिमा तिवा येशूला ठिवा जेवु गुन्दुम छ्याङ थुङ्गुपला बिन्सुङ। यिने खोकी ती गुन्दुम छ्याङ ति च्यिप क्यासिमा थुङ्गुप माङ्येन।

३५ तमा मक्मीतिवी खोला ग्यङ्शिङला काँडी दाप्नी कल्सिमा खोकी नम्सातिवा ग्येन ग्यप्नी खोप्ने पर्ला गोसुङ। ३६ ती ज्युक्ला तिवा खोला जेन्नी देसुङ। ३७ तमा खोकी गो तेङ्ला “दी ति यहूदीतिवी ग्येल्वु येशू यिन।” सिरुप क्यान ग्यपुप यिकी यी पङ्लिङ लोला टिनी ग्यम ज्याक्नोक। ३८ येशूला ग्यङ्शिङला काँडी दाप्नी ग्येलुप पेला च्याक्पा मिरा ड्यीला साङ च्यिक ति खोकी यावी थाकाला ताङ च्यिक ति खोकी येन्बी थाकाला ग्यङ्शिङला काँडी दाप्नी काल्सुङ।


३९ ते लाम नेवा फार छुर युक्पु मीतिवी गो युकिन सिरा येशूला मारे ताङ्नी, ४० “ओ लहडाङ जहम्नी ड्यिमा सुमला राङ जोयी सिरुप मी, ख्योरो खुरुङला राङ ज्होक। ख्युरुङ कोन्छ्योककी सेवु यिन्सिन ग्यङ्शिङ लो नेमा मर पाम शोक।” सिनी सिक्कासुङ। ४१ तमा तुक राङ क्यानी कोङ्यार छ्येतिवी साङ यहूदी छ्योकी गेकेनतिवा ताङ यहूदी गोमा

कितुप मी छ्येतिवी मुला मुला राङ खोला मारे ताङ्नी दुक सिक्कासुङ, ४२ “दीकी मी यम्बाला याङ ज्होकसुङ, यिने खोरुङला ति ज्होक माथुप। दी इस्राएलकी ग्येल्वु मिन? दी ति तन्दा राङ ग्यङ्शिङ लो नेमा पाम वासिन ड्यिराङ दीला तेपा कितुप्जा। ४३ दीकी कोन्छ्योकला रेवा क्यासुङ। दोजो कोन्छ्योककी नोवा वोसिन खोकी राङ दीला ज्होकिते यिन्दे, च्यिलासिसिन दीकी ‘ड कोन्छ्योककी पुज्युङ यिन।’ सिनी सिक्का वे।” ४४ तमा येशूकी मुला ग्यङ्शिङला कलुप च्याक्पातिवी साङ तुक राङ सिनी खोला मारे ताङ्सुङ।

येशू टुङ्गुप

(मर्कस १५:३३-४१; लूका २३:४४-४६;
यूहन्ना १९:२८-३०)

४५ ती पेला ड्यिमी गुङगी छ्युजी च्यिङ्डी नेज्युन छ्युजी सुम सेक लुङ्बा तेरीला नक्तोमी गाल। ४६ तमा छ्युजी सुम चोयीला येशू “इलोई इलोई लामा सबखथनी।” सिनी थोर ग्यप्सुङ। तीकी तेन्दोक ति “ओ डे कोन्छ्योक, ओ डे कोन्छ्योक, ख्योरे डला च्यिला क्यानी ज्यकुप यिन?” सिक्कावु यिन। ४७ ती थोनी ते लानी वोतुप मीतिवा ललाङकी “दी मी तीकी याङ एलियाला के कतोङ्गिनोक।” सिनी सिक्कासुङ। ४८ तमा तिवा पर्ला मिरा च्यिक ति टिम्बु टिम्बु छ्योङ्बाल ग्यम गल्नी



लहेन्दा यी लानी तीला गुन्दुम छ्याड
क्युर्वुकी नाङ्ला पासिमा ती ति लकाम
गोला ज्याक्नी येशूला थुङ च्यिसुङ।
४६यिने ते देतुप मी यम्बातिवी “उकुर
च्यिक देशी। दीला ज्होकुपला एलिया
गिते यिन्दे लहाप।” सिनी सिक्क्यासुङ।
५०तमा लोङ येशू थोर ग्यप्नी वोरु
तेन्सिमा खोकी उ छ्येसुङ।

५१ती पेला राङ यहूदी लहडाङ
नाङ्ला ग्यावु गोयोल ति गो नेमा
ज्युनी शाप सैक फेका इयी गल्नी
राल्सुङ। तमा सयी ग्यप्नी दो ग्येर्पु
साङ टुम्सुङ। ५२तमा शेष मीला
ज्योकुप टककी फुककी खतिवा पेनी
ती नाङ्ला ज्यकुप कोन्छ्योकला तेपा
क्यावु टेङ्बु वोतुप मीतिवा बडी शेष

ने सेन्बु लासुङ। ५३तिवा येशू टुङ्नी
डोसु लावु ज्युकला शेष मीला ज्योकुप
टककी फुक नेवा थेन्नी यरूशलेम
ग्येसाला गल्नी मी बडीकी चिप्ला
छ्यर्सुङ। ५४ती पेला रोमी मक्मी
सयी च्यिककी खकी छ्ये ताङ तीकी
मुला येशूला जहेन्दुप मक्मीतिवी सयी
ग्यकुप ताङ ते च्युङ्गुप ताम्डेतिवा
थोङ्सिमा छासे ज्यिवा कियी सिरा
“वुतुङ के दी याङ कोन्छ्योककी सेवु
राङ यिनोक।” सिनी सिक्क्यासुङ।

५५ते पुम्पेजातिवा साङ बडी
थाकिरङ्बु नेसुर लहानी देनोक।
तिवा ति येशूला शब्ज्यी कियी सिरा
गालील नेसुर खोकी तिङ्ला तिङ्यानी
वावु यिनोक। ५६तिवी पर्ला मरियम

मगदलिनी, याकूब ताड योसेफकी
आमा जब्दियाकी पेर्मी मरियम नोक।

येशूकी फुङ्बु कल्दोक क्यावु

(मर्कूस १५:४२-४७; लूका २३:५०-५६;
यूहन्ना १९:३८-४२)

५७ तमा नाम ल्होसिमा योसेफ सिरुप
अरिमाथियाकी मी छ्युकुपु यी ते
लेसुड। ती साड येशूला तेपा क्यानी
खोकी सुडला युकुप मी यिनोक।
५८ ती योसेफ ति पिलातसकी ते गल्नी
येशूकी फुङ्बु खुर्नी डो च्यी सिनी
गोड्बा शुसिमा पिलातसकी तीला
येशूकी फुङ्बु बिन सिनी योक कुसुड।
५९ तमा योसेफकी येशूकी फुङ्बु ति
खुर गल्नी रा नेडेनकी नाङ्ला टिल्सुड,
६० तमा खोरो थोकला दो पुङ्नी जोवु
शेप मीला ज्योकुप टककी फुक
सम्बी नाङ्ला येशूकी फुङ्बु ज्याक्नी
दो ग्येर्पु यी रिल वानी ती टककी
फुककी खला ग्यम ज्याक्नी गाल्सुड।
६१ ती पेला ती टककी फुककी चाला
मरियम मगदलिनी ताड यम्बा मरियम
ति येशूकी फुङ्बु ज्योकुप ति ल्हानी
देनोक।

मक्मीतिवी येशूकी फुङ्बु ज्युकुप टककी फुकला ज्हेन्दुप

६२ ती सला डासोप डियमी छेर्मु
कोड्यार छ्येतिवा ताड फरिसीतिवा
पिलातसकी ते जोम्नी दुक सिक्कासुड,
६३ “पिलातस ला, ती जिनोक जोप मी
तीकी सेन्बु वोतुप पेला डियमा सुमकी

तिङ्ला खोरुड शेप ने येलुड सेन्बु
लडियन सिनी सिक्कावु ति डियराडला
टासा वे। ६४ तुक क्यानी डियमा सुम
सेक तीला ज्युकुप टककी फुकला
मक्मीतिवा ज्याक्नी ल्यामु क्यानी
ज्हेन सिनी क नाड। मिसियाड तीकी
लोमातिवा वानी तीकी रो ति कुन क्या
गल्नी ‘खो याड शेप ने डोसु लासुड।’
सिनी मीतिवाला सिवी। तुक क्यासिन
तिवी जोवु तिङकी जिनोक ति गोमीकी
सिनाड मड मेलोकपा डिवी।” ६५ तमा
पिलातसकी तिवाला “ख्यिरा मुला
वोतुप ज्हेन्दुप मक्मीतिवा टि गल्नी
ख्यिरा अछ्योता सेक ल्यामु क्यानी
ज्हेन च्यी।” सिनी सिक्कासुड। ६६ तमा
तिवा गल्नी शेप मीला ज्योकुप टककी
फुककी खला कपुप दो ति बे मुथुपु
जोसिमा मक्मीतिवाला ज्याक्नी तीला
ल्यामु क्यानी ज्हेन च्यिसुड।

येशू टुङ्गुप ने डोसु लावु

(मर्कूस १६:१-११; लूका २४:१-१२;
यूहन्ना २०:१-१८)

२८ डासोप डियमा सिन्सिमा
जा डियमी टोपला टेताड
मरियम मगदलिनी ताड यम्बा मरियम
ति येशूकी फुङ्बु ज्युकुप टककी
फुकला ल्हापला गाल्नोक। २ ते
शाक्येक सयी ग्येर्पु ग्यप्सुड, तमा
चोवो कोन्छ्योककी लेन क्योलुप
थु यी देवाच्येन नेमा वानी टककी
फुककी खला च्येतुप दो ग्येर्पु ति
दोनी ती दे खला देसुड। ३ तीकी डुतुड

ति चिलाम ग्यपुप दोके ठदिडी ताड तीकी मज्या ति वोमा दोके छासे कर्म नोक। ४तीला थोडिसमा ते ज्हेन्दुप मक्मीतिवा ज्यिवा लानी ज्हुकिन सिरा शेष दोके गाल्नोक।

५यिने ती देवाच्येनकी लेन क्योलुप थु तीकी ती पुम्पेजातिवाला “ख्यिराड ज्यिवा माकी। ख्यिराड ग्यडिशडला कल्नी काँडी दाप्नी सेतुप येशूला छलुप ति डला छ्या वे। ६खो याड दे मे, खोकी सुङ्गुप दोके खो टुङ्गुप ने डोसु लासुड। दे वानी खोकी फुङ्बु ज्यकुप दासाला ल्हो। ७तमा ख्यिराड टिम्बु गल्नी खोकी लोमातिवाला ‘खो याड शेष ने डोसु लानी ख्यिराड सिनाड गोमाला के गालीलला फेपिन वे। ख्यिरा खोला ते राड ठेकिवी।’ सिनी सिना लोप। दी ति डे ख्यिराडला सिक्यावु ताम्डे यिन।” सिनी सिक्यासुड।

८ती थोसिमा पुम्पेजातिवा सेमला ज्यिवा ताड गा कियी सिरा तेसुर शाक्येक थेन्नी ती लेन ति खोकी लोमातिवाला तेरुपला टिम्बु टिम्बु छ्योड्बाल ग्यप्नी गाल्सुड। ९तिवा डोयी कितुप पेला येशू शाक्येक लामला तिवाला ठेनी, “ख्यिराडला लोदिमु वुङ्शी!” सिनी सुङ्सुड। तमा तिवा खोकी चाला गल्नी खोकी शापला जिमिन सिरा खोला शावा क्यासुड। १०तमा येशूकी तिवाला सुङ्सुड, “ज्यिवा माकी। ख्यिराड गल्नी डे लोमातिवाला गालीलला ग्युक सिनी लोप। ते तिवा डला ठेकिवी।”

ज्हेन्दुप मक्मीतिवा कोड्यार छ्येला लेन क्यलुप

११तमा ती पुम्पेजातिवा लामला डोयी कितुप पेला येशूला ज्यकुप टककी फुकला ज्हेन्दुप मक्मीतिवा ललाइ ति ग्येसाला गल्नी कोड्यार छ्येतिवाला ते च्युङ्गुप तेरी ताम्डेतिवा सिक्यासुड। १२तमा कोड्यार छ्येतिवा यहूदी गोमा कितुप छ्येतिवा ताड मुला जोम्नी केवुल क्यासिमा १३ज्हेन्दुप मक्मीतिवाला टङ्गा बडी तेरिन सिरा दुक सिक्यासुड, “ख्यिरा ‘नुपला ड्यिराड ड्यी गलुप पेला येशूकी लोमातिवा वानी तीकी रो ति कुनी खुन गाल्नोक।’ सिनी सिना। १४दोजो रोमी ठिम कितुप मी छ्येकी दी ताम्डे थोसिनाड ड्यिराड तीकी मुला ताम्डे ल्यामु क्यानी ख्यिराडला काड साड दुक्पा तेर मिज्यितो।” सिनी सिक्यासुड। १५तमा ज्हेन्दुप मक्मीतिवा टङ्गा लानी तिवा लापुप दोके तेरी क्यासुड। ती ताम्डे ति तसाम सेक साड यहूदीतिवा पर्ला टम्नी नोक।

येशूकी लोमातिवाला नङ्गुप तिङ्मी कतिवा

(मर्कस १६:१४-१८; लूका २४:३६-४६;

यूहन्ना २०:१६-२३;

लोमा छ्येतिवा लाका १:६-८)

१६तमा येशूकी लोमा मिरा च्युच्यिकतिवा गालीलला गल्नी

खोकी तिवाला ग्युक सिनी सुङ्गुप पम्दोकला गाल। १७ते तिवी येशूला थोङ्नी खोला शावा क्यासुड। यिने ललाइकी खो येशू यिन्दे मिन्दे सिनी नो क्यासुड। १८तमा येशू तिवी चाला राड फेप्नी तिवाला दुक सुङ्सुड, “जम्बुलिङ ताड देवाच्येनकी तेरी ओङ्ज्येन ति कोन्छ्योककी डला नड वे। १९ती तप्की ख्यिराड गल्नी

लुङ्बा तेरीकी मिरिकतिवाला डे लोमा जो, तमा पपा कोन्छ्योक ताड पुज्युड ताड खोकी थु चाङ्माकी मिडला तिवाला बप्तिस्मा बिन। २०तमा ख्यिराडला डे क बिन्दुप तेरी ताम्डेतिवा तिवाला लाप्नी इयेन च्यी। वुतुड के ड दी जम्बुलिङ ना मागाला सेक ख्यिरा मुला राड नरी देतिनो।”

